

*Es steht ausdrücklich dargenommen, daß dieser Schrift nicht
von Hrn. Jäger, S. für die Abgesandte Bibliothek h. p. 1781.*

IYSTI HENNING. BÖHMERI,
ICTI, COM. PALAT. CAES. S. REGIAE MA-
IENT CONSIL. AVL. ET PROF. IVR. ORDIN.
IN ACADEMIA FRIDERICIANA

SCHEDIASMA

DE


DIVERSO

SPONSALIVM

ET

MATRIMONII

IVRE




FRANCOFVRTI ET LIPSIÆ, MDCCXVIII.

THE UNITED STATES OF AMERICA
DEPARTMENT OF THE INTERIOR
BUREAU OF LAND MANAGEMENT
WASHINGTON, D. C.

1911

AN ACT TO
REPEAL THE ACT OF MARCH 3, 1879,
AND TO REPEAL THE ACT OF MARCH 3, 1879,
AND TO REPEAL THE ACT OF MARCH 3, 1879,



DISSERTATIO INAUGURALIS IURIDICA
DE
DIVERSO SPONSALIVM
ET MATRIMONII IVRE.

PROLEGOMENA
DE
PRAEIVDICIIS QVIBVSDAM CIRCA MA-
TRIMONII ET SPONSALIVM CONVE-
NIENTIAM.

§. I.



On adeo mirandum est, non tantum olim repertos, qui nullam in effectu inter sponsalia & nuptias differentiam esse statuerent, sed adhuc hodie etiam hanc sententiam a celebrissimis quibusdam viris defendi, cum gravissimis omnino dubiis scopulis, que tota haec doctrina referta sit. Agite, aperiamus huius sententiae fontes riuulosque, eamque

A

que

*Fundamen-
tum erroris
primum
quod nupti-
as consensus
faciat.*

que paulo plenius examinemus. Primum eius fundamen-
tum tanquam palmarium deprehendo *in l. 30. D. de R. I.*
quae docet *consensum facere nuptias non concubitus*, quod
etiam confirmat *l. 66. de donat. inter vir. & uxor.* Inde col-
legerunt CARPZOV. *Pr. crim. quaest. 56. n. 22.* STRVV. *exerc.*
29. th. 20. HAHN. *in not. ad Wesenbec tit. D. de sponsal. n. 3.*
& magna pars protestantium Theologorum & Ictorum, ad
nuptias contrahendas solum *consensum* quibuscunque ver-
bis, quibus matrimonium quomodocunque promittitur,
consistentem sufficere; modo verba *pure* sint concepta,
nec promissio conditione aliqua vel tempore dilata sit, at-
que inde effectus iuris, qui de *coniugibus* concepti sunt,
etiam ad eiusinodi *desponsatos* trahi debere.

*Eius defru-
ctio.*

§. II. Sed hoc exinde minime probari videtur. Re-
gula VLPIANVM agnoscit auctorem, & idcirco casus ab eo-
dem VLPIANO in *l. 15. D. de condit. & demonstrat.* addu-
ctus repetendus. Legatum erat virgini sub conditione;
si nupserit; quaerebatur, quando illa esset impleta? respon-
det, conditionem illam, *si nupserit*; statim ac *ducta* est u-
xor, impletam dici, quamvis non venerit in cubiculum
mariti. Pro ratione decidendi regulam subiicit: *nuptias e-
nim non concubitus sed consensus facit.* His verbis non *consen-
sum* qualemcunque seu *promissionem* illam, quae intercedit
in *sponsalibus*, quibus promittuntur *futuræ nuptiae* iuxta *l.*
1. de sponsal. intelligit Ictus, sed cum ipsa *ductione* con-
iunctum seu *matrimoniale*, quo maritus *fidem coniugalem*
pollicetur, & consentit nuptiis *præsentibus*, accipitque
uxorem in domum traductam, vid. RITTERSHVSIVS *ad*
rubr. tit. 1. de nupt. FRANC. HOITOMAN *lib. 4. observ. c.*
26. CYPRAEVS *de sponsal. c. 5. §. 4. n. 8.* GODOFRED. *in*
not. ad l. 15. D. de condit. & demonstrat. CUIACIUS *in*
praelect. ad b. l. 30. de R. I. quem demum *concubitus* sequi-
tur. Et licet *deductio in domum* ordinarium erat *consen-
sus matrimonialis indicium*, poterat tamen hic consensus
eti-

etiam aliter declarari, ut matrimonium esset ante solennem
ductionem, si in *praesens coniugium* consentirent, qualis est
 sensus *cis. l. 66. quae consensum matrimonialem* utique suppo-
 nit, non tamen cum *sponsalicio* confundit. Accedit, quod
 ULPIANO non infrequens sit, pro: *non tantum, sed*, et-
 iam ponere *non solum*, uti *ex l. 32. §. 12. D. de donat. inter vir,*
& uxor. patet, ubi secundum propositam facti speciem
 dicere debuisset, *non enim tantum coitus* (seu corporalis co-
 habitatio coniugum) *Sed etiam sola maritalis affectio sine*
coitu matrimonium durare facit, & tamen ita pronunciat,
non enim coitus matrimonium facit; sed maritalis affectio;
 item *ex l. 5. D. de seruis. urban. praed.* ubi Ictus dicit: *inu-*
itum autem in seruitutibus accipere debemus, non cum, qui
contradicit, sed eum, qui non consentit, h. e. non tantum qui
 contradicit, sed etiam qui non consentit. conf. GOTHOFRED.
ad cis. l. Denique licet nuptiae & sponsalia con-
 ueniant in eo, quod consensu perficiantur, quorsum eti-
 am collineat JULIANVS in *l. 11. D. de sponsal.* aiens:
 SPONSALIA SICUT NUPTIAE *consensu contrahentium sunt,*
 & ideo sicut NUPTIIS ita SPONSALIBVS *filium familias*
consentire oportet. Inde tamen non unum idemque ne-
 gotium efficiendum est, alioquin ipsa emptio venditio, quae
 itidem solo consensu perficitur, quoque matrimonium
 produceret. Imo quemadmodum in uniuersum consen-
 sus de *faciendo* seu de *facto futuro* non est confundendus
 cum *facto praesenti* v. g. pactum de emendo, vendendo,
 de inuestiundo, cum emtione, venditione, cum inuesti-
 tura; ita omnino ille consensus, qui in *sponsalibus* cerni-
 tur, non idem est cum eo, qui *nuptiis* & dum uxor du-
 citur, interuenit. Ille *sponsalia*, hic demum *nuptias* efficit: *Differentia*
 uterque respicit matrimonium, ille *futurum*, hic *praesens*, *inter con-*
 ille *matrimoniale* praecedat, eoque solis verbis, sine in- *sensum ma-*
 tentione cohabitandi, futurae nuptiae repromittuntur. *trimoniale*
 Hic vero illum postea ex intervallo sequitur, eoque ita con- *& sponsali-*
tium.

sentiunt, ut statim conjuges sint, & *conjugalis societas* inter ipsos constituatur, alter alteri ius sui corporis det, & vicissim ab altero accipiat, idque sobolis procreandae gratia, cum promissione omnium officiorum, quae DEUS mutuo a coniugibus requirit. ZEPHER. *de LL. mosaic. lib. 4. c. 20.* Ille vinculum quidem continet, sed non *indissolubile*, a quo facilius recedere, & cum alio matrimonium inire licet. *l. 1. C. de sponsal.* Nihil vero nos mouet GLOSSATORIS ad leg. Longob. 1. lib. 2. *tit. de sponsal.* ratio in contrarium. Nam, ait, referente SCHILTERO *exerc. 36. ad D. §. 3. si contractus fiat sub conditione & sic in futurum, ea existente perficitur absque alio consensu*, scilicet sponsalicio, qui antea sub conditione fuit interpositus, & haec tenus suspensus. Sed inde minime fluit, quod nuptiis non accedat alius & *fortior* consensus, non de futuro amplius coniugio contrahendo, sed eo, quo ipsum contrahitur, occupatus. Sunt omnia sponsalia de *futuris nuptiis*, non tamen eodem modo constituuntur, sed quaedam sub *conditione*, quaedam ex *die*, quaedam *absolute & simpliciter* futuras nuptias intra tempus legibus definitum contrahendas pro scopo habent.

Quomodo
essentialiter
nuptiae con-
stituantur.

s. III. Deinde nuptiae non dicuntur ex eo, quod contrahentes *pure & sine vlla dilatione*, ad ineundum inuicem matrimonium, se obligauerint; talis consensus tantum sponsalia facit, ac contrahentes obligat ad implendum promissum, scilicet ut alter alteri cohabitaret. *l. 1. D. de sponsal. STRUV. exerc. 29. th. 11.* Sed ad hoc ut contractae dicantur nuptiae, requiritur, ut contrahentes inter se *coeant pr. & §. 12. l. de nupt. i. e.* non tantum *animis & votis*, sed etiam ut praesentem intendant cohabitationem conjugalem, quem in finem etiam debita aetas vel aptitudo supponitur. Vnde si cum contractibus consensualibus matrimonium comparandum est, hoc caute & ea sub ratione faciendum, ut quidem *consensu matrimoniali* perfici-

ma.

matrimonium dicatur, non vero *sponsalicio*. Ille enim demum praesentem dat facultatem cohabitandi, non hic. Ille coniuges facit, hic *desponsator*. Ille ius in corpus tribuit; non hic. Ille praesens implementum matrimonii pro scopo habet; hic vero futurum, ubi ex post facto nouus consensus coniugalis accefferit. Hic enim praeparat negotium, ille perficit, constituitque.

§. IV. Praeiuudicium secundum in hac materia or-
tum traxit ex conuenientia quadam sponsalium & matri-
monii, non solum quoad *appellationem*, sed etiam quoad
ad insignes quosdam *effectus* tam iure diuino quam ciui-
li proditos. Mos est S. Scripturae, appellare uxores *spon-*
sas, & viceuersa, vti *Gen. 29. v. 21.* ubi IACOB loquens de
RACHELE sibi dum desponsata, *trade mihi*, inquit *uxorem*
meam, & *Deut. 22. v. 24.* *Si quis sponsam alterius in agro op-*
presserit, morte morietur, quia uxorem alterius violauerit.
conf. *Matth. 1. v. 20.* *Luc. 2. v. 7.* ubi angelus Domini ad IO-
SEPHVM dixit: *Noli timere Mariam uxorem tuam* (quae v.
12. erat Iosepho tantum desponsata) *ad te assumere.* Vnde PHIL-
LO - IYDAEVS in lib. *de special. leg. p. 1063.* ad locum *Deut.* sic
commentatur: *Sponsalia tantundem valent quantum nuptiae*, si-
cuti *Hof. 4. v. 13.* Sponsa alteri copiam sui faciens *adultera* vo-
catur. Haec & alia argumenta olim a pluribus assumpta sunt
patribus, quorum testimonia collegit GRATIANVS in c.
1. *seqq. C. 27. q. 2.* & illustrauit ex eo DARTIS ad c. 1. Pa-
ri ratione etiam iure ciuili sponsalia cum nuptiis conueni-
unt. vt in l. 17. §. 1. *D. de reb. auct. iud. poss.*, ac appellatione
uxoris *sponsa* quoque venit, quemadmodum. *sponsus*
mariti nomine l. 37. §. 13. *D. de donat. inter vir. & uxor. l. 1.*
30. D. de R. l. 1. Hinc nonnunquam focer & focrus gener &
nurus statim a sponsalibus appellantur, l. 6. §. 1. *D. de*
grad. & aff. l. 4. ad l. Pompei. de parricid. iuraque in vno
loquencia locum quoque habere videntur in altero. l. 58.
D. de iure dos. l. 4. de fund. dos. l. 12. §. 1. C. qui pos. in pign.

quod disponitur de *nuptiis*, id locum etiam habere videtur in *sponsalibus*, ut est textus in *l. 15. §. 1. l. 7 §. 1. D. de sponsal. l. 15. de condit. & demonstr.*, & sic prohibitiones nuptiarum ad sponsalia quoque pertinent, *l. 5. & 16. D. de sponsal.* Sicuti res a marito quaesita vxor non acquirit patri, ita nec sponsa quaesita a sponso, *l. 2. D. de dos. praeleg. & l. 5. C. de bon. quae lib.* Sponsus etiam ob iniuriam sponsae illatam, quippe quae ad contumeliam eius spectat, tanquam maritus iniuriarum agere potest, *l. 15. §. 24. D. de iniur. iuncta l. 1. §. ult. eod.* Ut vxor de dote data actionem habet, *l. un. C. de rei vxor. act.* sic etiam sponsa dare potest dotem, & de dote habet actionem, *l. 7. D. de R. N. l. 74. de l. D.* Similiter quemadmodum vxor habet ius praelationis in bonis mariti *l. ult. §. 1. C. qui pos. in pign.* sic etiam sponsae idem tribuere solent in bonis sponsi, *l. 17. §. 1. de reb. auth. iud. possid.* Actio rerum amotarum aequae aduersus sponsam res sponsi amouentem, atque aduersus vxorem conceditur, *arg. l. 15. D. reb. amos.* Donationes inter sponsum & sponsam, aequae ac inter maritum & vxorem videntur prohibitaе, *l. penult. D. de donat. int. vir. & vxor.* Cum *L. Iulia* cauetur, ne inuito denunciatur testimonium dicere aduersus socerum vel generum *l. 4. D. de test.* generi nomine sponsum quoque filiae contineri placet, item soceri sponsae patrem, *l. 9. D. eod.* Vti legitimus est filius, qui ex viro & vxore eius nascitur, *l. 6. D. de bis, qui sui vel al. iur.* ita etiam, si sponsus cum sponsa concumbat, decedatque nondum secutis nuptiis; natus legitimus habetur per rationem *l. 30. de R. I.* Sponsa, uti vxor, adulterium committit, alteri copiam sui faciens, *l. 13. §. 3. & 8. ad l. iul. de adult.* & de eo, iure viri agere potest sponsum, *l. 7. eod.* obque id dissolutionem sponsaliorum petere, vel sponsae condonare & eam recipere potest, *Nov. 134. c. 10. v. adulteram, authent. Sed hodie Cod. ad L. Iul. de adult.* Vti non licet duas simul habere vxores, *§. 6. l. de*

de nupt. l. 18. C. ad L. iul. de adult. l. 6. C. de incest. & inu. nupt. Sic nec duas sponſas habere licet, binaque ſponſalia aeque ac binae nuptiae eodem tempore contractae, infamiae poenam merentur. l. 1. de his, qui not. inf. Sponſa quoque deſerta pro conſequendis alimentis in ſponſi bona immittitur, vt vxor. l. 20. C. de iur. dot.

§. V. Sed ſicuti quae inter ſe in quibusdam conueniunt, non ſtatim ſunt eadem; ita mirifice errare mihi videntur, qui ex quibusdam conuenientiis nuptiarum & ſponſaliorum conſuſionem omnimodam rerum diuſarum inducunt, & a particulari ad vniuerſale argumentantur. Nam vt argumenta ſacri Codicis paucis tangam, palam eſt, ſponſam in ſacro Codice non propterea vocari vxorem, quod inter ipſas nulla ſit differentia, ſed quia ſponſa eſt vxor ſperata, pacta, promiſſa, futura. Inſolens quippe non eſt in ſacris, denominationem rei ab euentu futuro peti, & quae futura ſunt, tanquam praefentia repraefentari. Nec omne diſcrimen inter ſponſalia & matrimonium ignorarunt aut reiecerunt veteres Hebraei, quod ſolide docet SELDENVS de vxor. Hebr. lib. 2. c. 1. ſeqq. Quin quod nec patres ſuſtulerint diſcrimen, ut loca a GRATIANO C. 27. q. 2. collecta docent, qui & ipſemet poſt c. 39. haec addit: ſponſae appellantur coniuges conſuetudine ſcripturae ſpe ſuſurorum non effectu praefentium. Vnde Ambroſius cum dixiſſet (cum initiatur coniugium) non addidis tunc res veſeſſectus. Sed tunc nomen coniugii adſciſcitur, oſtendens tales coniugii nomen habere non rem vel effectum. Et poſt pauca: Hinc Auguſtinus ait (noli timere accipere Mariam coniugem tuam) coniugem nominauit, quia futura erat vxor. Similiter BEDA ſuper. c. 1. Leuit. quando, inquit, ſponſam Moſes dicit vxorem, non quae tunc erat, ſed quae futura erat vxor. Sic nec ſtringunt argumenta ex iure civili petita, cum notum ſit ea, quae in vno vel altero conueniunt inter ſe, non ſtatim in omnibus conuenire. Proinde ſponſalia, licet

Examinantur argumenta ex ſacro codice.

Ex iure civili.

Cet in aliquo cum nuptiis conveniant, nihilominus tamen ab his adhuc manent distincta, ut nuptiis contractis demum dicantur antea desponsatae *vir & uxor*. Sponsalibus vero celebratis *sponsus & sponsa*. l. 13. §. 2. & 3. D. ad L. iul. de adul. Aliud utique in plerisque iuris articulis *maritus* est, aliud *sponsus*; l. 1. §. 2. D. pro dote, aliud quoque *uxor*, aliud *sponsa*, l. 24. C. de nupt., nec in sponsa verum est matrimonium. l. 8. D. de condict. caus. dat. Est enim sponsus duntaxat maritus *futurus*, & sponsa *uxor futura*. l. 1. cum seqq. D. de sponsal. Imo appellatione *uxoris* non indistincte & ubique continetur sponsa, sed ex quadam interpretatione in iis causis, in quibus *sponsae & uxoris* eadem prorsus ratio esse videtur. l. 16. D. de sponsal. ibi: *ut supplenteur quod orationi deest*. Et quamvis sponsus aliquando pro marito haberi videatur, hoc tamen magis fit *abusue & improprie* §. 9. l. de nupt. l. 12. §. 1. & 2. D. de rit. nups. e.g. in iis casibus, ubi propter *nuptiarum affinitatem* paritas rationis id suadet, eodem modo, quo, terminis habilibus positis, cingendus aliquando haberi solet pro cincto. Quod tamen in uniuersum haud procedit, ut plenius ostendit TIRAQUELL. de retr. conuent. §. 5. ad fin. tit. gl. 2. n. 42. seqq. Quidam etiam addunt, sponsum sponsamue in *favorabilibus* iure coniugum uti, non autem in *poenalibus* seu odiosis. Sed nec hoc uniuerse, nec semper verum est. Iure enim diuino & Romano *adulterii* tenetur stuprata sponsa, ac si contingat, sponsum ante ad tumulum quam ad thalamum genitalem deduci, non consequitur sponsa ea iura, quae superstiti ex matrimonio inferri solent, non succedit sponsa sponso iure Romano, ex edicto *unde vir & vx.* non habetur hodie inter sponsam & sponsum induta bonorum communio, nec percipit superstes sponsus seu sponsa quicquam ex iis, quae pactis dotalibus superstiti coniugi promissa sunt arg. l. 24. C. de nups. de quibus & multis aliis prolixius in ipsa transactione agemus.

§. VI. Tertium erroris communis fundamentum nat- *Tertium er-*
 tum est ex distinctione iuris canonici inter sponsalia de *roris funda-*
turo & praesenti, quae tamen ex iuris Romani doctrina non *mentum ex*
 descendit: quamvis hoc asserant VLRICVS HYBERVSLIB. *doctrina iu-*
 2. digress. c. 7. seqq. & L. B. de LYNCKER in anal. ad D. *ris canonici*
 tit. de sponsal. n. 10. quos erudite ac solide satis refutavit *bus de prae-*
 Dn. PRAESES in dissert. de incongrua praxi doctrinae de senti *pendum.*
sponsalibus de futuro & praesenti c. 1. §. 3. & 5. In hac
 simul dilucide demonstravit, eam potius excogita-
 tam esse a canonistis siue scholasticis, ad discordan-
 tes opiniones veterum patrum in concordiam reducen-
 das. Horum multi ex quibusdam locis S. scripturae su-
 pra recensitis & c. 12 C. 27. q. 2. repetitis, sponsalia ipsum con-
 iugium inuoluere, proptereaue indissolubilia esse; plu-
 ximi autem ea minime esse nuptias, quia simplicibus con-
 trahebantur verbis de futuro (scilicet matrimonio) statue-
 runt. Hos in concordiam reducere tentavit GRATIA-
 NVS distinguendo inter coniugium *initium & ritum*, ita vt
 inter desponsatos initiatum, inter copulatos sit ratum. Scho-
 lastici autem rectius huic doctrinae consuli posse credide-
 runt, si duas sponsaliorum species assererent, & sponsalia
 in ea, quae sunt de futuro & de praesenti diuiderent, fir-
 miter sibi persuadentes, ea distinctione totum facile
 componi dissidium, & negantes, sponsalia esse matrimo-
 nium, intelligi posse de sponsalibus de futuro; eorum vero,
 qui sponsalia verum esse voluerunt matrimonium, senten-
 tiam restringi ad casum, si per verba consensum de praes-
 senti coniugio declarantia iuxta fuerunt.

§. VII. Sunt igitur iure canonico duplicia sponsalia *Natura*
 scilicet de futuro & praesenti. De futuro (h. e. matrimo- *sponsalio-*
 nio) eo iure dicantur, quae per verba futuri temporis con- *rum de fu-*
 tracta, qualia sunt: ego te ducam vel accipiam in meam, & *turo,*
 egote in meum, vbi doctores per meam communiter intel-
 ligunt uxorem, per meum vero maritum. In his fides sal-

tem de matrimonio in futurum contrahendo pure vel sub conditione datur. c. 2. c. 5. c. 22. *X. de sponsal.* Et haec unus poenitentia, modo aliqua rationalis causa subsit, dissolui possunt, c. ex literis 10. c. requisitis 17. *X. de sponsal.* dum nudam tantum continet pactionem, & quandam quasi de nuptiis praeparationem. c. 2. 17. *Openult. X. de sponsal.* Hac de causa in eo conveniunt fere omnes, neminem ex sponsalibus de futuro ad contrahendum matrimonium coactione praecisa compelli posse. Haec sponsalia in sensu iuris canonici cum sponsalibus iuris romani exacte conveniunt, tam quoad definitionem, ceu liquet ex c. 3. C. 30. q. 5. ubi NICOLAUS pontifex inquit: *sponsalia esse promissa futurarum nuptiarum*, & UT INNOCENTIUS III. in c. 2. *X. de spons.* ait, *quando desponsati de matrimonio contrahendo sibi fidem dederunt*; quam quoad divisionem. Sunt enim eodem modo uti in iure civili vel pura vel conditionata, obseruante CORVINO *tit. de sponsal. n. 3.* & tam puberum quam impuberum *ros. tit. X. de sponsal. impub.* nullamque uti de iure Romano solennitatem desiderant, sed solo consensu, imo nutu, perfici possunt. c. 2. 3. 15. *X. de sponsal.* Atque haec sponsalia praecedunt, nuptiae postmodum sequuntur, ac per necessariam consequentiam non unum idemque constituunt negotium tam iure canonico quam Romano, ut patet ex c. 39. C. 27. q. 2. ibi: *ita institutum est, ut iam pactae sponsae non statim tradantur, ne vilem habeat maritus datam, quam non suspirans sponsus dilatasam.*

§. IIX. Sponsalia de praesenti sunt, quae per verba de praesenti, ut dicitur in c. 22. & 32. *X. de spons. c. 14. X. de conuers. coniug.* sine vlla conditione contrahuntur. c. penult. *X. de sponsal.* Verba autem de praesenti i. e. coniugio dicuntur, quibus declararunt consensum matrimoniale, veluti si sponsus promisit, quod mulierem aliquam ab eo tempore pro coniuge habere, & ei sicut vxori fidem suam seruare velit; mulier vero se illum pro marito habi-

Natura
sponsalio-
rum de
praesenti.

cu-

turam, fidemque ei tanquam viro proprio seruaturam promittit. *c. 9. tit. eod.* Hoc modo in fide coniugali data hic consensus consistit, & si non stringat manum, corde tamen & ore consentit ducere, mutuoque se concedunt unus alii & se inuicem recipiunt *c. 1. X. de sponsa duor.* Alia occurrit formula in *c. 31. X. de sponsal. & c. 3. X. de sponsa duor.* Ego te in meam (uxorem) accipio, & ego te accipio in meum (maritum), qua magis consensum matrimonialem quam sponsalium declaratum esse voluerunt, quod verba praesentem animi declarationem continerent. Licet vero talis promissio vin inferat matrimonii intuitu indissolubilis vinculi, adhuc tamen sponsaliorum superesse figuram putarunt, quia cohabitatio deficeret, aliaque inter coniuges recepta iura locum inuenire non possent, CANTIVS ad tit. de sponsal. n. 9. adeoque sponsalium nomen adhuc retinendum fuerit. Interim illae formulae, quibus pontifices haec distinguunt sponsalia, minime latinae linguae sapiunt elegantiam, quin potius eas CYPRAEVS ex barbarie Gothica in Romanorum suspicatur irrepsisse sermonem. Neutiquam dixerit Romani accipere aliquem in virum, sed aliquem accipere maritum, patrem, amicum, suorem &c. Porro accipere uxorem veteribus Ictis ducere significauit. Ait notanter SCAEVOLA in l. penult. §. 1. D. de donat. inter vir. & vxor. Virgini in hortos deductae ante diem tertium, quam ibi nuptiae fierent, cum in separata diaeta ab eo esset die nuptiarum, priusquam ad eum transfret, & priusquam aqua & igni acciperetur. i. e. nuptiae celebrarentur, obuiis decem aureos dono. Similiter VLPIANVS in l. 6. de R. N. refert. cum qui absentem accepit uxorem i. e. per amicos domum duxit & rediens a coena iuxta Tiberim perisset, ab uxore lugendum esse. Nec tamen credendum est Pontifices solis his inhaesisse formulis; rem ipsam diuersam commode iis distingui posse crediderunt; animaduenerunt, diuersa esse, edere consensum sponsalium, quo in futurum matrimonium con-

sentiant, siue parentes sponsalia celebrent, siue ipsae personae principales; & *declarare consensum matrimonialem*, quo praesens coniugium constituitur. Prius fieri credere, si verba in *futurum* concipiantur: *accipiam*; posterius si in *praesenti*: *accipio*: vel ut in *c. 9. X. de sponsal.* dicitur, si sponsus promittit sponsae, *quod eam ab eo tempore pro coniuge tenere, & ei sicut uxori fidem seruare velit*, sponsa vero quod *illum pro marito habitura sit*, vel aliis similibus declarationibus, quibus contrahentium intentio liquida & manifesta fieri possit. Id vnice constituerunt, non omnem consensum facere nuptias, sed eum demum, qui *praesens matrimonium* pro scopo haberet, & quo fidem coniugalem simul declararent, licet praesentem cohabitandi facultatem adiunctam haud haberet, in quo a iure Romano reuera discessere, quod absque tali facultate *consensum matrimonialem* non concipit. Sed haec distinctio inter sponsalia de *praesenti* & *futuro*, postquam per concilium Tridentinum nuptiae pro nullis declaratae, quae sine *testibus* & *parrocho* contractae, plerisque in locis, ubi decretum illud inter pontificios publicatum, vsum omnem amisisse videtur. ZONESIVS *ad tit. X. de sponsal. n. 22.* ESPENIUR. *eccles. P. II. tit. 12. c. 5. n. 29. 30.* BARBOSA *ad c. 30. X. de sponsal. n. 11.* Aut enim haec declaratio priuatum & clandestine in ipsa desponsatione fit, aut coram parrocho adhibitis testibus, prout concilium Tridentinum requirit: illo casu sponsalia eiusmodi hodie vix amplius *nuptiae* dici inter catholicos queunt, nec ita amplius *sponsalia* constituit de *praesenti*, quae idcirco a sponsalibus de *futuro* distinguere, quod olim nuptias inducerent. ZONESIVS *ad tit. de clandest. despons. n. 2.* Hoc vero nomen *sponsalium* non amplius habent, sed *nuptiae* solum dicuntur, & ut breuibus complectar, hodie inter ipsos pontificios uti de iure Romano fere tantum dantur sponsalia unius generis de *futuro* scilicet, quae proprie dicta sunt *sponsalia*, ut

ut

ut recte CORVINUS in *aphor. iur. canon. tit. de sponsal. §. 4.* observat.

§. IX. Vtinam protestantes quoque tandem relicto hoc scholasticorum pulvere, ad saniora principia rediissent! sed quis crederet? Terminos iuris canonici, omnesque fere conclusiones, non vero rem ipsam & definitiones retinuerunt, ac a mente iuris canonici plane diuersam constituerunt interpretationem, ex qua non potuerunt tot sensus, quot capita, oriri. Multi praedicatum de futuro ad sponsalia, quae non pure sed sub conditione honesta & possibili contrahuntur, de praesenti vero ad pura sine ulla conditione contracta applicuerunt. Hoc ipso novas prorsus excogitarunt definitiones, cum iuxta *c. 2. X. de sponsal.* sponsalia de futuro tam pura quam conditionata esse queant, nec verba de praesenti promissionem puram, sed potius praesentis matrimonii declarationem, licet priuatam minusque solennem, nec a parocho confirmatum denotent: de futuro vero non praecise conditionalem, sed in genere mutuam futurarum nuptiarum promissionem. Praeterea ne quidem solida quaedam diuersitas inde constitui potest. Optime ill. COCCIVS *diff. de matrim. moment. sect. 3. §. 4. conditio*, ait, *speciem negotii & conventionis non mutat, uti omnis conventio fieri potest vel pure vel in diem, vel sub conditione.* §. 2. *l. de V. O.* Alii ad tractatus sponsalia de futuro referunt. Sed hoc a iure canonico etiam valde alienum esse demonstrant *c. 2. X. de sponsal. c. 5. X. qui cleric. vel vouent.* in quibus textibus non nudum de sponsalibus futuris latere pactum ill. Dn THOMASIVS *dissert. de pact. futur. sponsal. §. 10. lit. m. n.* observavit. Accedit quod nudi tractatus non constituent sponsalia, nec obligationem aut actionem ad id, quod interest, inducant, ill. COCCIVS *l. cit. l. §. 14.* Immo sponsalia de futuro iure canonico impedimentum honestatis publicae inducunt *c. 8. X. cod. c. vn. de sponsal. n. 6.* & obligationem *c. 22. de sponsal.* ut ea frangenti-

bus poenitentia imponatur ecclesiastica c. 3. X. cod. quod tractatibus praeparatoriis nullo modo applicari potest. B. Dn. STRYKIVS in *Tract. de dissensu sponsalium*. contendit in consistoriis nostris pacta de futuris sponsalibus dici sponsalia de futuro, promissionem vero futurarum nuptiarum perfectam sponsalia de praesenti, quo ipso, ut pactum de despondendo & ipsa sponsalia, inter se differunt. Addit, ad sponsalia de futuro etiam sponsalia conditionata referenda esse, cui sententiae etiam ill. Dn. THOMASIVS in *diff. de pact. futur. sponsal. §. 5.* adstipulatur, asserens, quod quamvis haec pacta non nisi improprie sponsaliorum nomine insigniri possint; si tamen ea sponsalia nominare placeat, pro sponsalibus de futuro saltem sint habenda, & hactenus admitti posse illorum sententiam, qui tractatus de sponsalibus ineundis sponsalia de futuro nominare soleant, quae pacta tamen nil nisi tractatus continent, nec vim obligandi producant. Denique ill. COCCEL. cit. l. §. 11. seqq. paulo aliter hoc efformat discrimen & §. 13. ita de hac distinctione iudicat: *In sponsalibus vertitur factum patris se filiam locaturum nuptui spondentis: in nuptiis autem ipsum coniugium, vinculum & factum sponsae, quo ipsa obligatur ad eius coniugii consummationem, quae proinde eadem differentia est sponsaliorum de futuro & de praesenti; haec enim sunt nuptiae ipsae.* Equidem id non nego, olim patrem nomine filiae sponsalia iniisse, & quidem intuitu *virginalis pudoris*; sed solum factum patris haud interueniebat. Ait Ictus in l. 11. de sponsal. *Sponsalia sicut nuptiae CONSENSU CONTRAHENTIVM* h. e. sponsi & sponsae sunt; hoc vnicum suberat discrimen, quod filius familias *expresse* consentire deberet. filiae consensus *tacitus* sufficeret. *Quae enim patri voluntati non repugnabat, consentire intelligebatur.* l. 12. pr. cod. Concurrebat ergo filiae quoque consensus, adeo ut quandoque a patre dissentire posset l. 12. §. 1. cod. & tamen non nuptiae, sed sponsalia inita dicebantur. Et quid si

sta-

statim expresse consentiret, in ipso patris actu filiam despondentis? Utique erant *sponsalia*, non *nuptiae*, quae post deinum perficiebantur. Praeterea si vel maxime tale discrimen de iure Romano esset admittendum, id tamen ius canonicum non admittit, quod invitam seu non consentientem filiam despondere parentibus haud permittit, sed eius consensum statim ad ipsam sponsaliorum substantiam desiderat, qui rursus non matrimonium producere potest, quod nondum intendunt desponsati, sed mera sponsalia. Vnde ad minimum illud inde evidens est, hodie talem diversitatem sponsaliorum statui non posse. Quae cum ita sint, vix est, ut in nostris foris in sensu iuris canonici sponsalia *de praesenti* concipi possint, cum vix fingi possit casus, ut B. DN. STRYKIVS *de tr. de diss. sponsal. Sect. 1. §. 22.* asserit, *vbi inter sponsalia & inter matrimonium non intercedat una alterane dies.* Hunc vnicum excipio casum, qui in foris nostris contingere potest. Si scilicet sponsalia concubitu confirmata fuerint, qui aperte *consensum matrimonialem* inducit, & operatur, ut talia sponsalia, quae de futuro contracta sunt, degenerent in ea, quae dicuntur *de praesenti* seu *ipsum matrimonium*. Caute ergo hic incedendum & praecauendum, ne illa, quae in iure canonico de sponsalibus de praesenti praedicantur, hodie ad nostra sponsalia applicemus, quae alia non sunt, quam quae ius canonicum dicit *de futuro*, *progressus*

§. X. Exsiccatis sic fontibus errorum, cum gratioso Numinis propitii indultu, solennibus ac consuetis *ad ibema*
exantlatis examinibus, amplissimus in hac alma Fridericiana Ictorum ordo facultatem publice disputandi pro *propositum*
obtinendis summis in utroque iure honoribus ac privilegiis doctoralibus mihi concessit, hac inaugurali dissertatione differentias *sponsalium* ac *matrimonii* ob summam in iudiciis vitaeque quotidiana utilitatem ostendere est animus, aequum benevolumque lectorem obnixè rogans, ut si alicubi error commissus, aut quid minus recte dictum fuer-

fuerit, id ignoscere, & imbecillitati humanæ adscribere velit, quia *omnium habere memoriam*, & *in nullo penitus peccare, diuinitatis magis quam mortalitatis est*, dicente ipso Imperatore IVSTINIANO in *confirmat. D. §. 13.* Quia vero ordo in omni re omnino est necessarius, ut equum cauda frenatur, qui sine ordine procedit, existimaui sic constitui commodè ordinem nostræ disputationis posse, ut tribus capitibus absolatur, & in primo iuris Romani, in secundo iuris canonici, & denique in tertio iuris germanici differentiae sponsaliam & matrimonii excutiantur.

CAPVT. I.

DE

DIVERSO SPONSALIVM ET MATRIMONII IVRE IN IVRE ROMANO.

§. I.

Prima differentia à denominatione petita.

Cum res diuersæ diuersis denotentur nominibus, sponsalia quoque a *nuptiis* siue *matrimonio* ratione nominis siue appellationis distingui debuerunt. Sponsalium deriuatio, quod a verbo *spondere*, h. e. promittere, quaerenda sit, nemini pene adfert ullam dubitationem, præsertim cum ipse Ictus l. 2. D. de sponsal. hoc his affirmet verbis: *Sponsalia autem dicta sunt a spondendo, nam moris fuit veteribus stipulari & spondere sibi uxores futuras conf. c. nostrates 3. C. 30. q. 1. ROSIN. lib. 5. antiq. rom. c. 37. BRISSON. de rit. nups. in princ. HARPRECHT, ad rubr. tit. inst. de nupt. n. 3.*

WE-

WESEN. *parat. ff. de sponsal. n. 2.* COLLEG. IVRIS ARGENT. *cod. tit. th. 2.* MYNSING. *ad s. p. l. cod. n. 4.* SCHMIDT. *p. 3. consil. 9. n. 7.* CONAN. *lib. 8. Comment. iur. civ. c. 2. n. 1.* Evidentius A. GELLIVS *lib. 4. c. 4.* ex S. Sulpitio veterum *sponsaliorum* morem & indolem adducit, & qui uxorem, inquit, *duclurus* erat, ab eo unde ducenda erat, *stipulabatur*, eam in matrimonium ductum iri, qui daturus erat, *iti-*dem spondebat, is contractus stipulationum sponsionumque dicebatur *sponsalia*, tunc quae promissa erat, sponsa appellabatur, qui sponderat ducturum, sponsus. VARRO *lib. 5. de ling. lat. p. 59.* *isidem id confirmat*, quae desponsata erat sponsa, cui de sponsa sponsus, quo die sponsum erat sponsalia, qui sponderat filiam despondisse dicebatur, quod de sponte eius i. e. voluntate exierat. Similiter apud PLAUTUM in Poenulo.

A. Audi tu patriue, dico; ne dictum neges,

Tuam mihi maiorem filiam despondeas.

P. Paſſam rem habeto

A. Spondesne igitur? P. Spondeo.

A. Mi patriue, ſalue, nani nunc es plane meus.
item in Trinummio.

Lyf. Sponden ergo.

Tuam agnatam uxorem mihi?

Char. Spondeo, & mille auri Philippum dotis.

Lyf. Ist hac lege filiam tuam sponderi mihi uxorem dari?

Char. Spondeo.

Lyf. Et ego spondeo idem hoc.

CONF. SELDENVS de uxore Hebraea *lib. 2. c. 20.* ubi hunc veterum morem plenius erudite exornat. Bene tamen obseruat FRANC. HOTTOMANNVS, sponsalia non semper per *solen-*nem stipulationem fuisse olim celebrata, sed interdum sola *passione & consensu* nudo fieri solita. Sic enim VLP. *in l. 4. D. de spons.* sufficit nudus consensus ad constituenda sponsalia, denique constat absentem absenti despondere posse & quotidie fieri, ut in hoc cap. *infra* plenius demon-

strabo. Nec obstat, quod PLAVTVS in sponfalibus *stipulationem & sponfionem* supponat, facit enim hoc aut referendo mores veteres, aut quia aevo suo antiqua illa Romanorum contrahendi sponsalia ratio non prorsus desierat. ALBERIC. GENTIL. *disp. de nupt. lib. 2. c. 1. & 2.* Matrimonium GELLIVS l. 18. c. 6. deriuat a *matru* nomine, non quod iam mater sit noua nupta, sed ob spem & bonum omen, quod mox futura sit, vt ait RITTERSHVSIVS ad rubr. *iii. l. de nupt.* propter praesentem cohabitandi facultatem, qualis appellandi ratio in sponsa cessat, in qua haec *potentia* adhuc remotior, in vxore vero proxima adest. Huc etiam alludit Pontifex *inc. 2. X. de conuers. infid.* aitque: *ex hoc legitima coniunctionem maris & foeminae magis matrimonium quam patrimonium nuncupari, quod filius ante partum onerosus, dolorosus in partu, post partum laboriosus matri fuisse noscatur.* Quemadmodum ergo quae nominibus distinguuntur in iure & diuersis prorsus titulis pertractantur, non possunt dici eadem, ita id quoque de *sponsalibus & matrimonio* dici debet. Hac de causa quoque sponsus & sponsa apellatione *vir* & *uxoris* non continentur. l. 9. 10. §. 1. de *his, qui not. infam.* §. 9. 10. l. de *nupt. l. 12. C. de rit. nupt. l. 12. §. 1. D. cod.* Nomen ipsum vxoris si respiciatur, sponsae haud conuenire patet, cum *uxor* dicatur quasi *vxor*: antequam enim ad limina mariti veniret, postes aedium oleo inungebantur. BARN. BRISSON. de *rit. nupt.* add. ROSIN. *antiquit. Rom. l. 5. c. 37.* Hoc discrimen euidenter attenditur in l. 27. de *don. inter. vir. & vxor.* §. l. 6. C. de *donat. ante nupt.* in qua dubitatur, an donatio ipsa nuptiarum die facta a sponso sponsae pro tali habenda sit, quae sit a viro vxori? Aliis *uxor* dicitur (sed magis per allusionem) quasi *usus viri*: mulier ergo cum nondum fuerit in *usu viri*, vxor dici non potest. Mariti quoque nomen regulariter sponso haud tribui constat ex l. 1. §. 1. D. pro *dote h. p.* §. 1. de *his qui notantur infam.* & cum vxor & maritus relata dicantur.

cantur, non potest sponso competere nomen *mariti*, antequam sponſae tribuatur *uxoris* nomen. Sponſus porro & ſponſa non vocantur *coniuges*, ſed ſaltem *deſponſati*, & *coniugum* & *coniugii* vocabula conſummatum præſupponunt matrimonium, nec proprie appellatione *matrimonii* venit *initium* ſeu *ſpes matrimonii*, ſed *perfectum* per deductionem, & antequam deducatur ſponſa, non dicitur *coniux*, quaſi ſine *iugali* aut *iugo* & ſine marito. Conf. SAMVEL PETISCVS in *lex. antiq. Rom. voc. uxor*. Imo ſunt futurarum nuptiarum promiſſiones *L. 1. D. de ſponſal.* ut demonſtramus §. ſeq. quod autem *futurum* eſt, aut pendet, quaſi ſit dici nequit. *l. 169. §. 1. de R. L.* Hac de cauſa quoque in ſtatutis ſponſus & ſponſa *mariti* & *uxoris* nomine indiſtincte non veniunt. SALYCEt. in *l. 6. n. 4. C. de donat. ante nupt. n. 45. & ſeqq.* NICOLAUS MOZZ. *tract. de con. iraël. lit. de matrim. rubr. de natura lib. matrim. n. 40 & ſeqq.* IOACH. MYNS. *cent. 6. obſeru. 78. n. 3. & per tot.* BALD. in *auth. dos data C. de donat. ante nupt. n. 4. 5. & in l. 5. C. de bon. quae lib. n. 1. & ſeqq.* IOH. SCHNEIDEWIN. *ad §. 19. inſtit. de act. n. 108.* Pro qua ſententia haec potiſſimum militat ratio, quod omnis lex, omneque ſtatutum duabus conſtet partibus, *verbis ſc. & ſententia l. 12. D. qui & a quib. manum.* & ſic quoque haec in ſtatuto perpendi, & ante omnia de verborum ſignificatione laborari debeat. Verba utique ſunt ſigna, quae mentem legiſlatoris, quoad fieri poteſt, declarant, *arg. l. 17. de LL. & ubi de verborum ſignificatione* agitur, intelligenda ea eſſe in propria ſignificatione, regulae interpretandi docent. Quae autem propria ſit ſignificatio, dependet ex populari uſu, teſte GROT. *de l. B. & P. l. 2. c. 16. §. 2.* a quo legiſlator recedere noluſſe præſumitur, *l. 19. §. 4. de pedit. edict.* adeoque merito in ſtatutis aut legibus iſ attenditur. *l. 52. de legat. 3.* GAIL. *2 obſeru. 50. n. 2.* Quodſi itaque vulgaris & communis in hac materia

respiciendus est usus, *uxor* nomine *sponsae* venire non solet, neque sponsa amittit nomen sponsae nisi sit ducta.

Secunda differentia a diversis praesentibus definiti-
onibus.

§. II. Imprimis vero inter sponsalia & nuptias magnam adesse differentiam dilucide satis apparet ex ipsa definitione *sponsaliorum & nuptiarum*. Definiuntur ea a FLORENTINO in l. 1. D. de sponsal. quod sint *mentio & repromissio futurarum nuptiarum*. cum qua descriptione re ipsa etiam convenit definitio NICOLAI Papae in responso ad consulta Bulgarorum in c. 3. C. 30. q. 5. aientis, *sponsalia esse futurarum nuptiarum promissa*. Quo vero colore CYPRAEVS doceat, Florentini definitionem sponsalia de *praesenti* continere, & sic per consequentiam opponi iis de *futuro*, nobis later, praesertim cum & ipse fateatur, nullum in toto iure ciuili reperiri vestigium discriminis sponsaliorum de praesenti & futuro. Merito ergo id a sua definitione remouendum esse censuit Ictus, de quo nulla in iure Romano fuit disceptatio. Certe ex iuris ciuilis sententia non recte dicuntur quaedam sponsalia de *praesenti*, & quaedam de *futuro*, cum omnia sint de *futuro* matrimonio & tantum inter se distinguantur ratione *modi*, & ordinis contrahendi diuersi. Quando spes sponsaliorum ineundorum concepta erat, nondum aderant sponsalia, virgo tamen ob *spem* dicebatur *sperata*: si de futuris nuptiis eorumque conditionibus conuentum erat, iam *pacta* erat; sed cum ex pacto vis obligandi haud nascebatur, *sponsio solennis* accedebat, vnde firmum obligandi vinculum nascebatur. Verum ratione finis tam virgo *pacta*, quam *desponsata* non erat *uxor*, nec actus *promissionis* vel *sponsionis* matrimonium, sed *spes matrimonii & nuptiarum*, vt sponsalia vocantur in l. 6. de sponsal. l. 13. §. 3. D. ad leg. Iul. de adul. Spes autem illud ipsum, quod intendit, haud continet aut sistit, sed in *futurum* magis tendit, adeoque sponsalia quaeuis de iure ciuili sunt de *futuro*, vt spes *futurum casum* habet. Inde satis notanter Ictus in l. 134. pr. in f. de V. obl. distinguit

matrimonia *futura* & iam *contracta*, & illa in *sponsalibus* tantum latitare docet. De *praesenti* vel ideo corruunt, quod penitus evanescent ex eo tempore, quo coeunt in matrimonium coniuges, quod ea de causa *sponsaliorum complementum* recte dicitur. Error vero clarissimi ICti CYPRAEI ex eo fonte fluxit, quod sponsalia de *praesenti* dixerit, quae *praesentis temporis* verbis concipiuntur, etiamsi *futuras* respiciant *nuptias*, vti *despondeo*, *promitto*, quasi de futuro essent ea, quae per *futurum* enunciantur *tempus*, vti *despondebo*, *promissam*. Sed si haec posteriora recte perpendicularur verba, manifestum erit, ea genuino suo significato non sponsalia, sed sponsaliorum designare tractatus. Porro non tam ex solo verborum sono, quo proferuntur, sponsalia de praesenti & futuro distinguenda erant, sed potius, si discrimen fieri deberet, ex *obiecto*, quod vel *praesens* vel *futurum* respicerent matrimonium, diuersa a tradita definitione accedenda natura. Definiuntur enim in §. 1. I. de *patr. pot.* quod sint *virī & mulieris coniunctio, individuum vitae consuetudinem continens*. add. cap. illud §. de *praesumpt.* Huic etiam MODESTINI definitio l. 1. D. de *rit nupt.* concordat, vbi nuptiae dicuntur *coniunctio maris & foeminae & consorsium omnis vitae, diuini & humani iuris communicatio*. Liqueat ex his definitionibus, in matrimonio requiri *coniunctionem viri & mulieris*, seu consensum talem, quo praesens coniugium constituitur. Vir enim non est, nisi quem iustae nuptiae demonstrant, §. 10. I. de *nupt.* imo diuini & humani iuris communicatio non transfertur per *sponsalia*, sed demum per ipsum matrimonium.

*Nuptiae sunt
matrimonium
viri & mulieris*

§. III. Sponsalia in se *iure gentium* videntur esse introducta, & ad *mores gentium* plerarumque pertinere, vt eo cautius & magis ordinate matrimonium ineatur, adeoque magis ad *bene esse* spectant. Equidem olim cum adhuc per *stipulationem* & *sponsionem* solennem fierent, ratione *modi* non *iuris gentium*, sed *iuris ciuili* ciuiumque Romano-

Tertia differentia a diuersa origine petitur

rum propria dicenda erant, cum & stipulatio iuris esset civilis; veruntamen forma hac sponsalium sublata, sponsalia in se considerata recte *iuris gentium* dicuntur. Nec obstat, quod vbiuis fere locorum solennitates quaedam sponsalibus adhiberi soleant, vnde forsân *iuris civilis* dici possent *arg. l. 6. D. de iust. & iur.* Istae enim solennitates minime sunt sponsalibus *essentiales*, sed duntaxat *accidentiales* & iuri gentium superadditae. Praeterea quoque *usus & necessitas* tanquam fundamentum iuris gentium in sponsalibus occurrunt, qua de causa etiam apud populum iudaicum non solum in more positae iam olim fuerunt desponsationes, vt exemplum *Iosephi & Mariae* probat, & *Dent. 20. v. 7.* in verb. *quis est homo, qui despondet uxorem & non accepit eam, vadat & reuertatur in domum suam, ne forte moriatur in bello & alius homo accipiat eam*; sed & apud plebrasque sanioris mentis gentes in more vniuersali illas fuisse positas historiae passim testantur. vid. *BEVST. de matrim. p. 2. in praefat. KIZEL. in Synops. matrim. lib. 5. theor. 1. SELDENVS de uxore hebraea lib. 2. c. 1. seqq.* Nec adeo a me dissentiant, qui arbitrantur, sponsalia necessario nuptias praecedere haud debere per *l. 9. D. de sponsal. & Nou. 74. c. 5.* adducentes insuper ex *CVRTII lib. 8. c. 4.* exemplum *ALEXANDRIM.*, qui, omissis sponsalibus, Roxanem sibi copulauit. Licet enim ipsa thesis, vt mox dicam, admitti possit, argumenta tamen parum stringunt. Notum est tempore *IUSTINIANI* benedictionem sacerdotalem haud obtinuissè, concubinatum autem admissum fuisse. Poterat ergo contingere, vt quis mulierem in domum concumbendi gratia feciperet, & ei iurato promitteret, se eam legitimam uxorem habiturum esse, contra quod promissum tamen postea eam domo expellebat, quod merito *in cit. Nou. 74.* praecauendum fuit. In hoc casu nihil occurrit, quod contrariae sententiae fauere possit, quin potius diserte *promissio de futuro matrimonio* supponitur. Denique

in

in eis. l. 9. non id, quod probandum erat, sed illa quaestio, an nulliter contractae nuptiae iure sponsaliorum inter eas personas, quae matrimonium nondum contrahere possunt, valeant? deciditur. Quicquid vero huius rei sit, non statuumus, sponsalia *de absoluta esse necessitate*, quasi ex *diuina institutione* praecipue descenderent; id tantum intendimus, ea esse *de quadam necessitate hypothetica*, quia ob communem matrimonii utilitatem ac honestatem introducta, ut ab iis ad nuptias progressus fieret, ac duobus hisce actibus vel gradibus consummatio matrimonii absolueretur. Dum enim matrimonium ad humani generis conseruationem institutum est, & tam coniugum quam eorum, quorum in potestate sunt, coniugis consensum requirit, necesse fuit, aliquem actum seu contractum praemittere, quo ante *coniunctionem praesentem* voluntas tam parentum, quam coniugum in hoc negotio tam arduo & seriam magnamque deliberationem postulante, eo sincerius, plenius & liberius ederetur, & promissio ipsa disertis verbis exprimeretur. Huic peculiare etiam *nomen* propter grauitatem rei tribuere placuit vetustati, cum in reliquis contractibus consensus eiusmodi haud praecedat, sed mox ipsum negotium perficiat constituatque, in quibus tanti praeiudicii causa haud deprehenditur. Maiorem utique necessitatem & *diuinorem* originem habet matrimonium, quod *iure diuino* est introductum. Nam DEUS hanc legem statim his verbis ei in paradiso dedit, *non bonum est, hominem esse solum, faciamus ei adiutorium simile sibi coram ipso Gen. 2. v. 3.* Quin & ipse CHRISTVS ad hoc primordium reuocat matrimonium, inquit: *Legistisne, quod ille, qui hominem fecit, ab initio masculum & foeminam fecerit &c.*

§. IV. Differentia quoque imprimis in diuerso *sine* occurrat: finis sponsaliorum est, ut futuro tempore nuptiae se-
quantur, exploratis prius contrahentium animis. *Vol-*
petita.

NOTE. in oper. iur. Rom. analys. b. t. ECKOLT. ad D. de spons.

§. 5.

§. 5. *in fin.* MEIER. *in colleg. arg. th. 15. h. s.* WESSENBEC. *h. 1. n. 7.* Contrahentes enim sponsalia, siue *pure* siue sub conditione, siue parentes nomine filiae interuenerint, siue his non existentibus ipsa filia consensum suum edat, & principaliter contrahat, nihil prorsus aliud intendunt, quam vt coniuges post tractum temporis arbitrarium fiant, dum omnia sunt de futuro matrimonio, vt vel ipsa definitio FLORENTINI in l. 1. de sponsal. clare docet, quae non alia quam vnus generis sponsalia h. e. de futuro matrimonio contracta agnoscit. Matrimonii vero finis est *cohabitatio praesens* ad prolis generationem a DEO sapienter instituta, quod non solum ex ipsis sacris apparet literis (vid. Gen. 1. v. 18. vbi primos homines DEUS ita alloquitur: *Crescite, fructum ferite, & multiplicamini, & replete terram*) sed ex variis etiam iuris ciuilibus textibus apparet, vt *pr. Inst. de excus. tut. & curat. l. 1. D. de solut. matr. l. 2. C. de indic. vid. toll. l. 320. S. ult. de V. S. Non. 12.* Praeterea tendit matrimonium ad mutuum adiutorium descendens ex indiuidua illa vitae consuetudine, cuius mentionem in §. 1. *inst. de patr. pot.* Imperator facit, sacra Scriptura consefatiene Gen. 2. v. 18. Hic geminus finis nec debet, nec potest a sponsa obtineri, cum desponsatis in vna domo prohibitum sit cohabitare, adeo, vt poena extraordinaria, si statim post peracta sponsalia se carnaliter cognouerint, afficiantur, de quo infra.

Quinta differ-
entia a
causa effici-
ente peti-
ta.

§. V. Si causam efficientem *matrimonii* & *sponsalium* inspiciamus, scilicet *consensum*, pariter differentia luculenter apparebit. Licet enim tam *nuptiae* quam *sponsalia* nudo & solo consensu constitui in l. 4. l. 11. D. de sponsal. l. 30. de R. I. dicantur, quoad ipsum tamen consensum est discrepantia in intentione tempore ac modo GIPHAN. *disp. de patr. pot. n. 351.* PAUL. CYPRAEVS *de sponsal. c. 5. s. 1. n. 5.* Alius vbique desideratur in sponsalibus, qui conuenienter appositeque vocatur a Ictis *sponsalitijs*, ideo quod non statim *praesens coniugium*, sed potius *nuda tantum despon-*

sistio intendatur: alius requiritur in matrimonio, qui dicitur *nuptialis* siue *matrimonialis*, quod per eum intendatur praefens coniugium, facultatem cohabitandi annexam habens. Interest porro reipublicae, ut publice de legitime contracto matrimonio constet, & hoc a promiscuo & vago concubitu secerpetur; inde in plerisque optime constitutis rebus publ. cautum est, ut *sponsalitus* quidem *simpliciter*, matrimonialis vero *solemniter* & *publica declaratione* edatur, quamvis arbitrarius sit modus edendi publice consensum, quem proinde lex civilis determinat. De iure civili ille ut plurimum declarabatur *deductione in domum*, quae magna fiebat cum solennitate. l. 5. cum seqq. D. de rit. nupt. l. 6. C. de donat. ante nupt. l. 15. D. de condit. & demonstr. Confirmat hanc distinctionem, de qua prolixius iam egimus in prolegom. PAVLVS int. 7. §. 1. D. de sponsal. dicens: In sponsalibus etiam consensus eorum exigendus est, quorum in nuptiis desideratur, unde dilucide satis discernit consensum *sponsalitium* a *matrimoniali*, & idem est, ac si dixisset: uti matrimonium sine eorum, quorum interest, consensu *nuptiali* contrahi nequit, ita nec sponsalia sine istorum consensu *sponsalitia* valida esse possunt. Vid. BACHOV. in paratit. Wesenb. de sponsal. n. 4.

§. VI. Differunt quoque matrimonium & sponsalia ratione *personarum*. Illae personae, quae *sponsalia* celebrare possunt, non semper etiam ad matrimonia ineunda aptae sunt, ut liquet ex *impuberibus*, qui sponsalia contrahere, minime autem nuptias perficere possunt. In sponsalibus sufficit, si tam mas quam foemina sint aetatis septem annorum, l. 14. D. de sponsal. c. 1. 30. q. 2. c. *litteras* 4. & seqq. X. de sponsal. impub. adeo ut nonnulli *diem ultimum septennii* pro completo habendum esse censeant favore matrimonii. Interim contrarium verius esse videtur, praefertim cum sponsalia non semper contrahentibus sint *favorabilia*, sed partim *onerosa*, partim etiam res *magnae deli-*

Sexta differentia ab aetate petita.

berationis. Equidem nonnulli vrgent, quod hoc in casu malitia aetatem supplere queat, perinde vt in matrimonio, quam sententiam post COVARRVV. & SANCHEZ. tuentur GONZAL. ad c. 5. h. t. n. 4. & VALLENS. h. t. n. f. id tamen recte haud admittunt FACHIN. l. 3. controu. 26. & LVDWEL. exerc. 2. th. 3. lit. b. vbi insimul differentiae rationem proponunt, quod infantes id, quod agunt, non intelligant, nec id. quod malitia supplere potest, scilicet *copula carnalis*, in sponsalibus concurrat. In nuptiis maturior aetas desideratur, quae ad *praesentem cohabitationem* est idonea, h. e. vt mas sit pubes seu aetatis quatuordecim annorum, foemina autem viripotens seu duodecim annorum. *pr. l. de nupt. pr. l. quib. mod. tut. fin. l. 4. D. de rit. nupt. l. 68. D. de iur. dot. Nou. Leonis 109. ALTIVS. diceolog. l. c. 79. n. 6. PETR. GREGOR. THOLOS. in synagm. iur. ciuil. lib. 8. c. 5. n. 2. & seqq. VALLENS. ad tit. X. de sponsal. impub. n. 1.* Ratio diuersitatis est, quod in sponsalibus spectetur sola voluntas, sufficiatque, ipsos contrahentes intelligere, quid agant. *l. 14. D. de sponsal. c. accesseris 5. X. de sponsal. impub.* Cedit autem suo modo voluntas etiam in impuberes, qui septem annorum aetatem compleuerint, *l. 5. l. 18. §. fin. C. de iure liber.* quamuis cum perfecte consentire haud possint, sponsalia nondum plene obligent, praesertim cum olim impuberum sponsalia parentes plerumque constituerent inirentque *l. 134. pr. de 0.* non excluso tamen consensu liberorum. Si nudum parentum factum ad sponsalia etiam impuberum sufficisset, minus recte leges certam in desponsandis aetatem supposuissent, sed quouis tempore eorum etiam in cunis adhuc iacentium sponsalia contrahere potuissent. Id vero non admittit ICTUS in *l. 14. D. de sponsal.* sed desiderat, *vt ab VTRAQUE PERSONA sponsalia fieri intelligatur*, quod qualemunque eorum consensum includit. In matrimonio generandi spectatur facultas, unde, si euenit, impuberes ea facultate destitutos, per se
len

tennem traditionem alicui coniugii foedere iungi, illud quoad vinculum coniugale, potestatem in corpus alterius praesentem, reliquosque effectus iuris pro *imperfecto* habetur *coniugio*, & tantum in *desponsationis* terminis inter impuberes licitis subsistit, non obstante facta traditione, quod haec traditio respectu inde orientis obligationis in se irrita & nulla, nisi quatenus post adimpletam pubertatem, tacitam accessisse approbationem, & ratihabitionem probari possit. *l. 9. de sponsal.* Quoad effectus vero civiles eatenus obligationem producit, ut post *pubertatem* de nouo non sit repetenda traditio siue sollemnis collocatio, sed solus *continuatus* ad perfectionem coniugii sufficiat consensus, exemplo traditionis per breuem manum.*

§. VII. Inter absentes & ignotos, modo se inuicem, si non de facie, tamen de fama vel alio modo no-^{Septima dif-}uerint, non minus quam praesentes contrahi possunt ^{ferentia,} spon-^{quod spon-}salia, *l. fin. D. de sponsal.* veluti (1) per *nuncium*, simpli-^{salia, inter}ter ^{absentes non}citer notam facientem voluntatem mittentis, hac forsan, ^{matrimonii} ^{am incatur,} uti eam LVCIANVS in *phalaride* exhibet, formula, ubi i-
ta legati: *Ceterum haec vobis exponenda mandauit Phalaris; ego, inquit, o Delphi salem mei existimationem esse &c.* Simili modo in sponsalibus: *misi me Titius ad te, & hoc mihi negotium exponendum iniunxit, ego, inquit Titius, me te ducturum spondeo* (2) per *internuncios* vtrique missos, & quae tractantur, modo huic, modo illi nunciantes: (3) per *proxenetam*, insuper blandis verbis & persuasionibus pacificantes instigantem, ac contractus conciliatorem agentem, uti recte ab HERMENOVLO definitur, dicente *proxeneta est, qui nuptiis conciliandis sese interpretem, & veluti sequestrum interponit*: (4) per *procuratorem*, qui speciale habet mandatum, *l. 34. D. de rit. nupt.* vnde & alium sibi substituere nequit, nisi hoc specialiter ei commissum fuerit. *c. fin. de procur. in 6.* PEREZ. in *cod. de sponsal.* §. 2. n. 5. Hic officium praebet non nudum ministerium, agitque qui-

dem mandato domini *l. 1. D. de procurat.* ut nuntius, internuntius, proxeneta, attamen insuper agit, & negotium instar domini perficit. Sunt quidam, qui autumant, *ULPIANVM in all. L. fin. D. de sponsal.* per alium accipere quemcumque hominem, etiam eum, qui alterius voluntatem forte fortuna a se auditam sine mandato desert; sed illud falsum esse apparet ex eo, quod negotiorum gestorem sponsalia non admittant. Deinde quod falsus sit procurator, qui actum speciale mandatum requirentem, sine mandato gerit; in contrahente autem sponsalia alterius nomine, speciale, se ad certam designatam personam referens, mandatum requiritur. *arg. c. fin. X. de procur. in 6. nec sufficit generale. l. 34. D. de rit. nupt.* (5) per interpretem, qui inter duos diuersae linguae homines, qui se inuicem non intelligunt, & absentibus, etiam si fuerint praesentes, annumerantur, *l. 1. §. fin. D. de verb. oblig.* solo linguae defungitur ministerio. Imo (6) ineuntur etiam sponsalia inter absentes per epistolam *l. fin. D. de sponsal.* nihil enim interest literis vel verbis voluntatem nostram contracturi declaramus, cum aequae valeat, quod literarum figura, quam vocibus lingua figuratis significatur. *l. 38. de V. O.* Voces sunt animorum inter praesentes signa, literae inter absentes; idem praestant epistola absentibus, quod se ipso praesentibus. *CYPRAEVS de sponsal. c. 9. §. 20. n. 1. & 2.* Unde si absens absenti scribat, plenam facit matrimonii fidem, contraque scribentem probat. *CORAS. l. 3. miscel. c. 4. n. 4. & seq. CYPR. c. 9. §. 23.* E contrario matrimonium siue nuptiae per procuratorem indistincte &c. contrahi non possunt, ob rationem, quod ad minimum eius, quae ducenda est, praesentia desideretur, cum alia duci non possit in domum mariti, quam ipsa mulier, nec conueniens videatur, ut mulier per alium quam semet ipsam negotium peragat. Alia ratio erat mariti, qui etiam per alium de auctoritate in domum, qua praecipue consensus matrimonialis declaratur.

clarabatur, & sic nuptias perficere poterat, vt docet *l. 5. §. l. 6. D. de rit. nupt.* Illud recte Azo obseruat in *brocardicis iuris*, atque virum posse per nuntium vxorem ducere, mulierem nubere absenti marito per nuntium non posse, vt scilicet deductione in domum ducatur solenni, mulier enim in mariti domum, vt matrimonii domicilium, duci debet. *l. 5. l. 6. D. de rit. nupt.*

§. VIII. Prouinciae Rectores siue praesides, praefecti cohortis vel equitum tribuni, omnesque quoddam officium aliqua in prouinciam administrantes; imo omnes ad eam pertinentes scilicet filii, nepotes, domestici, aut propinqui, inde oriundam, vel ibi domicilium fouentem vxorem ducere, durante munere non possunt; sponsalia autem contrahere non prohibentur. *l. 38. l. 57. l. 63. D. de rit. nupt. l. 6. C. de nupt. l. unic. C. si rect. prouinc. vel ad eum pertin.* Contra interdictum contractae nuptiae irritae sunt, *l. 63. D. de rit. nupt. l. 3. §. 1. D. de donat. int. vir. & vxor.* quinquod GRATIANVS VALENT. & THEODOS. Imperatores in *l. unic. C. si rector prouinciae vel ad eum pertin.* mulieribus prouincialibus etiam cum arrharum lucro recedere atque a societate coniugali abire permittant, cum si tantum sponsalia in prouincia contracta sint, nec velit sponsa nuptias post depositum officium contrahere, hoc ei quidem liceat, arrhistamen redditis, quas accepit. *l. 38. D. de rit. nupt.* Vera iuris ratio est, ne per concussionem, sua abutens potestate prouinciae Rector, eoque ipso *terribilis*, inuitis parentibus, tutoribus aut propinquis, formosas & diuites virgines extorqueat, ac ad sponsalia constituenda adigat, trahatque magis quam ducat, id quod *potentatum* eleganter PAPINIANVS appellat in *l. 63. D. de rit. nupt.* Multi adhuc addunt plures huius prohibitionis rationes, nempe (1) ne blanditiis vxoris seductus pellectusque nimio cum damno Principis suis gratificetur affinibus, vel etiam amore eius in odium conuerso,

calumniæ nimis apud vxoris suæ confanguineos videatur; (2) ne contractis affinitatibus, earumque vinculis nimia Rectorum in prouincia firmata potestas Reipublicæ metuenda existat, si nouum forsan sibi parare vellent dominatum, vnde etiam Romani annua, fiduciaria, imo momentanea prouinciæ voluerunt esse munera. (3) Ne prouinciæ Rectorem vxoris causâ peculatus arguendi daretur occasio, vt apud TACITVM Seuerus Cinna ait, *quoties repetundarum aliqui accusati fuere, plura vxoribus obiecta sunt*, quare VLPIANVS in l. 4. §. 2. D. de officio procons. & legat. de vxore secum in prouinciam ducenda hunc in modum scribit: *proficisci aulem proconsulem melius quidem est sine vxore, sed & cum vxore potest. Dummodo sciatis, senatum Cotta & Messala consulibus censuisse futurum, ut si quid vxores eorum, quæ ad officia proficiscuntur, deliquerint, ab ipsis ratio & vindicta exigatur.* Sed hæc licet politicae sint, non tamen ab Imperatoribus, vt prima illa vnica, quam præmissimus, præteguntur. Vnde etiam quis veterem sponsam in prouincia, quam admistrat, vxorem ducere potest, dosque data non fit caduca, l. 38. D. §. 1. de rit. nupt. quia scilicet sponsalia ante susceptum munus constituta, potestatis metu extorta dici nequeunt. Sic etiam in prouincia officium aliquod administrans, filias suas in matrimonium collocare ea in prouincia, ac dotem constituere non prohibetur, l. 38. D. eod. quia vir vt inuitus ducat, quam animo aspernatur, metu potestatis non tam facile, quam foemina, induci potest. Hæc sane æque prohiberi debuissent, si interdicti rationes tres illæ superius recensitæ essent adæquatae. LEO philosophus tamen hoc interdictum ad filias etiam postea extendit, nullam putans esse rationem, quare non idem in filiabus præsidium probandum sit, quod in filiis ius ciuile constituerat. *Nov. Leon. 23.*

§. IX. Nec viduis permittitur intra annum luctus secundas celebrare nuptias, cum tamen semper eis sponsalia contrahere sit liberum, *l. 10. D. de his, qui not. infam.* neque infamiae poena locum inuenit in ea, quae intra tempus sponsalia tantum contrahit. *l. 10. §. 1. & l. seqq. §. 1. D. de his, qui not. infam.* SCHRADER. *ad tit. inst. de nupt p. 1. n. 14.* CYPRAEVS *de iure connub. p. 1. c. 5. §. 2.* Hanc vtique incurrit, quae viro intra annum luctus nubiti. *l. 1. D. de his, qui not. infam. l. 2. C. de sec. nupt.* quia turbatio sanguinis in nuptiis non vero in sponsalibus metuenda. *d. l. 10. §. 1. & seqq. §. 1. D. eod.*

Nona differentia ab anno luctus petita.

§. X. Sic ergo inutiles & irritae poterant esse nuptiae, vt tamen sponsalia valerent, vt ex haecenus dictis liquet, & ita sine dubio toto differebant coelo sponsalia & matrimonium de iure Romano. Interim si sponsalia valida praecedebant, illa quandoque durare credebantur, nuptiis ex aliquo causa irritis existentibus; si nulla praecedebant, ne quidem nuptiae irritae valebant iure sponsaliorum. *l. 9. de sponsal. l. 32. §. 27. & 28. de donat. inter vir. & uxor.* Species facti, quae hoc illustrat, haec refertur: Titius Caiam minorem duodecim annis adeoque imma- turam in domum suam quasi mariti deduxit, & nuptiae fuerunt collatae (vel potius *constatae* seu contractae, vt dicimus *conflare bellum, conflare amicitiam* seu *contrahere*) atque donationes inter eos factae. Quaeritur an illae valeant tanquam in sponsalibus factae? cardo controversiae huc redit, an adhuc sponsalia sint, an matrimonium? Distinguunt Uti, vt, si quidem praecesserint sponsalia, durent, quamuis iam uxorem esse putet, qui duxit, quia sponsa quidem esse potest, non vero fieri uxor ante legitimam aetatem, & ita *consensus matrimonialis* frustra ante legitimam aetatem interponitur, quod sine affectu fuerit. Si vero sponsalia non praecesserint, ne qui-

Decima differentia, quod sponsalia possent esse utilia, cum inutiles essent nuptiae.

quidem haec deductio in domum inutilis iure *sponsaliorum* valet. Conf. SCHILTER. *ex. 36. §. 5. & 6.*

Vndecima
differentia
ratione affi-
nitatis.

§. XI. Insignes & multæ porro ratione effectuum differentiae inter *sponsalia* & *matrimonium* sese produnt. Per matrimonium contrahitur affinitas: *l. 4. §. 3. de grad. consang.* ex sponsalibus, qua talibus, nulla nascitur affinitas, sed publicae solum honestatis impedimentum. *§. 9. instit. de nupt.* HAVEMANN. *gamalog. Synops. lib. 1. tit. 1. p. 4. 5. & 6.* BRÜCKNER, *decif. matrim. c. 1. per tot.* KITZEL. *Synopsf. matr. c. 7. per tot.* STRVV. *exerc. 29. th. 56.* WESSENB. *de spons. n. 7.* HAHN. *in obs. ibid.* SCHNEIDWIN. *ad inst. de grad. affin. n. 7.* Vnde sponsa patris mei mea nouerca nondum est, nec sponsa mea patri meo recte nurus dicitur. *l. 12. §. 1. 2. D. de rit. nupt.* Reuera ergo affinitas, quam quidem ex nudis oriri sponsalibus statuunt, ficta est, & nihil aliud quam *spes affinitatis*. Perfecta seu legitima affinitas non nascitur, nisi cum per coactionem viri & mulieris, i. e. per matrimonium duæ cognationes, quae diuersae inter se sunt, copulantur, & altera ad alterius finem accedit; *l. 4. §. 3. D. de grad. affin.* imo nec *naturatis* oritur *affinitas*, nisi quis rem cum puella habuerit, duorum denique in vnam carnem coalitio ex promissis *speratur* sponsalibus, non *oriatur*. Imo vt nudæ promissioni nuptiarum praematura corporum accedat commixtio, illicitum est. Nec obstat, quod *l. 6. §. 1. l. 8. ff. de grad. & affin.* dicatur focrus & foceri item generi & nurus appellationem ex sponsalibus acquiri, & quod iis ius diuinum consentiens, sponso filiarum Lothi generos vocet. *Gen. 19. v. 14.* vt in *prolegom.* iam dixi. Idem enim VLPIANVS *l. 6. & l. 8.* auctor docet, non proprie sponsam patris nouercam, vel sponsam filii nurum dici *in l. 12. §. 1. 2. de sponsal.* Improperie hisce nominibus appellantur aliquando sponsus & sponsa, quoties ratio iuris eadem *conjugibus* & *de sponsatis* applicari potest. Saepissime etiam id, quod

quod futurum est, propter certam, quam concepimus, futurae existētiaē spem eo nomine insignitur, quo insigniretur, si iam esset. Hac de causa *affinitatem sperari* cum sperarentur nuptiae, dixit PAVLVS, eique *affinitati renuocare*, ad finiēda sponsalia nuntium mittere, significat in l. 38. §. 1. D. de usur. & fruct. Nec nobis aduersatur, quod in l. 8. D. de condi. caus. dat. causa non secus. dicatur, donec inter sponsum & sponsam maneat affinitas, dotis repetitionem non dari; id enim intelligendum est, donec nuptiarum maneat instantia, donec nuptiae propinquae sint & sperentur futurae. Sic CONSTANTINVS Imperator, cum de donationibus, quae futuri matrimonii gratia fiunt in l. 15. C. de donat. dixit, *sive affinitatis coeundae causa quid largiatur*, quo sermonis genere THEODOSIVS & VALENT in l. vn. C. de imponend. lucrat. descript. vtuntur; alias enim sequeretur, virum & vxores affines esse, quod inuita diceretur iuris scientia. Denique nihil mouet, quod Imperator in §. 9. instit. l. 12. §. 1. & 2. D. de nupt. vetet, patris vel filii sponsam ducere; id enim prohibetur non propter *affinitatem*, sed propter *honestatem & naturalem pudorem*. §. 9. instit. arg. l. 14. §. 2. D. de nupt. Quae ratio facilius admittit dispensationem, quam vbi vera iam est contracta affinitas.

§. XII. Sic quoque non ex *sponsalibus*, sed ex *con-* Duodecima
differentia
ratione po-
testatis ma-
ritalis.
ingio siue matrimonio perfecto acquiritur marito in vxorem *potestas* non solum iure diuino, sed & ciuili & canonico. Ius diuinum hanc potestatem firmat in c. 3. v. 16. Gen. Eph. 5. v. 22. ad Coloss. 3. v. 18. ad Tit. 2. v. 4. & 5. 1. Petr. 3. vnde & canones virum *caput mulieris*, hanc illi vt *membrum* capiti subditam esse volunt. c. 15. c. 17. c. 13. C. 33. q. 5. c. 7. C. 30. q. 5. Quod ad ius Romanum attinet, non omnes mariti eandem habuerunt potestatem in vxores. Contrahebantur enim nuptiae tribus modis, (1) *farre*, (2) *coemptio-*
ne, (3) *usu*, quos modos egregie explicat ill. Dn. THO-

MASIUS *Dissert. ad tit. I. de nupt.* Coemtionem vxor in filiae locum, maritus in patris veniebat. De *farre* dicit VLPIANVS *tit. 9. apud SCHVLTING. in iurispr. anteiust. p. 591. Farre conuenitur in manum certis verbis & testibus decem praesentibus & solenni sacrificio facto, in quo panis quoque surreus adhibetur.* Hoc modo contractae nuptiae dicebantur *sociatae*, de quibus talis erat lex Romuli: *mulierem nupiam, quae ex sacratīs legibus in manum mariti conuenisset, cum eo omnium & tenorum & sacrorum participem esse.* Quod igitur mulieres cum viris sacratissimi & primi cibi fierent participes, & valde bona fortuna conuenirent, eares appellata fuit *farris communicatio*. Haec lex, vt nihil devigore vinculi coniugalis & successionem dicam, coëgit mulieres raptas, vtpote quae nullum aliud refugium haberent, ad viuius sui mariti mores vitam conformare, & si qua in re deliquissent, ipsum maritum, qui iniurias passus, iudicem habebant, qui poenae magnitudinis erat arbiter. *Vsu* autem dicebatur haberi vxor, quae sine confarreatione, coemtionemque habebatur solenni, eaque vxor nec patris sui potestate liberabatur, nec in manu seu potestate erat viri, nec *materfamilias*, verum *sui iuris*, vel in potestate patris sui: per vsucapionem tamen ex LL. XII. tab. fiebat *materfamilias*, si integro anno liberorum quaerendorum gratia apud maritum moraretur, nisi vsucapionem interromperet, trinoctio perfecto a viro adnotando. Iure igitur veteri nuptiae solennes & patri potestatem ademerunt & viro similem quandam in vxorem dederunt; secundum leges vero posterioris aevi iusque Iustinianum nihil certius, quam patri saluam & illibatam manere potestatem etiam in nuptam, nec eandem absorberi potestate maritali, nec foeminam desinere sui iuris esse, si antea talis fuit, cum nupta est. *l. 1. §. ult. l. 18. §. 2. D. de iniur. l. 12. C. de Collat.* Vnde *nuptiae iustae* dicuntur quidem modus acquirendi patriam potestatem in liberos, at non in vxorem, nec referuntur inter modos, qui-

quibus patria soluitur potestas, *tit. instit. quib. mod. patr. pot. solu. l. 1. §. 5. l. 1. C. de bon. quae lib. l. 4. C. solut. matr. l. 5. C. de repud. l. 29. D. solut. matr. l. 20. D. ad l. Iul. de adult.* Nullum tamen est dubium, quin maritus iure etiam nouo aliquod habeat ius & potestatem in vxorem, cui iuri maritali patria potestas cedit. *l. 2. D. de lib. exhib. l. 1. C. eod. l. 5. C. de repud.* Ita non sponsa sed vxor marito ad obsequium & reuerentiam, quandamque subiectionem obligatur, & maritus quandam domesticam disciplinam in vxorem, nullam in sponsam habet, & in genere quae iura permittunt in vxorem, denegant sponso in sponsam Ipsos autem limites maritalis potestatis hic illustrare non vacat, id quod a meo instituto alienum.

§. XIII. Ex eodem fundamento non sponsa, sed vxor operas marito, quatenus mariti id exigit status, praestare tenetur in commodum mariti. B. STRYK. *diff. de oper. vxor.*, adeoque omnia bona in domo reperta mariti esse praesumuntur, nisi vxor quaedam sua esse probauerit. *l. 51. de donat. int. vir. & vxor. l. 6. C. eod. MEYIVSP. 5, dec. 360. n. 12. BRUNNEM. ad l. 51. D. de den. inter vir. & vx.* Operae vero vel praestantur nudo personali officio marito exhibendo, eidemque obsequendo, vel alia industria artificiali indeque operae dicuntur vel *officiales* vel *artificiales*. Illae a ZASIO *lib. 1. singul. resp. c. 3. n. 14.* definiuntur, quod rem mariti, eius personam, victum, curacionem, otium, quietem, volutateinque directo respiciant. Hae vero, quae absolute in se, nullo habitu respectu, ad personam mariti fiunt, & a quocunque, cuicunque, quolibet etiam tempore fieri possunt. Ad illas marito obligatur vxor, non ad has. Posterius patet ex *l. 31. D. de donat. inter vir. & vxor.* vbi asseritur: *Sed si vir lana sua vestimentum mulieri confeceris, quamuis id vxori confectum fueris* (h. e. in vsum vxoris) *& vxoris cura, tamen viri esse, neque impedire, quo*

in ea re vxor tanquam lanipendia fuerit, & viri negotium procurarit. Et in §. 1. d. l. dicitur: quod si viri nomine ex lana sua vestimenta conseceris virilia, haec viri esse debeant, ut is tantum lanae pretium vxori praestet. Idem confirmat l. 48. D. de oper. libert. Vbi Ictus: sicuti patronus ita etiam patroni filius & nepos & pronepos, qui libertae nuptiis consensit, in officio mariti debet esse, h. e. marito officiales debet operas. Quod autem in adducto textu per officium operae intelligantur officiales, atque adeo officia & operae non distinguantur, vt GOTHOFRED. in not. lit. d. putat, patet ex l. 2. C. de obseq. patron. praestand. ibi enim dicitur, quod libertae officium patronis praestare non cogantur, si eius voluntate essent nuptae, vt & Imperator in l. 11. §. 16. de oper. libert. officium vocat operas. BERLICH. part. 2. dec. 224. n. 40. §. 20. n. 94. seqq. COLER. de proc. exec. p. 1. c. 2. n. 167. CARPZ. de iur. singul. foem. dec. 1. pos. 3. n. 15. & p. 2. c. 25. def. 15. p. 3. c. 25. def. 8. SCHÖPFER in Synops. iur. priu. de rit. nupt. n. 53. Rationes, quae huic nostrae opponi possunt sententiae, resolutae sunt a B. DN. STRYK. in V. M. tit. de nupt. §. 64.

Decima

quarta differentiavatione obligationis ad copulam carnalem.

§. XIV. Sponsa non tenetur sponsi concubitus pati, sponsusque, qui inuitam ad concubitus cogit sponsam, vt stuprator violentus, & qui reluctantem rapit vi, vt raptor iure ciuili punitur. l. vn. C. de rapt. virgini. In vxore vero omnino adest obligatio ad copulam carnalem, in quam eo ipso consensit, quo consensit in matrimonium. Proinde maritus vxori, & vxor marito debitum coniugale sine peccato denegare nequit, nisi iustae causae adsint, quae ab interpretibus passim excutuntur hic praetereundae. Si praefraete vxor marito cohabitationem recusat, vt desertrix habetur, & matrimonium dissolui potest; minime vero ob hanc denegationem sponsalia dissoluantur, quippe quae iusta est, & vitio caret.

§. XV. Nec sponsa sponsum vagantem sequi tenetur, *Decima quinta dis-
ferentia,
quod vxor
sequi teneat-*
quia non censetur ante nuptias elegerit mariti domicilium, *secur mari-*
vel suum mutasse l. 32. D. ad municip. ibi: ea, quae despon-
sa est, ante contractas nuptias suum non mutat domicilium.
Vxor autem maritum mutantem domicilium sequi tene-
tur, imo & relegatum, cum relegatio non soluat matri-
monium, l. 1. C. de repud. l. 24. C. de donat. inter vir. & vx. *Sponsa, non*
novell. 22. c. 15. ac vxor debeat casus fortuiti viri particeps
esse, vt dicitur in l. 22. §. 7. D. solut matrim. Sane Roma-
narum matronarum ea erat fides in maritos, vt non pro-
tinus e lecto proscriberent, quos magistratus exules de-
creuerat. Sulpitia a Matre Iulii diligentissime custodita,
virum tamen Lentulum in Siciliam secuta est. VALE R.
MAX. lib. 6. c. 7. Romani Imp. vxores illas, quae ma-
ritos in militiam comitabantur, priuilegiis exornarunt. l. 1.
& 2. C. de vxor. mil. Ius canonicum ex AVGVSTINO di-
cit: *Vnaquaeque mulier sequatur virum suum, siue in vita,*
siue in morte. c. 3. C. 13. q. 2. add. c. 9. de coniug. leprof. c. 4. C.
34. q. 1. & 2. Conclamatum vtique est, quod coniuges te-
neantur sibimet inuicem ad mutuam obsequium; hoc cer-
te praestare sibi nequeunt, nisi simul cohabitent, & cum
vir sit mulieris caput, Eph. V. & 1. ad Cor. 2. consequens est,
vxorem in hac cohabitatione subditam esse viro, l. 4. D. de
op. lib. ibi: *nam haec cuius matrimonio cōsensit, in officio*
mariti esse debet, quod adeo verum esse dicit gloss. in c. 1. de
coniug. leprof. verb. de consuetud. vt contraria consuetudo
tanquam iuri diuino aduersa censenda sit. Inde hodie
Doctores disquirunt, an sequi vxor virum ex necessitate
absentem teneatur, nisi velit ipsa desertrix malitiosa ha-
beri & causam diuortio praebere? quidam id tunc demum
admittunt, si ex iusta causa mutauerit domicilium mari-
tus; alii adstringi vxorem praecepto comitandi virum
qualitercunque censent, modo non ex causa turpi vel inho-
nesta velit transferre domicilium. Alias enim, aiunt, nul-

la foret differentia inter virum & vxorem, quod absurdissimum esse videtur, cum quando causa necessaria subest, ex parte *vxoris* teneatur vir ipsam sequi, & quia vir est caput, ipsius sit gubernare, eligere domicilium, non autem vxoris, quae gubernationi viri subest. Alii, si propter proprium scelus meritis exilii poenas luat, mulierem laudandam quidem esse credunt, quam ne quidem flagitium ad meliorem frugem conuersi viri a consortio dirimit coniugali, non autem esse cogendam detrectantem virum sequi; illam puniri non debere ob delictum coniugis, poenam autem exilium esse, maximeque luctuosum deferere penates, & sine certa sede vagari; sat poenae in mulierem ex coniugii coniunctione redundare, quod illa ob mariti flagitium eius consortio praeter suum carere cogatur meritum, viduamque marito superstiti exordiri vitam durissima matrimonii obliuione, vt TERTULLIANVS de viduis Africanæ ceteris loquitur, BROWER. *de iur. connub.* lib. 2. c. 32. Plurimi verò, quorum sententia merito praefenda, sine discrimine vxorem virum sequi obligatam esse aiunt, quod illa debeat sequi viri infortunium, l. 22. D. §. *solut. matrim.* nec hoc sit punire vxorem innocentem ob viri delictum, sed poena imponatur viro, & quia vxor iure diuino tenetur, eum sequi ex causa necessaria, & inuitabili alio migrantem per accidens & infortunium patiatur vxor, veluti seruus mariti idem exilii infortunium pateretur dominum comitans, non per modum poenae, quia innocens est, sed quia iure seruitutis tenetur dominum sequi. In eo vero conueniunt omnes, sponsam sponsum, si ille delicti alicuius siue (1) ante sponsalia, siue (2) durantibus illis perpetrati inculpatus, vt alio migrare & domicilium peregrinum quaerere necesse habeat, sequi minime teneri. Non enim quoad primum casum indulgendum esse dolo interuenienti, si nempe sponsus culpam, quae in contrahendis

dis sponsalibus sibi impedimento esse credebatur, celauerit, quia is semper & vbique exceptus intelligitur, dum consensum impedit. *l. 7. in pr. D. de dolo cap. cum contingat 28. X. de iureiur.* SCHNEIDEWIN, *in pr. instit. de adlon. n. 25.* Imo quoad vtrumque casum emigratio ac peregrino in loco perpetua commoratio difficillima est conditio, cuius si sponsa noticiam habuisset, nunquam forte in desponsationem consensisset, ac quin talis accidit casus, qui si tempore sponsaliorum affuisset, sponsa procul dubio matrimonio renuisset.

§. XVI. Similiter non ex sponsalibus, sed legitime & bona fide contracto matrimonio ius conjugale uxori proprium oritur, quod haec sequatur maritum quoad nomen, *l. 195. §. fin. D. de V. S.* conditionem, statum & dignitatem. *l. 8. l. 12. D. de senat. l. 13. C. de dignitat.* BRUNN, *ad l. 10. C. de nups.* Hinc vxor ignobilis a marito nobilitatur, vel potius, quamdiu in tali matrimonio seu viduitate viuit, pro nobili habetur, & a Doctore ducta eiusdem dignitatis particeps fit, vt etiam liberi ex patre Principe seu Comite, matre vero villioris conditionis vere Principes & Comites nascantur, qui in successione Regiminis & feudi etiam electoralis non differunt ab iis, qui ex vtroque parente Principe seu Comite nati sunt; REINKING, *de regim. secul. lib. 1. class. 5. c. 11. n. 23.* quamuis a quibusdam beneficiis ecclesiasticis in ecclesiis seu ordinibus equestribus, vel etiam in torneamentis excludantur ii, qui genus suum a parentibus vtrinque ad certos gradus semper nobilibus probare nequeunt, welche nicht zur Ehre und Rittermäßigkeit zu halten seyn. E contra foemina siue a natalibus, siue a coniugio mariti nobilis sit, marito minus nobili nubens priorem nobilitatis gradum regulariter amittit & conditionem mariti sequitur. BRUNN, *ad tit. C. de dignis. n. 4.* TIRAQUELL, *de nobilitate q. 18.* Similiter vxor, liberi, famulique eodem iure praecedentiae respectu

*Decima sex.
ta differen-
tia, quod v.
xor transcat
in ius mari-
si non spon-*

etiam aliarum vxorum, liberorum & famulorum vtuntur, quo maritus & dominus vtitur. ME VIVS p. 9. d. 79. n. 8. Vxor ibidem, vbi maritus, suum habere domicilium forumque sortiri censetur, l. 65. D. de iud. l. 19. v. de iurisd. omn. iud. l. vlt. s. 3. D. ad municip. l. 5. D. de rit. nupt. l. 1. s. 2. D. de lib. agn. l. vlt. C. de incol. l. vn. C. de mulieribus in quo loco &c. modo traducta sit in domum mariti, qua solenniter demum de iure communi matrimonium dicitur consummatum. arg. l. 5. ff. de rit. nupt. l. c. de donat. inter vir. & vx. l. 31. ff. de R. l. 1. 24. C. de nupt. l. 9. D. de sponsal. l. 13. s. 8. D. ad L. lul. de adul. l. 68. 69. s. 3. D. de iur. des. Vnde mulier nupta muneribus patriae non amplius obstricta est, exceptis realibus, propter bona, quae adhuc ibi possidet, nisi ius ciuitatis sibi referuauit citra praepudicium mariti, vel si in loco habitat, qui communitatem seu vnionem eum loco originis habet. l. 6. l. 32. l. 37. s. 2. D. ad L. municip. Hoc forum etiam retinet post mortem mariti, l. 22. D. ad municip. imo hodie etiam si thorum vidualem stupro violet, CARPZOV. P. 2. dec. 15. LAVTERB. diss. de domicil. lib. 21. Hinc si quaestio de dote, de bonis tempore matrimonii quaesitis, aliisue matrimonii effectibus mouetur iuxta leges & consuetudines loci, vbi maritus habitauit, in iure agendum est. l. 65. D. de iudic. Desponsata siue sponsa ante nuptias contractas, h. e. ante traductionem in domum mariti, non mutat domicilium, nec forum vel iurisdictionem. l. 32. D. ad municip. l. 19. 29. D. de iurisd. CYPRAEVS de iure connub. p. 1. c. 5. s. 15.

§. XVII. Vxor maritum elugere tenetur, ac integrum annum expectare debet vidua, priusquam ad secundas conuoluet nuptias. Quantumvis enim veteres Romani decem duntaxat menses luctus constituerint vxori, vel vt inquit PLUTARCHVS in Num. mulieres a morte maritorum decem menses permanerent viduae, adeo vt si quae intra decimum mensem nupsisset, eam leges NYMAE

V3C-

Decima
prima
differe-
rentia
ra-
tione
luctus

vaccem praegnantem immolare iuberent, cuius interval-
li praefiniti ratio erat, seu quod tantum impendi voluere
veteres in elugendo marito, quantum natura flagitat ad
partum hominis (vt scilicet mariti mors & filii partus ma-
tri. & vxori aequo tempore videatur lugubris) seu quod
decimo post obitum mariti mense parere possit honesta
foemina. *l. 9. D. de liber. & posth.* VALENTINIANVS ta-
men ac THEODOSIVS Imperatores duos adhuc adiece-
runt menses, sicque integrum annum luctui a foemina tri-
bui voluerunt. *l. 2. C. de secund. nupt.* Quod Imperatores
vnice fere ex *honestatis regulis* introducendum esse credi-
dere. Annus hic integer & continuus ignoranti etiam
mortem mariti currit ab ipso die mortis, *l. 2. C. de sec. nupt.*
& ideo si post legitimum tempus cognouit mulier mortem
mariti *Labeo* ait, *ipsa die & sumere eam lugubria & de-
ponere*, teste *VLPIANO l. 8. de his, qui not. infam.* Quod-
si talis maritus sit, quem more maiorum lugere non opor-
tet, quod forte publico aliquo crimine teneatur, *l. 11. §. 3. D. de his, qui not. infam.* quod perduellis fiat, vel se suspen-
derit aut alio modo violentas sibi intulerit manus, non
potest tamen eius vidua, si vterum gerat, ante editum par-
tum intra legitimum tempus nuptum collocari, quia *prae-
tor se ad id tempus retulit, quo vir elugeretur, qui solet e-
lugeri propter turbationem sanguinis. d. l. 11. §. 1. & 2. de his,
qui not. infam.* Si vero intra legitimum tempus i. e. intra
anni spatium (*l. 2. C. de sec. nupt.*) partum ediderit, nubere
vel alterius vxor fieri non prohibetur, *d. l. 11. §. 2. de his, qui
not. infam.* quia hic edicti ratio cessat, nec ob reuerentiam
eius, qui antequam ea pareret, decesit, vetabantur ei nu-
ptiae, sed propter feminis confusionem potissimum. Imo
etsi honesti ac bonae famae viri vidua enixa fuerit, tem-
pus tamen legitimum obseruare debet, quia hic non solum
ob *sanguinis turbationem*, verum & *defuncti honorem &
reuerentiam*, quam per annum adhuc ius ciuile saluam esse

voluit, nuptiae prohibentur; cum & vxor relicta virgo, lugere virum debeat, *l. 6. D. de rit. nupt.* quamuis hoc casu a Principe facile impetrari solet, vt intra legitimum tempus mulieri nubere liceat. *l. 10. D. de his, qui not. infam.* Viris tamen nullum praescriptum est tempus, nullaque lege ii vxores lugere compelluntur; quare confestim post obitum vxoris nouas contrahere nuptias permissum. Ratio diuersi iuris quaerenda est in *pietate & reuerentia*, quam marito debet mulier, non vir vxori, & propter quam vxores maritos elugere debent, mariti vero vxores lugere non compelluntur, sed secundum pietatis rationem & animi sui patientiam, prout voluerint, lugent. *l. 9. iunct. l. 23. D. de his, qui not. infam.* Sed licet vidui expressa aliqua lege diuina vel ciuili forte non obligentur ad luctum; attamen durante spatio semestri post prioris coniugis obitum, eos a nouo abstinere matrimonio, aequum omnino est. IOH. GERHARD. *in loc. de coniug. §. 200.* PAUL. CYPRAEVS *de sponsal. c. 13. §. 96.* Quanquam enim turbatio sanguinis, feminisque confusio in viris, cesset, alia tamen prohibitionis ratio, *publica* scilicet *honestas*, obstat, & licet poenam infamiae non incurrat, leuitatis tamen & incontinentiae notam incurrunt. CYPRAE. *de sponsal. c. 13. §. 69.* Poena vero quintuplex statuta est in *l. 1. C. de sec. nupt.* intra tempus luctus ad alia vota properanti. Nam (1) ipso iure fit infamis *l. 1. 2. C. de sec. nupt. l. 1. D. de his, qui not. infam.* quae infamia etiam extenditur ad patrem, qui filiam familias in matrimonium collocauit, eumque, qui sui iuris sciens eam duxit; *l. 1. D. de his, qui not. infam.*, non autem qui iussu patris sui, in cuius sacris est, in ducendo obsecutus fuit, sed pater eius, qui passus fuit: nam qui obtemperauit venia dignus est, & qui passus est ducere, notari ignominia, non iniquum est. *l. 11. §. fin. D. eod.* (2) Plur tertia parte bonorum titulo dotis, vel per testamentum, vel inter viuos, in secundum transferre matrimonium nequit. *l. 1.*

l. 1. C. de sec. nups. (3) Omnium haereditatum, legatorum, fideicommissorum suprema voluntate relictorum mortis causa donationum fit expers (h. e. horum nihil extraneus mulieri illi recte relinquit) namque omnia ab haeredibus vel cohæredibus aut ab intestato succedentibus vindicari iubentur, ne in his, aiunt Imperatores, in quibus correctionem morum induximus, fisci videatur habere rationem. (4) Amittit ea, quae titulo haereditatis legati aut fideicommissi a priori marito accepit d. l. 1. quae decem personis editio praetoris enumeratis i. e. ascendentibus (patri, matri, auo, auiae) & descendentibus (filio, filiae, nepoti, nepti) ex latere autem usque ad secundum gradum fratri & forori addicuntur, quibus deficientibus fit locus fisco d. l. 1. (5) Eandem mulierem infamem redditam, haereditates ab intestato vel honorarias non ultra tertium gradum finimus vindicare, ut aiunt Imperatores d. l. 1. Haec vero omnia recensita scilicet prohibitio nuptiarum intra legitimum tempus luctus, poenæ festinatis nuptiis secundis impositae, sponsam, cuius nullus est luctus, l. 10. §. 1. de his, qui not. infam. non constringunt ob cessantes prohibitionis rationes supra adductas, l. 9. §. 1. D. de his, qui not. infam. l. 1. & 2. C. de sec. nups. iunct. l. 5. & 6. 7. 8. D. de rit. nups. ex quibus magnum inter sponsalia & matrimonium discrimen elucet, quod nemo in dubium vocabit.

s. XVIII. Sponsus dotalium bonorum sponsae dominium regulariter, aut vsumfructum non habet, quia dos respectum habet ad onera matrimonii, l. 20. C. de iur. dot. l. 76. in f. de iur. dot. licet vel maxime sponso ante nuptias dos data fuerit, quia res data non tam dos, quam dosi est destinata l. 7. in f. de iur. dot. quamvis repetitio eius denegeretur: quod enim ex ea causa nondum coito matrimonio datur sic datur, tanquam in dotem peruenturum, adeoque quamdiu peruenire potest, repetitio eius non est, ut ait Ictus in l. 8. de condict. causa data caus. non sec. Videndum tamen,

*Decima 8.
Eadem diffe-
rentia inter
ita dotis &
bonorum u-
xoris.*

qua mente res datae fuerint, utrum ut statim eius fient, an vero tunc, ut secutis demum nuptiis? Iuxta dubio credendum est, id agi, ut statim res eius fiant, & sic quoque usufructus procedere potest, quae priori casu procedere non poterat. *l. 1. §. 2. D. pro dot.* Mariti est diuersa ratio, qui non tantum dotis dominus fit, *l. 75. D. de iur. dot. l. 20. C. de iur. dot.*, sed secundum plurium locorum statuta, etiam reliquorum omnium uxoris bonorum paraphernalium usufructum habet. *l. fin. C. de pact. conuent.* *Sachsen Land-Recht lib. 1. artic. 31.* Add. *CARPZ. in iurispr. for. p. 3. constit. 16. def. 12.* & *MEYVS ad ius Lubec. lib. 2. artic. 12. n. 154. §. seqq.* Vnde etiam maritus dotis simpliciter promissae usuras demum a die nuptiarum exigere potest. *l. 7. §. fin. de condit. caus. dat. caus. non secus.* *CARPZ. in iurispr. for. p. 3. constit. 23. def. 4.*

Decima nota differentia rationis alimentorum.

§. XIX. Sponsus alimenta sponsae praestare, aut pecuniam lustricam, si sponsa matrinalis fiat, aut donum nuptiale, si ad conuiuium nuptiale inuitetur, suppeditare, sponsae aegrotantis curam gerere, mortuae funus componere, iure cogi non potest; quod tamen si fecerit, fructus dotis promissae interim lucratur. *COLER. de aliment. lib. 2. c. 5. n. 19.* Maritus vero omnia matrimonii onera subire obligatur, *l. 75. D. de iur. dot. l. 20. C. de iur. dot.* uxorem pro statu suo alere, vestire, famulas quoque in seruitutem aut in adiutorium uxoris *c. 11. dist. 3.* ac totam familiam ex suis bonis sustentare, *CARPZOV. p. 3. c. 20. dec. 18. n. 6.* *MEYVS p. 2. dec. 12. n. 2.* atque pro aegrotante vel furiosa uxore expensas in curam erogare debet, *l. 22. §. 2. D. solut. matr. l. 13. C. de negot. gest.* quae omnia plenius & vberius excutuntur a *COLERO cit. lib. 1. c. 10.*

Vigesima differentia rationis donationis inter sponsos factae.

§. XX. Argitis siue sponsalitia donatio celebratis sponsalibus intuitu futuri matrimonii, tam a sponso eiusque parentibus sponsae eiusque parentibus, quam a sponsa eiusque parentibus sponso eiusque parentibus data, *(l. 1. 2. 3. 4. 6. 15. 16. 14. 13. 18.*

C.

C. de donat.) matrimonio subsecuto ac consummato, eius, cui data, manet, nulla admissa distinctione, quo modo & cuius interueniente culpa matrimonium postea sit dissolutum. Condicio enim nuptiarum, quam sponsalitia largitas expresse vel tacite continebat, omnimodo adimpleta est, nisi forte conuentum fuerit, vt matrimonio distracto, data apud dantem eiusue haeredes remanerent; tum enim ea iure postulari posse, rescripserunt Imperatores in *l. 7. C. de donat. ante nups. l. 12. C. eod.* Omnino diuersum obtinet in *sponsalibus*; iis enim dissolutis, nuptisque non secutis, si vnus desponsatorum temere fecit dissidium data amittit, accepta restituit, ac promissa transferre debet. *l. 15. C. de donat. ante nups.* Sin iuste ac legitime repudiauerit sponsam culpae ream, & viceuersa sponsus aut sponsa donata repetit, accepta retinet, promissa iure postulat. *d. l. 15.* Sin non culpa alterutrius dissolutio eueniat, data repeti possunt conditione causa data causa non secuta, quia *ad finitatis coeundae causa*, vt dicitur in *cir. l. 15. h. e. sub condicione futurarum nuptiarum* facta est donatio inter desponsatos, quae reuocari non posset, si sponsalia etiam inter ipsos desponsatos perfecta, nec a solis parentibus contracta ipsum iam constituerent matrimonium, quod tamen adhuc in *condicione* hoc casu positum erat, & ita minime constitutum. Ergo cessante fine, cessat quoque donatio. *l. 8. C. de condict. ob causam dat.* Quod si mutuo dissensu bona gratia non animi rancore & offensa a sponsalibus discesserint, *l. 32. §. 10. D. de donat. inter vir. & uxor.* itidem donata restituuntur, dum adimpleta nuptiarum non deprehenditur condicio, prout antea dictum. Si vero morte matrimonii impediatur consummatio, i. e. si sponsus vel sponsa ante subsecutas decedat nuptias, omnia ea, quae intuitu matrimonii, non ex mera liberalitate, donata fuere, ad sponsae sponsue haeredes reuertuntur *l. 1. §. 1. D. de donat. l. 2. C. de donat. ante nups.*

nisi osculum interuenisset, *l. 16. C. de don. ante nupt.* Delibatam scilicet quadantenus & pro parte dimidia sponsae pudicitiam, osculo interueniente, inter Romanos creditum fuisse obseruat IACOB. GOTHOFRED. *ad l. 5. C. Theod. de sponsal.* adeo vt, cum sponsus osculum praebuit, plus quam sponsa censeretur debuerit, & conditio pro parte secuta fuisse videatur. De SCIPIONE Africano refert FLORVS *lib. 2.* quod puellas summae pulchritudinis bello captas, ne in suum quidem conspectum adduci passus fuerit, ne vel oculis quid de virginitate delibaret. Ex quibus patet, quod si tentatam virginum pudicitiam Romani castiores crediderunt, cum ad illas oculis fruendas itum est, quanto magis osculis tribui debuerit. Oscula ex seuera Romanorum grauitate ad licentiam coniugalem pertinebant, vt tum temporis quodam modo illud QUINTILIANI *declam. 276.* vsurpare liceret, *uxorem aut maritum tantum osculo putari.* Vnde CONSTANTINVS quasi osculum quid virginitati decerneret, nec in totum amplius illibata puella, sed pro parte quasi dimidia delibata eius pudicitia, imo iam arctius cum sponso suo coniuncta esset, constituit, sponsam osculo exceptam dimidiam eorum, quae in spem matrimonii a defuncto accepisset sponso, lucrari partem. *l. 16. C. de donat. ante nupt.* Quare vero non idem in sponso etiam obtineat, ad id Doctores communiter respondent, osculo sponsae pudicitiam non sponsi delibatam credidisse veteres; ideoque illam solum per osculum arctiori nexu sponso sociatam esse, imo quoad sponsam tantummodo quoddam nuptiarum accessisse implementum, vtpote quae osculo edidisse videretur consensus coniugalis argumentum, & quodammodo conditionem adimpleuisse, dum concubitus solus non facit nuptias; *l. 30. D. de R. l.* quoad sponsum non item, cuius osculum, quia inane habebatur, nec pudicitiae ipsius inferebat iactu-

Eturam, nequaquam in vim consensus coniugalis accipi poterat.

s. XXI. Coniuges de iure ciuili in casu nouel-^{Vigesima}
lae 117. c. 5. & hinc desumpta *aubent. praeserea C. unde vir* ^{prima diff-}
& vxor. vt & iure praetorio succedunt. *1. 1. D. & C. unde* ^{rensiarati-}
vir. Olim quidem deficiente omni parentum, libero-^{one successi-}
 rum & propinquorum legitima successione erat fisco lo-
 cus, qui bona vt *vacantia* occupabat, vt colligere est ex
l. fin. C. Theod. de legis. success., vbi dicitur: *fisco nostra ma-*
rimonii iura praepoimus. Postea tamen iure praetorio
 inducta est bonorum possessio, *unde vir & vxor*, quo, nul-
 lis agnatis aut cognatis extantibus, maritus & vxor sibi
 inuicem succedunt, quod communiter restringere solent,
 nisi cognati ultra decimum gradum adsint; hos enim haud
 succedere, sed iis superstitem coniugem praefendam
 esse volunt. KOHL. *de success. coniug. P. 1. n. 8. seqq.* GAIL.
2. obs. 150. CARPZOV. *P. 3. c. 18. def. 31.* MEVIUS *ad ius*
Lubec. lib. 2. tit. 2. art. 1. n. 84. RICHTER. *de success. ab lin-*
test. membr. 4. sect. 3. n. 30. Sed hanc sententiam nullo
 subnixam esse iuris fundamento dicit STRYK. *in Tract. de*
success. diss. 3. c. 1. §. 29. Non enim asseri potest, coniugum
 successionem esse alias inanem, cum consequentia haec
 sit falsa, quia licet rarius deficient cognati, probatio ta-
 men cognationis saepe deficere possit, ideoque tali casu
 successio coniugum locum habere debeat. Requiritur
 autem in hoc edicto (1) *ut iustum legitimumque inter eos*
fuerit matrimonium, quamuis copula carnali non confir-
 matum. *l. vn. pr. D. unde vir & vx.* (2) *Ut matrimonium*
adhuc tempore mortis dures, cum diuortio facto haec suc-
 cessio exspiret. *d. l. vn. §. 1. d. sit.* Non vero desponsati si-
 bi inuicem succedunt, vtut WESENBEC. *ad tit. D. de spon-*
sal. n. 5. GAIL. *2. obs. 80.* KITZEL. *in Synops. matrim. c. 5.*
theorem. 7. lit. d. contrarium sentiant, quia *viri & uxoris*
 appellatione nondum veniunt, nec mortis tempore in
 ma-

matrimonio vivunt, quod tamen, vt supra diximus, requiritur. *conf. l. 5. C. de bon. quae lib.* ibi: *significatione nominis maritus & uxor post coeptum matrimonium intelligitur.* Porro successio ob matrimonium conceditur, in desponsatis vero non est matrimonium, sed fieri speratur. Deinde copula & benedictio sacerdotalis deficit, quae matrimonia confirmari debeant, asserente LEONE Nouell. 29. vt & consensus coniugalis, qui coram sacerdote declarandus erat, inter eos nondum interuenit. Imo etsi concubitus inter desponsatos matrimonium naturale & indissolubile faciat, *c. 30. & 31. de sponsal. & c. 3. X. de sponsa duor.* adeoque liberi ex istis concepti sponsalibus suis succedant parentibus; *l. 9. C. de nupt.*, quia tamen eiusmodi matrimonium contra canones est contractum, *c. 1. & 3. C. 30. q. 5. c. vlt. X. de dand. desponsa.* hinc in casu, quo sponsus vel sponsa ante benedictionem decedit sacerdotem, alter alteri ab intestato non succedit; quod si autem copula & benedictio sacerdotalis accedat sponsalibus, ex eo desponsati statim sunt coniuges, atque omnes effectus contracti matrimonii de iure eam sequuntur communi, nuptias enim legitimas non concubitus inter desponsatos facit, sed hodie magis solus coram facie ecclesiae declaratus consensus coniugalis.

Vigesima secunda differentia ratione iuris proclationis,

§. XXII. Hypotheca & priuilegium inter hypothecarios, quod datum est pro dote nuptis *in l. vlt. C. qui pot. in pign.* ad sponsas, quae dotes prorogauerint, non pertinet. LAVTERBACH. *de tacit. pign. th. 14.* Quamuis enim contrarium colligatur ex *arg. l. 5. C. de bon. quae lib.* vbi, quod de *fundo dotali* in nuptiarum gratiam statuitur ad sponsas extenditur, laudato sententiae auctore VLIANO, quam & CAIUS tradit *l. 4. de fund. dos.* plerique tamen sponsae pro dote prerogata priuilegium inter personales duntaxat adscribunt. *l. 74. de iur. dot. l. 17 §. de reb. aut. iudic. possid.* IUSTINIANVS sane hanc hypothecam

&

& privilegium ad cohabitationem coniugalem retulisse videtur his *d. l. ult. §. 1. C. qui potior in pign. verbis: quis enim earum non misereatur propter obsequia, quae maritis praestant, propter parvis periculum, & ipsam liberorum procreationem?* quae omnia sponsae non conveniunt, aut certe convenire non debent. Quamvis vero ulterius regeri posset, iure veteri uxorem & sponsam ratione dotis esse exaequatas, adeoque merito quoque iure nouo in *cit. l. 12. exaequatas* censeretur, id tamen non esse admittendum, recte censet LAVTERBACH *cit. l. 1.* tum quod privilegia non sint extendenda, tum quod rationes *cit. l. 12.* non possint applicari sponsae, adeoque credibile sit, Imperatorem de sola uxore non etiam de sponsa disposuisse.

§. XXIII. Ex sponsalibus oritur obligatio ex consensu mutuo; definiuntur enim ab ICto, quod *sint mentio & repromissio futurarum nuptiarum* ad consummandum matrimonium. Haec obligatio iure veteri Romano vim civilem habuit, ad compellendum, ut promissioni satisficeret; cum enim per solennes sponsiones, seu *stipulationes*, sponsalia contrahebantur, a quibus etiam, teste VLPIANO in *l. 1. D. de sponsal.* nomen acceperunt, dabatur actio ex stipulatu ad implendam promissi fidem, dum omne factum honestum in stipulationem deductum, actionem ex stipulatu parit *l. 2. pr. D. de V. O. l. 14. 73. & 81. D. eod.* a qua actione non diuersa erat illa, quam de sponsu vocant, cuius ex NERATIO *lib. 2. de nupt.* meminit CYNACIUS ad *tit. C. de sponsal. p. 251.* quam sponso datam fuisse dicit. Ex sponsu enim agere veteribus idem fuit, quam ex stipulatu, *l. 19. D. de aedil. edict.* quo etiam omnino pertinet fragmentum, quod A. GELLIVS *lib. 4. noct. attic. c. 1.* ex Servii Sulpitii libro de dotibus nobis asseruauit: *si post eas stipulationes uxor non dabatur aut ducebatur, qui stipulabatur, ex sponsu agebat, indices cognoscebant, iudex, quam ob rem data acceptaue non esset uxor, quaerebat.* Si nihil iustae causae videbatur licet pecunia, Ab-

itaque vocatus, aestimabas, quantique interfueras, eam uxorem accipere aut dari eum, qui sponderat, aut qui stipulatus erat, conderimus. At iure lequiori Romano necellitas adhibendi stipulationem in sponfalibus remissa, ceu ipse l. Crus l. 2. ff. de sponfal. stipulationem illam & sponfionem ad mores veterum refert. Idem affirmat GALLIVS, dum pergit, hoc ius sponfaliorum obseruatum dicis Seruius ad id tempus quo ciuitas uniuerso Latio lege Iulius data est, ac permiffum, ut simplici contrahantur consensu. Vnde etiam l. Crus l. fin. ff. de sponfal. asserit, in sponfalibus constituendis parui referre, per se & coram, an per internuncium vel per epistolam, an per alium hoc factum sit, quod non procederet, si stipulatione opus esset, quæ non nisi conceptis verbis inter praesentes expediebatur, l. 1. D. §. 1. de V. O. adeoque etiam tanta sponfaliorum non permansit obligatio, vis & potestas, ut aduersus eum, qui sponpondit, firma competere actio, cum vix nudi pacti seu conventionis terminos excederent, adeo ut ne quidem poenali stipulatione stringi potuerint sponfalia. l. 134. pr. D. de V. O. l. 71. §. 1. de condit. & demonstr. Conuentio vero illa simplex praeter exceptionem, iure praetorio concessam, nullum producebat ius. Vnde Cuiacius ad tit. C. de sponfal. p. 213. asserit, pactiones de futuris nuptiis obligationem non producere, quod & innuere videtur l. Crus, quando spem nuptiarum ex sponfalibus nasci dicit, l. 6. D. de sponfal. quorsum & collineat l. pen. C. de sponfal. ubi speratae nuptiae dicuntur sponfalia, ex quibus apparet, nondum perfectum obligationis adesse vinculum, simili ratione, qua de promissione conditionali dicitur spem esse debitum iri. Vnde liberum fuit alterutri, sponfalibus renunciare, & cum alio quouis matrimonium contrahere, l. 1. C. de sponfal. l. 2. C. de repud. & tantum ad arthas quadruplicatas reddendas retractarius, a sponfalibus resiliens, damnandus erat, exceptis paucis casibus, uti constat ex l. 6. Cod. Theod. de sponfal. & iis quae a

Gor.

GODOFREDO ibidem annotata. Haec tamen poena ex constitutione LEONIS & ANTHEMII sublata fuit, iussusque tantum mulctari resiliens amissione arrharum, quas dederat, & restitutione duplicatarum, quas acceperat. Arcius vinculum nascitur ex ipso matrimonio, & inde etiam ex iis varias actiones largiuntur, cum vxori contra maritum, tum marito contra vxorem ad alimenta, cohabitationem & operum coniugalium exhibitionem; alii etiam interdicta *recuperatoria* & *exhibitoria* concedunt, alii denique *actiones praeiudiciales*. Hoc certum est, contra ipsam vxorem, quae se vxorem esse negat, actionem praeiudicalem instituere posse maritum arg. l. 3. §. 4. de agnosc. & alend. lib. & contra seductores vxoris *utilem serui corrupti* ad interesse, arg. l. n. de seru. corrupti. imo vxorem profugam vbique locorum & a quouis, etiam a focero, in cuius potestate filia iure Romano adhuc exisibat, & patre suo detinente vindicare & ad exhibendum agere posse. l. 2. D. de lib. exhib. Sunt etiam aliae actiones, quae ante & post diuortium locum habere poterant, vt de agnoscendis liberis &c. quae ad desponsatos *ordinarie* applicari nequeunt.

§. XXIV, Sponsalia contrahi possunt pure, in diem ^{vigesima} & sub conditione. Si pure, obligatio simul & actio ^{quarta dis-} festim existit §. 1. l. de verb. oblig. vt cedat & veniat dies, ^{ferentia ra-} quod eo tempore, quo stipulatio interueniebat, & sic effici- ^{one condi-} tax actio aderat, insignem habebat utilitatem. In diem certum vero, quando quidem obligatio repente nascitur, at actio in praesens non datur, sed die demum adueniente, in quem collatae erant nuptiae. l. 46. D. de verb. oblig. l. 44. §. 1. D. de oblig. & action. Denique sub conditione, si ipsam obligationem sponsaliciam adiecta conditio incerta, an exitura sit? suspensam tenet. l. 64. D. de verb. oblig. §. 4. cod. Instit. Imo & sub modis honestis & possibilibus, vti omnia alia negotia, ita & sponsalia contrahi possunt. Nuptiae autem conditionem respuunt, partim ob rationem

l. 77. D. de diuers. reg. iur. partim quod quamdiu pendet conditio, deficit consensus coniugalis, qui praesentem cohabitandi facultatem desiderat, quam conditio talis adimit, & sic magis adhuc durant sponsalia, quam nuptiae constituuntur, si vel maxime domum sponsa ducta fuerit. *arg. l. 9. de sponsal. Matrimonium ipsum*, ait ZIEGLERVS *diff. de condit. ib. 17.* siue nuptiae omnem prorsus respuunt conditionem. Quia enim illae per coniunctionem maris & foeminae de praesenti definiuntur, & talem, quae indiuiduum vitae consuetudinem continet, §. 1. *l. de pair. pos. earum natura pati nequit, ut coniunctionem talem factam & nihilominus in futurum & incertum euentuum suspensam dicamus.* CYPRAEVS *de sponsal. c. 8. §. 13. n. 1.* & apud DEKERENVM *vol. 3. lib. 2. sect. 5. n. 1.* KITZEL *in synops. matrim. c. 5. theor. 8. sub lit. f.* BREHSTAD. *de condit. sponsal. part. 1. c. 2. n. 2.* CARPZOV. *in Iurispr. confist. lib. 2. tit. II. def. 205.* NICOLAI *de diuors. part. 2. c. 4. n. 1. seq.*

*vigesima
quinta dis-
cretoria
sione solen-
nitatum.*

§. XXV. Sponsalia, quae sunt pactiones & promissiones de futuro matrimonio, solennitatem non requirunt iure Romano, ut matrimonium. Quamvis enim olim fierent per solennem stipulationem, i. e. interrogationem & responsionem, quarum illa competebar sponso, haec sponsae; postea tamen sublata illa solennitate, nudo consensu de incedo matrimonio, quomodocunque declarato, constituta sunt sponsalia, nullamque praeterea solennitatem requirunt, quod disertis pronunciat verbis ULPIAN. *in l. 1. D. de sponsal. dicens: sufficit nudus consensus ad constituenda sponsalia.* Hoc de nuptiis vero minime dici potest; illae enim praeter consensum alias etiam desiderant solennitates, quorum praecipua est *deductio in domum*, quae magna cum solennitate & festiuitate peracta fuit. *Vespera enim*, ut refert BOCKELMANN. *in Commentario ad D. lib. 23. Tit. 2. §. 18. nuptialis diei tres pueri praetextati, patrimi & matrimi nouam nupiam ducebant, ita ut duo eandem tenebant,*

tertius

certius faces praeferret, quinque ex spina alba confectas in honorem, ut putatur, cereris, caput nuptiae flammeo velabatur: & ipsa cingulo ex lana confecto (quod cestum appellabant) praecingeatur. Id herculeo nodo vinculum fausti ominis causa vir soluebat, ut felix esset in generando instar Herculis, quem quinquaginta virgines una nocte gravidas reddidisse ferebatur. Mulier aedes intrans, snillo vel lupino adipe postes lana ungebat, ne quid mali medicamenti inferretur: sum fores lana coronabat. In ipsa, domo aqua & igni accipiebatur, colum secum ferens. Tandem in pelle lanata confidebat. Hac igitur solenni deductione in domum sponsi nuptiae celebrabantur, & contrahentes non amplius desponsati sed coniuges erant l. 15. D. de condit. & demonstr. ubi Ulpianus ait, cui fuerit sub hac conditione legatum, si in familia nupisset, videtur impleta conditio, statim atque ducta est uxor, quamvis nondum in cubiculum mariti venerit. His verbis Ulpianus non negat conditionem esse impletam, si sponsa in cubiculum mariti venerit, sed id tantum intendit, hoc non praecise esse necessarium, si modo solennis in domum deductio, prout moris erat, accesserit. Alias etiam concubitus cum foemina, quam quis secum domi suae matrimonii habebat causa, etiamsi citra ullam ducta esset solennitatem, verum constituere matrimonium, liberique inde nati erant legitimi l. 9. l. 22. C. de nupt. Id ergo asserit, satis esse si, modo ducta & hoc modo in mariti transierit potestatem, ut cum ea concumbere posset, etiamsi in eius nondum venerit cubile & carnaliter cognita sit. Porro Pomponius in l. 5. D. de vit. nupt. hoc confirmat, ubi ita scribit; mulierem absenti per literas ejus vel per nuntium posse nubere placeat, si modo in domum ejus deduceretur, eam vero qua abesse ex literis vel nuntio duci a marito non posse. Deductione enim opus esse in mariti non uxoris domum, quasi in domicilium mariti. Et Ulpianus in l. 6. D. eod. Denique Cinnia scribit; eam qui absentem (potius absens) accepit uxorem deinde re-

diens a coena iuxta Tiberim perisset, ab uxore legendum responsum est, quoniam scilicet per transitionem in domum mariti, ut ablentis, & a marito carnaliter non cognita, vera tamen eius fuerit uxor, consequenter maritum lugere teneatur. l. 1. §. 1. p. D. de his qui nos. infam. Inde PAULVS in l. 7. D. eod. concludit, potest fieri, ut in hoc casu, qui ab ULPIANO modo relatus est, aliqua virgo & dotem & de dote habeat actionem. Idem SCAEVOLA in l. pen. pr. de D. donat. int. vir. & uxor. firmat, & Scia, ait. sempronio, cum certâ die nuptura esses, antequam domum deduceretur, tabulaeque dotis signarentur (ideoque cum sponsa adhuc esset) donavis eos aures, quaero an ea donatio rata sit? In textu statim haec verba: non attinuisse, sequuntur, quae tamen haud cohaerere, quilibet facile videt, adeoque hunc textum esse corruptum, obseruat GOTTFRED. in not. ad cit. l. Inde alii haud improbabili ter asserunt, pro non forsan positum fuisse *Ron*, h. e. *respondi*, quod propter antecedens verbum, quaero addi debuit, cuius loco tamen per abbreviaturam *Ron* in textu authentico sine dubio scriptum, & descriptorum incuria loco eius verbum non substitutum fuit. Hoc modo sanus est textus: *respondi attinuisse tempus, an antequam Scia domum deduceretur, donatio facta esses, aut tabularum consignatarum, quae* (scilicet tabulae) *plerumque & post matrimonium contractum fierent, in quaerendo exprimi.* Multum enim interest, quo tempore ante vel post deductionem in domum sponsi donatio sit facta. Itaque nisi ante contractum matrimonium quod consensu (coniugali scilicet per transitionem sponsae in domum sponsi declarato) intelligitur contractum, donatio facta esset, non valere. Et hoc idem SCAEVOLA in simili casu, quo sponsus sponsae donauit in eadem lege s. r. responderet aien: *virgini* (desponsatae) *in hortis deductae ante diem tertium, quam ibi nuptiae fierent* (i. e. festiuitas nuptialis celebraretur) *cum in sparasa: diaesa ab eo* (sponso) *esset*

ses, die nuptiarum quidem, sed priusquam ad eum (sponsum) transfret, & priusquam aqua & igni acciperetur i. e. nuptiae celebrarentur, (ex quo loco aperte constat, quod ICI Romani per nuptias proprie intelligant deductionem sponsae in domum mariti, eiusque acceptionem aqua & igni) obulus decem aureos dono, quaesitum est post nuptias contractas, diuortio facto, an summa donata repeti possit? tanquam donatio inter virum & uxorem facta, adeoque inualida? Respondet SCAEVOLA id, quod ante nuptias, i. e. antequam sponsa ad sponsum transfret, & aqua & igni acciperetur, donatum proponeretur, non posse de dote, vxori diuortio facta reddenda, deduci, adeoque uxorem donum illud retinere, & nihilominus integram dotem repetere posse. Similiter Imperator AVRELIANVS consulenti de validitate donationis in die nuptiarum, adeoque tempore deductionis in domum in sponsam a sponso collatae, ita in l. 6. C. de donat. ante nupt. rescribit, cum in te (sponsam) simplicem donationem dicis factam esse die nuptiarum, & in ambiguum posset venire, utrum a sponso, an a marito donatum sit? sic distinguendum est: ut si in tua (sponsae) domo donum acceptum est, ante nuptias facta videatur esse donatio (adeoque valeat) quod si penes te (in sua domo) dedisti sponso, retrahi possit; uxor enim post deductionem sponsae in domum sponsi fuisse adeoque donatio illa non valet. l. 1. D. & C. de donat. inter vir. & uxor.

§. XXVI. Bina sponsalia eodem tempore contrahens infamiam incurrit, l. 1. in fin. l. 13. §. 1. seq. D. de his qui not. infam, l. 13. D. ad L. iul. de adul. l. 18. C. eod. gloss. in l. 2. C. de incert. nupt. cui iudex arbitrariam poenam antevertere potest, d. l. 18. C. ad L. iul. de adul. nouel. 117. c. 11. sponsalium verb. si autem praeter hanc auct. hodie C. de repud. iunct. l. 1. D. de R. I. & olim quadruplum, hodie duplum arrhae restituere tenetur. HARTM. PISTOR. p. 4. q. 306. n. 15. Imo sponsa ad interesse quoque agere potest, quia in stipulationibus

Vigesima sexta differentia ratione poenae binorum sponsalium & matrimonii duplicia-

nibus facti, post moram ad interesse agitur. CORAS, *lib. 2. miscel. c. 5. Dyn. in reg. mor. de R. l. in 6.* Sponsalia vero facti continent stipulationem *d. l. 2.* ergo ex ipsis agi ad interesse poterit, si sponsus secundam carnaliter cognouit, non solum iure ciuili infamiae notatur macula, sed etiam stupri poena afficitur, quae in honestis personis confiscatio dimidia partis bonorum, in aliis vero vilioris conditionis castigatio corporis cum relegatione. *s. 4. l. de publ. iudic. l. 18. C. ad l. iul. de adult.* MANSER. *ad §. 11. l. de nupt. vers. sexto ratione matrimonii p. 372.* WESENBECK. *parat. D. ad L. iul. de adult. n. 21.* GOEDD. *ad l. 101. princ. D. de V. S. n. s.* Binus vero nuptias contrahens iure ciuili, si sit mulier, ut adultera punitur *arg. l. 7. C. de repud.* ubi mulier, quae, absente militiae causa viro, per quadriennium nupti alii, capite non puniendi dicitur, supponens ita, capitalem poenam, quae hodie est adulterii, nubentibus aliter infligi. Conf. *auth. bodie C. eod.* ubi & casus in praecedente lege exceptus non excipitur & Nouell. *117. c. 11. l. 6. s. 1. l. 34. ad L. iul. de adult.* Puniebat autem lex Iulia initio adulterium non capite sed mitiori plerumque relegationis poena. Illa CONSTANTINI M. tempore inualuit, ut illust. *Dn. THOMASIVS in differt. Lips. 7. de crim. bigam. §. 64. 65. 66.* ostendit, ubi et explicat CONSTANTII VEL CONSTANTIS verba notabilia, quibus pari similiq; ratione Sacrilegos nuptiarum tanquam manifestos parricidas insuere culeo viros vel exurere iubent, IUSTINIANVS haec capitalem adulterii poenam circa mares haud immutauit, leniorem tamen gladio foeminis imposuit. *Nouell. 134. c. 10.* scilicet ut virgis caesa in monasterium detruderetur, & si maritus intra biennium illam ad se non reuocauerit, ibi toto vitae suae tempore tanquam in carcere manere & poenitentiam agere cogeretur. Si vero esset vir bigamus, stupri poena locum sibi vindicabat, *l. 18. C. ad L. iul. de adult.* quae determinata est in *§. 4. l. de publ. iudic. l. 6. D. ad L. iul. de adult.* nec successu tem.

temporum in capitalem mutata. Audiamus tamen PAV-
LVM, qui in l. 1. §. ult. v. de extr. crim. ait: *non solum eum,*
qui puero sed & qui mulieri stuprum intulerit, persequi flagi-
sio, capite puniendum esse. Sunt, qui existimant, PAV-
LVM de stupro violento locutum fuisse, cui tamen verba
reclamant. Alii observant pro *stupratoribus* legendum
padicatoribus; sed fides exemplarium repugnat, lenior-
que flagitio poena foret. Porro ALCIATVS lib. 5. para-
dox. c. 1. arbitratur, poenam capitalem tantum fuisse irro-
gatam, si *extra ordinem* reus accusatus fuit, i. e. si tales affu-
erunt circumstantiae, quae insignem arguerent improbi-
tatem, cuius exempla ANTON. MATTHAERI in *comment.*
ad lib. 47. & 48. de crim. lib. 48. §. 15. & 18. p. m. 307. & 98. ad-
fert. Sed probabilior est sententia, textum loqui non de
stupratore, sed de *seductoribus mulierum*, & iis, qui stupra
conciliabant, von den Ruplern / quod indicant verba: *aut*
mulierem puellamue interpellauerit, quidue impudicitiae gra-
tia fecerit, donum praebuerit, pretiumue, quo is persuasent,
dederit. Huiusmodi corruptores puellarum eo gravius
puniendi erant, quo turpius peccabant in conciliandis stu-
pris. Huc vero minime referenda est bigamia virilis, ut
putant THEOPHILVS ad §. *affinitatis* & seqq. l. de nupt. & LVD.
ROMANVS singul. 537. dum fundamento destituuntur, quia
in constitutione VALERIANI, ad quam prouocant, nihil
ea de re exstat, obseruante illustr. Dn. THOMASIO in *diff.*
7. Lipsi. de crim. bigam. §. 70.

§. XXVII. Nuptiae secundae per se non odium, sed ^{vigesima}
potius fauorem, intuitu reipublicae, cuius interest, ciui- ^{septima}
bus ex iustis nuptiis natis, quam maxime augeri, eumque ^{differentia}
in finem nuptias repeti, merentur. Vnde & apud Roma- ^{ratione se-}
nos olim poena fuit statuta in caelibes, eosque, qui non tan- ^{cupidarum}
tum primis sed & secundis abstinerent nuptiis, ut prole ef- ^{nuptiarum.}
floreferet ciuitas. Hac etiam ratione lege Iulia Miscella
cautum fuit, ut liberum esset mulieri nubere, & legatum,

H

sub

sub conditione, *ne nuberet*, relictum, consequi, si iuraret, intra annum se *liberorum quaerendorum causa* nuptias contracturam, aut post annum cautionem Mutianam praestaret, se ad novas nuptias non conuolaturam. vid. GRAVINUS in orig. iur. civil. lib. 3. §. 56. Interim postea favore liberorum prioris matrimonii cautum est, ut (1) binubus vel binuba amitteret proprietatem omnium rerum, quas quocunque titulo a coniuge defuncto accepit, reservato tantum usufructu, dum vivit. l. 3. §. 1. C. de sec. nupt. Nouell. 22. c. 23. & 30. (2) Ut quod donatum relictumque est liberis prioris matrimonii, integrum penes illos maneret, & quidem penes omnes in solidum ex aequo, exclusis liberis posterioris matrimonii. Nouell. 2. c. 1. Nouell. 22. c. 25. (3) Mater binuba succederet quidem liberis suis & ex testamento & ab intestato, siue ante, siue post mortem filii ad secundas nuptias venerit, sed ab intestato eorum tantum usufructum acciperet, quae ex paterna substantia ad filium pervenire; quantum vero, ad antenuptialem donationem pertinet, ad secundum veniens consortium (sunt verba Nov. 2. c. 3. inf.) neque secundum quantum haeres existit, filii fruatur; sed hoc filiorum sit solum lucrum eis a lege datum, & non videatur esse pars haereditatis filii; sed adhuc ante nuptialis donationis non abiiciens naturam, conf. aut. ex testam. C. de sec. nupt. (4) Mater donans aliquid filio de suo, si ad secundas venerit nuptias, non potest per occasionem ingratitudinis revocare quod datum est, nisi tamen aperte filius aut circa vitam ipsam insidiatur matri, aut manus inferens impias, aut circa substantiam totius ablationem agens adversus eam aliquid declaretur. Nov. 22. c. 35. (5) Si ex priori matrimonio procreatis liberis pater matris ad secundas migraverit, non sit ei licitum nonnecae vel vitrico testamento vel sine scriptura seu codicillis haereditatis iure siue legati, siue fideicommissi titulo plus relinquere, nec dotis aut ante nuptias donationis nomine, seu mortis causa habita donatione conferre, nec inter vivos con-

scri-

scilicet donatibus quam filio vel filiae si unus vel una existerit, quatenus ille filius non sit iure exhaeredatus, aut minus legitima portione habeat. *l. 6. C. de secund. nupt. Nou. 22. c. 27.* Quod ultra datum, pro non dato habetur, liberisque prioris matrimonii defertur, nihil iuris in id secundi matrimonii liberis, vitrico vel nouerca vindicare valentibus. *Nouell. 22. c. 27.* (6) Addunt quidam, viduam ad secunda vota transcuntem dignitatem & priuilegia prioris mariti amittere, *l. 8. l. ult. D. de Senat.* quod non poena, sed matrimonii consequens necessarium est. (7) Denique nonnulli contendunt ad secunda vota transuolantem amittere legitimam, ut si vel maxime filius ei minus reliquerit, testamento, supplementum petere nequeat, quod tamen nulla constitutione cautum reperitur. Sicuti vero in *nuptiis* contractis haec adducta sibi locum vindicant, ita cessant, si sola contracta fuerunt sponsalia, cum in legibus gratificationem inter coniuges prohibentibus sponsus & sponsa *mariti* aut *uxoris* appellatione non veniant. Nec per sponsalia tam grande liberis primi matrimonii, quam per re ipsa contractum secundum matrimonium & factum vitrici vel nouercae superinductionem, generatur praesudicium, de quo Imperator CONSTANTINVS iudicat, quod immoderatae atque intemperantes mulieres nouis maritis non solum res filiorum sed & vitam addicere praesumantur. *l. 22. C. de administ. ruscl.* Imo CAIVS ICTUS persuasissimum habet, parentes plerumque maligne circa sanguinem suum inferre iudicium, nouercalibus delinquentis instigationibus corruptos *l. 4. D. de inoff. test.* quae res prouerbio de *nouercali odio* etiam locum dedit, Iustinianoque illa expressit verba: *offendere Deum, defuncti animam contristare, & charitatem amittere circa prioris matrimonii liberos reuerantem vota.* *Nouell. 22. C. 43. & 48.*

*Differentia
vigesima o-
ctava ratio-
ne priuatae
vindictae in
adulteram
exercendae.*

§. XXVIII. Vxorem adulteram in ipsa turpitudine de-
prehenfam occidere marito olim integrum fuit, eamque
quam ipse non ita deprehenderat, conuictam confessamue
priuato potuit arbitrio punire, imo etiam necare eam, quae
vinum delibasset, quia proximus ad impudicitiam gradus
temulentia est; postea tamen uti potestas adulteria priua-
tim puniendi marito adempta fuit, ac hoc crimen rigidius
publice lege Iulia vindicari coepit; ita quoque mariti ius
variis modis & quidem potissimum ad hunc est restricta ca-
sum, si eum, quem adulterii cum vxore suspectum habe-
bat, praemissa trina denunciatione testato facta, ut absti-
neret a mulieris consortio, domi suae vel alibi cum vxore
sua versantem inueniebat, *auth. si quis C. ad l. Iul. de a-
dult.* vel adulterum vilem domi suae, non item in domo
sui foci aut alibi deprehendebat, *l. 24. princ. D. cod. V-*
xorem ipsam adulteram nullo casu, siue domi suae, siue
alibi deprehenfam occidendi potestatem maritus habebat;
si vero iusto dolore tractus tanto in flagitio deprehenfam
nihilominus occiderit, poena homicidii mitigabatur, l. 28. §.
1. D. d. 1. nec ordinariam legis Corneliae poenam patieba-
tur. l. 3. §. 3. D. ad SCtum Silan. & Claudian. Patri quoque in
filiam familias adulteram statuere concessum erat, ut con-
stat ex l. 20. D. ad L. Iul. de adult. l. 23. princip. & §. 1. cod. l. 22.
§. 2. l. 23. §. 2. d. 1. Diuersum iura disponunt de sponso, qui
sponsam suam cum alia persona concumbentem, impune
vel ut a poena ordinaria legis Cornel. excipiat, occidere
nequit, licet cum vili persona in propria domo ipsoque
in reatu eam deprehendat, & in continenti illud perficiat.
l. 24. princ. ad L. Iul. de adult. arg. l. 43. §. 3. l. 7. D. l. 22. l.
23. §. 1. d. 1. WOLFGANG ADAM LAVTERBACH, in disp.
de ira eiusdemque in iure effectibus thes. 62. & 63. Etenim
(1) in hoc loco uxoris appellatio exemplo verbi patris (quod
tam stricte accipitur, ut neque auus neque alij vteriores
ascendentes hoc gaudeant iure, siue neptem solum, siue

GLIM

cum nepte patrem eius intermedium in potestate habent) stricte est intelligenda, ut sponsam excludat. praeterea (2) praedictae leges saltem de *adulterio* loquuntur. In sponsa vero non *adulterium* proprie dictum, sed magis stuprum committitur.

§. XXIX. Inde noua differentia nascitur paulo plenius enucleanda, de qua ex professio agit CARPZOV. *Vigesima no. pr. crim. qu. 56.* Videlicet admodum probabile est, de iure *na differen. tiu ratione* ciuili tantum in nuptam, non vero etiam in sponsam *adulterii.* *adulterium* proprie dictum admissum fuisse. Nondum enim haec materfamilias, ut recte philosophatur IOANNES VOETIVS ad tit. D. ad L. iul. de adult. nondum cum hac matrimonium, adeoque nec dum thori alieni seu matrimonii intelligi potest violatio, imo nec spes matrimonii ipsum est matrimonium, nec id quod adhuc impendente est, perinde, ac si iam esset, habendum, praesertim cum adeo fuerit debile iure ciuili sponsaliorum vinculum, ut facillime ac prope impune unius voluntate dissolui potuerit inuito altero. Iniquissimum sane foret in poenalibus extensionem adulterii in matrem familias committendi, sine speciali lege ad sponsam porrigere, quae non est materfamilias. Inde quaestio fuit mota in l. 11. §. 7. D. ad L. iul. de adult., an iure mariti vir accusare possit eam foeminam, quae cum ei desponsata fuerit, alii in matrimonium a patre fuisset tradita? Respondet ICTUS: nouam rem instituere huiusmodi accusatorem existimo, qui adulterii crimen obicere desiderat propter hoc tantum, quod priorisibi desponsata puella a patre alii in matrimonio fuerit tradita. Si uxoris loco sponsa fuisset, non potuisset non esse adulterium cum ea, si alteri nuberet, uti adulterium committitur, si vera vxor alterum priori superinducat virum. Nec admitto effugium, quod sponsalia priora fuerint parentis auctoritate dissoluta secundum ius patri ex lege Romana competens; nam licet hoc patri permissum fuerit manente in potestate filia l. 2. §. ult. de divor. & repud. l. 10.

l. 10. D. de sponsal. tale tamen quid dicta in lege interuenisse nulla legis patet parte, Porro sponsum, matrimonii violentem spem, non iure *viri* a suo sponso quasi *marito*, sed quasi sponsum accusari posse, constat ex *l. 13. §. 8. D. ad L. Iul. de adult.* Nec aduersatur, quod in ea lege casus definiatur singularis, quo puella ante duodecimum ducta annum, ante iustam ab alio corrupta erat aetatem, quodque non pateat, eam fuisse desponsatam; nam eam fuisse desponsatam nec in annis 12. minore aliud quam in maiore obtinuisse, ex eo apparet, quod casus ille ad SEVERI, iubentis generaliter etiam hoc crimen in sponsa vindicandum esse, rescriptum pertinere dicatur in *d. l. 13. §. 3.* & quamuis in *cit. l. 13.* adulterii a sponsa commissi fiat mentio, constat tamen lege Iulia stuprum & adulterium promiscue acceptum fuisse. *l. 6. §. 1. ad L. Iul. de adult.* Nec in contrarium rursus facit *l. 7. C. d. r.* illic enim non asseritur adulterium commissum cum sponsa fuisse, neque de accusatione ex L. Iulia in vniuersum sermo est, sed potius cum violata per vim esset sponsa (quod in *d. l. 7.* praeiuppōnitur, dum dicitur: *ipsam mulierem suam prosequi iniuriam*, quae iniuriae tantum non volenti fit *l. 1. D. de iniur.*) maritus dicitur hoc crimen *exercere iure mariti*, non quod suae sponsae violatorem *adulteri* accuset, cum illum iure viri id facere posse *d. l. 13. §. 8. D. ad L. Iul. de adult.* aperte negatur, sed magis, quod *iniuriarum* cum eo experiatur actione (vti ipsa quoque suas iniurias prosequi aduersus talem dicebatur) & quidem *iure mariti*, dum quantum ad iniuriarum attinet actionem, *mariti & uxoris iure sponsus ac sponsa* censentur. *l. 18. §. pen. & ult. D. de iniur. l. 15. §. 24. eod.* Denique minime obstat, quod hoc crimen in sponsa capite vindicandum; licet enim non negandum sit, ob concurrentem fidei per sponsalia interpositae & spei matrimonii violationem stuprum in sponsam admissum eius simplicis modum egredi, & ita poenam stupri exasperandam esse,

non

non tamen inde gladii poena est statuenda, quod *l. 30. §. 1. C. ad l. Iul. de adul. & §. 4. l. de publ. iudic.* innuere videntur, cum in eiusmodi textibus *nuptiarum* seu *matrimonii* potius quam *sponsaliorum* fiat mentio. *Petr. Heig. q. 28. n. 40.*

§. XXX. Ius civile donationem inter coniuges *Trigesima* reprobatur, nec inter eos vult ratam esse. *1. 1. D. & C. de do- differentia nat. int. vir. & ux.* Rationes prohibitionis potissimae sunt *ratione do- nationis.* auctore *VLPIANO* in *l. 1. D. eod.* dicente: *moribus apud nos* (Romanos) *receptum est, ne inter virum donationes valerent.* Hoc autem receptum (1) ne mutuo amore inuicem spoliarentur donationibus non temperantes, sed profusa erga se facilitate (2) nec esset (vt pergit *PAVL.* in *l. 2. eod.*) eis studium liberos educandi. *SEXTVS CAECILIUS* & illam (3) causam adiiciebat, quia saepe futurum esset, vt discuterentur matrimonia, si non donaret is qui posset, atque ea ratione euenturum (4), vt venalitia essent matrimonia. Hinc & *IMP. ANTONINVS AVGVSTVS* ait: *maiores nostri inter virum & uxorem donationes prohibuerunt, amorem honestum solis animis aestimantes, summae etiam coniunctorum consulentes ne concordia pretio conciliari videretur, neue melior in paupertatem incideret, deterior distior foret* *l. 3. D. d. 1.* His effectum rationibus, vt donatio inter coniuges nec directe, nec indirecte fieri posset, vtque adeo inter ipsos non tantum coniuges, sed etiam inter focerum & generum, inter focrum & nurum consocerosque inuicem, qui coniuges in potestate habent, inter fratrem aliumue in eiusdem patris potestate constitutum & uxorem prohibita sit. *l. 3. §. 1. seqq. l. 26. 32. §. 16. D. d. 1. l. 3. 4. 5. C. eod.* Inter sponfos sponfasque vero donationes subsistunt *l. 1. C. de don. ant. nupt.* licet minor annis 12, cum sponsalia praecessissent, coeperit in domo mariti nuptae loco esse ante aetatem, cum eo casu sponsalia adhuc durent. *l. 32. §. pen. D. de don. int. vir. & ux. innot. l. 9. de sponsal.*

*Ultima dif-
ferentia ra-
tione tutela.*

§. XXXI. Denique ne haec praetermittenda dif-
ferentia, quod mater tutrix per matrimonium postea con-
tractum tutelam amittat, *auth. matri & auiae C. qu. mul-
tus. offic. fungi poss.* HAHN, de tut. mat. sh. 63. adeo ut ne
quidem recuperet amissam, si mox rursus fuerit facta vi-
dua. Solis sponsalibus hic effectus tribui nequit, quippe
quibus haud contractum est matrimonium, quod leges de-
siderant. Equidem distinguunt hic rursus inter sponsalia de
praesenti & de futuro. Illa sufficere ad amissionem tute-
lae aiunt; vid. BERLICH. p. 3. *decis.* 373. n. 10. MONTAN. de
h. t. c. 15. n. 78. non aequè haec, quod ab his recedere faci-
lius possit sponsa, non ab illis. MENOCH. de A. l. 2. lib.
2. art. 2. *cas.* 151. n. 7. Sed haec quidem distinctio, prout su-
pra monui, ad ius civile non pertinet, quo omnia spon-
salia tantum sunt de futuro, adeoque simpliciter haec dif-
ferentia est admittenda. Vnde quoque hypotheca tacita,
quae liberis prioris matrimonii in bona vitrici data est in
l. 6. C. in quib. caus. pign. vel hyp. tac. contrah. trahi nequit ad
bona eius, qui cum matre liberorum tutrice sola contra-
xit sponsalia, in quo nouum deprehenditur discrimen,
quod per se satis manifestum est.

CAPVT II.

DE

DIVERSO IVRE SPONSALIORVM
AC MATRIMONII CANONICO.

§. I.

*Conuenien-
tia iuris
civilis &
canonici in
hac materia.*

Postquam praecedente capite diuersa *sponsaliorum* ac
matrimonii iura ex iure civili Romano deprompta &
explicata, nunc quantum inter se iure canonico disse-
rant, exponamus. Hoc easdem fere differentias, quas
ius

ius ciuile tradit, in sponfalibus *de futuro*, quae tantum ius ciuile agnoscit, & vera duntaxat sunt sponfalia, obferuat, vt (1) consensus sit vel sponfalitius vel matrimonialis; *c. 2. & 14. c. 38. C. 27. q. 2. & c. 30. c. 17. C. 27. q. 5.* (2) vt impuberibus, *c. 1. C. 30. q. 2. c. 4. & seq. X. de sponfal. impub. absentibus, c. vn. de desponsat. impub. in 6. in fin.* viduis intra annum luctus *c. pen. & f. de sec. nupt.* sponfalia permittantur; (3) vt sponsa ante consummationem matrimonii pleno iure mariti non gaudeat; *c. 39. C. 27. q. 2.* (4) maritus habeat potestatem in vxorem; *c. 10. C. 33. q. 2.* (5) vxor teneatur concubitum pati, non vero sponsa; *c. 2. & 6. C. 32. q. 2. c. 1. & 3. C. 30. q. 5. c. 3. C. 30. q. 1. c. ult. X. de clond. fl. de sponf.* (6) maritum sequi adstringatur; *c. 3. C. 13. q. 2. c. 1. X. de coniug. leprosf.* (7) Vt alia sit actio, quae ex sponfalibus, alia, quae ex nuptiis; *c. 3. C. 30. q. 1. c. 13. X. de ressit. spoliat. c. 24. X. de iureiur. c. 1. X. de sponfal. c. 6. X. de adult.* (8) vt sponfalibus conditiones & modi adici possint; *1et. tit. X. de condit. apposit. c. 50. X. de R. I.* nuptiae vero omnem respuant modum, conditionem; (9) diuersae sint poenae binorum sponfaliorum *c. 2. X. de sponf. auor. c. 4. eod. c. 4. X. qui filii sint legitimi*, & nuptiarum *c. 4. X. de bigam. non ordinand. c. 4. X. de excessib. praelat. c. 6. X. de adult.* (10) vt donatiōes inter virum & vxorem non subsistant *c. 8. X. de donat. int. vir. & vxor. & c.* Specialia praeterea addidit ius canonicum, tum quia ad ius diuinum simul respicit, tum quia ^{Fundamenta} praesupponit in matrimonio esse sacramentum, tum deni- ^{asse contra-} que, quia nouum sponfalium genus excogitauit, ^{rum a iure} *de prae-* ^{ciuili.} *senti*, quod ipsum *matrimonium* esse asserit. Negari tamen nequit in his tribus nouis obseruationibus peccatum fuisse. Ius diuinum saepe peruerse allegatum, & inde ius ciuile male correctum esse, patet ex doctrina de matrimonio intra annum luctus licite contrahendo de iure canonico. Audiamus philosophiam INNOCENTII III. *in cap. ult. X. de secund. nupt.* aientis: *cum secundum Apostolum mu-*

lier mortuo viro suo ab eius lege sit soluta, & nubendi, cui vult, tantum in Domino, liberam habeat facultatem, non debes legalis infamiae sustinere iacturam, quae licet post viri obitum intra tempus luctus (scilicet unius anni spatium) nubat, concessa sibi tamen ab Apostolo videtur potestate, cum in his praesertim seculares leges non dedignentur sacros canones imitari. Eodem fere modo ratiocinatur VERNANVS III. in cap. 4. X. eod. quodcum Apostolus dicat: mulier viro suo mortuo soluta est a lege viri sui, in domino nubat, cui voluerit, per licentiam & auctoritatem Apostoli, eius infamia aboletur. Sed ex iure diuino, in quo se fundat ius canonicum, nullum paratum ei est subsidium. Sinistre verba Apostoli 1. Cor. 7. v. 39. adducuntur, demonstrante GERHARDO in loco de coniug. § 199. cum Apostolus haud asserat: nubat, quando velis, sed potius: nubat cui velis in domino, adeoque velit, ut nouum licite in vero DEI timore contrahatur matrimonium, neque quicquam contra gratam DEO honestatem & hominibus probatam fucipiat, nuptias vero intra annum luctus a vidua contractas leuitatem, procacitatem, ac libidinis intemperiem arguentes, multum aduersari honestati, vltiori non indiget probatione. Vid. latius hac de re GERHARD. l. c. Alterum quod de sacramento in matrimonio latitante adfertur, itidem erroneum esse, satis est euictum a nostratibus, quorum rationes non conglomera- bo. Denique quid de nouo sponsalium de praesenti genere habendum, quantasque confusiones inter protestantes quoque pepererit, iam supra in prolegomenis ostensum declaratumque est.

*Differentia
prima rati-
one consti-
tutionis,*

§. II. Videamus ergo specialius discrimina iuris canonici. Sponsalia differunt a matrimonio ipso iure canonico ratione *constitutionis*; sponsalia enim in consensu sponsalicio seu pactione & promissione de futuro coniugio subsistunt, prout constat ex c. 3. C. 30. q. 5. vbi NICOLAUS ad sponsalia prorsus nihil, nisi *nuda futurarum nu-*
ptia-

piatum promissa, consensu contrahentium, parentum, ac pro re nata propinquorum inita, desiderat, quod etiam ex *c. 2. X. de sponsal.* liquet. Nuptiae vero ad sui perfectionem requirunt consensum matrimonialem, & praeterea quaedam solennia, ut banna siue trinundinas nuptiarum promulgationes & benedictionem sacerdotalem. Postquam enim solennis illa deductio sponsae in domum sponsi tanquam mos ethnicus sub christianis imperatoribus non adeo frequentari & nuptiae citra eiusmodi solennitatem ratae haberi ceperunt, modo consensus & consortium coniugale inter personas cohabitantes fuisse, amicorum fide probari poterat, uti rescribunt Imperatores HONORIVS & THEODOSIVS in *L. 22. C. de nupt.* exinde vero multa inordinata contra rationem ecclesiae christianae, quae omnia ordine & decenter fieri debere postulat, contingerent, veteres patres ecclesiae, antequam matrimonium inter sacramenta foederis noui a pontificibus collocatum, hos ritus contrahendarum nuptiarum paulatim in ecclesia introduxerunt. Euaristus quidem pontifex huius benedicendi nuptiis ritus iam meminit in *c. 1. C. 30. q. 5.* scribens *Episcopis Africae: non aliter legitimum sit coniugium, nisi suo tempore sacerdotaliter, ut mos est, cum precibus & oblationibus a sacerdote uxor benedicatur.* Item, ita peracta legitima scitote esse connubia, aliter vero praesumpta, non coniugia sed adulteria vel contubernia vel stupra aut fornicationes, potius quam legitima coniugia esse non dubitatio. Verum ex quiscuilibet Isidori haec esse hausta, eruditis notum est. Proclamationis usus utique vetustior ipsa benedictione. teste TERTULLIANO, quam demum lege certa in oriente praescripsit LEO philosophus. In occidente tandem itidem inualuit, maxime ex more Romanae ecclesiae. Hac de causa INNOCENTIVS III. in *c. 4. in princ. de cland. desp.* requirit ac praecipit, ut matrimonia, priusquam contracta fuerint, in ecclesia per presbyteros publice proponantur,

& Arelatenſe concilium (vti refert GRATIANVS in c. 6. C. 30. q. 5.) omnibus iniungit. quod ſine publicis nuptiis nemo nubere aut vxorem ducere praefumat. conf. BORN. *de tribus bann. eccl.* HILDEBRAND. *de nupt. vet. chriſt.* Quauis ergo ſponſalia de praefenti quoque ipſum matrimonium eſſe velit, vel ex adductis tamen liquet, adhuc diſcrimen inter ea & matrimonium plene contractum eſſe, & tantum vim matrimonii illis tribui, quoad *vinculi indiſſolubilitatem*, & quae inde ſequuntur, in reliquis autem adhuc plurimas ſuperariſſe differentias. Addo & hoc, ius canonicum ad hunc effectum, vt matrimonium habeat plenum ſignificatum ſacramenti, adhuc requirere copulam carnalem c. 16. 17. 18. 36. c. 27. q. 2. C. 30. X. *de deſponſ. c. 8. X. de deſponſ. impub.*, aut ſaltem tranſitionem ſponſae in domum ſponſi & praebitionem corporis ſui, etſi actu ipſo cum eo non concumbat c. 3. C. 5. c. 6. c. 9. c. 11. c. 14. c. 15. c. 31. c. 35. C. 27. q. 2. C. 11. C. 32. q. 2. c. ult. X. *de coniug. leproſ.* vbi dicitur, quod ante traductionem mulieris matrimonium non ſit conſummatum; (i.e. perfectum) quamdiu itaque promiſſioni matrimonii, vtut verbis de praefenti factae, neque carnalis copula, neque deductio ſponſae, neque copula ſacerdotalis acceſſit, tamdiu matrimonium quoad omnes ſuos effectus adhuc deficit, & ſponſalia, vt dicuntur, ita adhuc ſunt & manent. Perfectio enim prima matrimonii, a qua denominatur, non conſiſtit in qualicunq; verbali promiſſione de matrimonio ineundo, vtut pure & ſine vlla conditione facta, ſed in conſenſu, facto ipſo coniunctionis corporum ordinarie declarato, vt ſi deſponſata tranſit in domum ſponſi, vel ſi deſponſati in perſona coram ſacerdote comparent, & coniuges ſe fore coram eccleſiae facie ſolenniter declarant.

(II) *ratio-
ne tranſa-
ctionis,*

§. III. Multum quoque ſponſalia & nuptiae diſferunt ratione vinculi. Siciure canonico non valet tranſactio contra matrimonium, ſeu quae ad eius diſſolutionem

nem

nem tendit. *c. fin. X. de transact.* Ratio est matrimonii indissolubilitas, quae non est priuati arbitrii, vnde & pro conseruatione matrimonii valida est. *c. 2. X. de cland. despo.* GAIL. lib. 2. obs. 94. n. 114. MEVIVS p. 25. dec. 210. n. 4. HEIG. lib. 2. q. 16. n. 1. seqq. Contra sponsalia de futuro tamen transactio locum habet indistincte, dum transactio contra matrimonium facta dici non potest, in quo matrimonii vinculum nondum adest indissolubile. *arg. l. fin. C. de transact.* HEIG. l. c. n. 8. seqq. Diuersam causam constituunt canonistae in *sponsalibus de praesenti*, quippe quae quoad indissolubilitatem vinculi cum matrimonio conueniunt, adeoque non admittunt transactionem contra illa. Quod quidem & nostrates quoque imprudenter amplectuntur, non sufficienter examinantes, vtrum etiam eiusmodi sponsalia de praesenti, quae pontificii fingunt, habeamus. Sunt nobis sponsalia de praesenti, sed in diuerso plane a doctrina pontificiorum significato, vti clariss. Dn. PRAESES in *iur. eccles. protest. lib. 2. tit. 24. de surciur. §. 60. & 62.* demonstrat, adeo vt nostra sponsalia de praesenti sint illa ipsa, quae pontificii vocant de futuro, pro ut in prolegom. iam dixi.

§. IV. Super sponsalibus, etiam pure contractis (III) *ratione delationis iuramenti,* de futuro, (quae nobis *de praesenti* vulgo dicuntur) dubiis conseruandis, consummandis & dissoluendis, vt & super exceptionibus scilicet dolosae persuasionis, metus &c. obiectis (nisi tertio inde praepudicium possit enasci, si scilicet pro sponsalibus sit) imo quando de impraegnatione & promissione simul agitur, reo & reae, vt & quibusdam in casibus parentibus iuramentum deferri potest. Non vero super matrimonio, de cuius vinculo constat, dissoluendo, licet pro conseruando admittatur, vt clariss. Dn. PRAESES in *iur. eccles. protest. lib. 2. tit. 24. §. 59. 60. 61. 62. 63. 64. 65. 66. 67.* vberius erudite ac dilucide fatis pertractat.

(IV) ratio-
ne consensus
parentum.

§. V. Sponsalia de futuro sine consensu parentum contracta, sunt inualida & nulla, imo etsi iuramento confirmata, per textum expressum in *c. 19. C. 22. q. 4.* Hoc enim iuramentum est contra bonos mores, & ideo minime est obligatorium *c. 58. de R. l. nec iuramentum vinculum iniquitatis esse debet. c. 22. C. 22. q. 4. c. 18. X. de iurciur. c. 1. §. quia vero eod. in 6.* imò notum est, iuramentum tres habere comites, scilicet *veritatem, iudicium & iustitiam c. 26. X. de iurciur.* adeoque altero prædictorum comitum deficiente, iuramentum non obligat iurantem. *c. 7. C. 22. q. 1.* Sed in hoc iuramento deest comes iustitiæ, dum, quod iuravit filius vel filia, non est iustum nec licitum, cum sponsalia sine parentum consensu consistere non possunt. *c. 1. C. 30. q. 5. c. 13. C. 32. q. 2. c. 3. C. 30. q. 5.* Non obstat *c. pen. X. de raptor.* Hic enim non quaeritur, an sponsalia reclamantibus parentibus contracta rata & firma sint, sed an raptoris dici possit, qui eam volentem quidem abduxerit, cum qua tamen antea inuitis parentibus non tantum sponsalia contraxerat, sed etiam concubuerat, de quo pontifex consultus respondet, eum neque raptozem dici, cum volentem abduxisset, nec matrimonium, utpote per copulam consummatum, ob solum dissensum parentum dirimi posse. ut infra sumus ostensuri. Vnde tamen ad sponsalia non licet argumentari. conf. *MOILLER. lib. 1. semestr. c. 47. n. 15.* Neque aduersantur *c. 2. C. 27. q. 2. c. 14. c. 23. X. de sponsal.* loquuntur enim illi textus de casu, ubi sponsalia sine consensu parentum inita sunt copula carnali consummata, ibi iure canonico in honorem & fauorem matrimonii atque ad excludendum fornicationis delictum consensus parentum a lege interuenisse fingitur ac suppletur. *ECKOLD, ad D. tit. de nups. §. 4. HABERK. dec. 128.* Matrimonio vero sine consensu parentum contracto & benedictione sacerdotali consummato, dissensus parentum dissolutionem non operatur propter expressam dispositionem concilii Tridenti-

denti, quod eos anathematis fulmine ferit, qui affirmant, irrita esse filiorum, filiarumue matrimonia sine consensu parentum, & parentes ea irrita facere posse *Seff. 24. de reform. matr. c. 1. de clandest. matrim. add. PALLAVICINVS in histor. concil. Trid. lib. 22. c. 4.* Non obstat *c. 1. C. 30. q. 5.* ubi fornicatio esse dicitur. Respondetur (1) hoc vult textus, talia matrimonia non quidem simpliciter esse inualida, sed tamen habere contra se vehementem praesumptionem iuris, quae tamen probationem in contrarium admittit; (2) dici possunt illicita matrimonia per accidens ob scandala & occasiones peccandi; (3) textus de concubernio posset accipi, quoniam concubina quidem dicebatur vxor valide, sed tamen illicite & clandestine ducta. *c. 4. c. 5. dist. 34. conf. LYNCKER, in anal. ad Bessel. erotem. sur. can. ad lib. 4. tit. 3. q. 2.*

S. VI. Ad sponsalia dissoluenda impediendumque ^{(V) ratione probationis} matrimonium sufficit vnus testis assertum; impedimentum enim, ne matrimonium contrahatur, plene probatur <sup>impedimen-
ti sponsalio-
rum & ma-
trimonii,</sup> vnico teste, *c. 12. X. de testibus & assestas. c. 12. X. de sponsal. & matr.* modo (1) testis deponat; si enim solum denunci-
at, non impedit matrimonium, nisi de fama etiam probat; *c. 27. X. de despons. impub.* (2) iuret, dum parum creditur non iuranti *c. 8. X. de cohabit. c. 1. X. de consang. & affin.* (3) cum iuramento asserat, se certo scire impedimentum; de solo testificans auditu, non semper impedit, quamuis alter testis cum eo simul absque iuramento de certa deponeret scientia: vnde maiorem fidem fama vel vnicus testis iurans facit, quam duo testes, quorum vnus de auditu cum iuramento deponit, alter vero de certa scientia absque iuramento, cum hi duo matrimonium non impedi-
ant, quod tamen vnicus testis vel fama impedit, cum ille testis de certa iurat scientia. *Abb. ad c. 1. X. de consang. n. 2. & 3.* Sufficit autem testis de auditu deponens ad probandam consanguinitatem, si testificetur iuxta formam *c. 47. X. de testib. & assest.* (4) non sit vilis persona *c. 27. X. de sponsal. & matr.*

matrim. nisi factum ita sit clandestinum, vt, nisi per vilem probari personam nequeat, quia, vbi deest facultas probandi, admittitur probatio alias non integra. *c. 32. X. de electione & electi potest. c. 21. X. de sponsal. & matrim.* Illud tamen non præcise requiritur. (1) vt testis fuerit citatus; sufficit, si per producentem iudici oblati: *c. 30. 45. 46. X. de testib. & attestat.* secus est, vbi se ipsum ingerit, qui vt suspectus est repellendus. *arg. l. vxor. §. 1. D. de fals. c. 27. X. de sponsal. & matrim.* (2) vt parte citata & publice deponat *c. 2. X. de testib. & attest.* Sed clam & absque nominis publicatione cum testari satis est, quod haec causa conscientiam tangat, in qua negliguntur apices iuris. *c. 12. X. de sponsal. & matr.* (3) valet, licet testis sit denunciator vel accusator, propriamque suam allegaret turpitudinem. *c. 4. & 12. X. de sponsal. & matrim. c. 6. X. de prob. c. 1. X. de consang.* Qua vero circumspectione & integritate testis hic deponere debeat, relinquitur arbitrio iudicis *c. super eo, de consang.* ubique ALEX. DE NEVO *n. 9.* asserens impedire sponsalia iurata testem integrum & bonae famae, si iudex attentis circumstantiis sibi persuadeat, verum deponere; quin etiam non solum vnius testis assertum, sed etiam ad dissoluenda sponsalia sufficit, si vterque desponsatorum fateatur impedimentum, quamuis iuramento firmata, quia mutuo consensu facile dissolui possunt, vt infra ostendam; dum vero vterque impedimentum fatetur, satis mutuam resiliendi voluntatem explicat. MENOCH. *de arbitr. l. 2. l. 2. centur. 2. cas. 103. n. 2.* MASCARDI. *de probat. concl. 1035. n. 17. 18.* Practerea quod magis est, fama quandoque impedimenti plene illud probat ad effectum dissoluendi sponsalia de futuro, impediendique, ne matrimonium contrahatur per *c. 2. X. de consang.* Quod etiam admittunt, si vel maxime iuramento sponsalia confirmata sint, quod in *d. c. 2.* casus praesupponatur, quo sponsalia contracta erant *interposita fide*, h. e. iuxta sententiam glossae verb. *fide iuramen-*

mento, quae sententia tamen non satis fundata est; cum *fide interposita desponsare* nihil aliud sit, quam certum declarare consensum de futuro matrimonio, vt docet *c. 2. X. de sponsal.* Diuersa omnino est ratio matrimonii ob vinculi indissolubilitatem; ad matrimonium enim legitime contractum dissoluendum, duo testes *circumscripti & omni exceptione maiores* desiderantur, quia causa est grauissima, inque ea de magno agitur praeiudicio, *c. 1. x. de consang.* quamuis si agatur de dissoluendo matrimonio ob consanguinitatem, etiam parentes & consanguinei legitimi sint testes, *c. 3. X. qui matrim. accusar. poss.* quod hi praestantius ceteris parentelam nosse praesumantur. Non ergo sufficit fama impedimento, *c. 4. X. c. 35. q. 6.* quia oportet impedimentum *plene* probari; fama vero vix semiplenam probationem in tali *ardua causa* constituit. Neque satis est confessio impedimenti dirimentis ab utroque coniuge petente dissolutionem facta; ideo enim in causa matrimonii non statur litigantium confessioni. *c. 5. qui cogno consang.* quia alias in eorum potestate foret matrimonium pro lubitu dissoluedi. *c. 5. qui cognou. cons.* adeoque ne quidem eius ratio habetur, licet etiam fama impedimenti cum illa concurrat, *c. 5. qui cogn. cons.* ne alias hac ratione diuortii via pandatur, & coniugibus colludentibus indulgeatur libertas pro lubitu recedendi à coniugio. GONZALEZ. *ad cit. c. 5.*

§. VII. Matrimonio de iure canonico inest *vinculum* (VI.) *ratio-*
 prorsus *indissolubile*, non item sponsalibus, & minus diffici- *ne vinculi,*
 lis est horum dissolutio quam illius, ita vt leuioribus ex cau-
 sis quam istud dissoluatur, quod ius canonicum ex iure di-
 uino, vel potius ex conceptu de *sacramento*, hausisse con-
 tendit. Equidem ius diuinum in N. T. citra grauissimam
 causam matrimonii vinculum indissolubile esse sanxit, &
 quia hoc est singulare, non extendendum ad sponsalia, quae
 à matrimonio sunt distincta, Verba enim, quae habentur
Matth. XIX. 5. seqq. & Marc. X. v. 7. per se indicant, de iis
 esse sermonem, qui patrem & matrem deseruerunt, qui

conglutinati sunt, qui duo facti in una carne, quae conglutinat[i]o iunctio in vnum iugum, non congruunt sponsalibus, sed arctiorem respiciunt confociationem, ideo ad eius praecambula h. e. sponsalia, sine expressa Dei voluntate minime non solum extendenda sunt, sed etiam ipsa praecepta de consummato connubio ibi arguunt, extra consummationem focus se habere. Si ius civile intueor, liquet, sponsalibus non adeo obligandi inesse vim, *l. 1. c. de Sponsal.* sed vnicuique contrahentium pro arbitrio dissentire atque renu[n]ciare licuisse. *l. 2. C. de repud. l. 2. §. 3. D. cod. sis.* prout *cap. antec.* iam obseruavi. Ipsum matrimonium quidem *individuam vitae consuetudinem* continere dicitur, vinculum matrimonii tamen iure Romano non censetur indissolubile, utpote quod communi coniugum consensu solui poterat, *l. 9. C. de repud.* & quamvis postea restricta fuerit libertas diuortiorum, plures tamen admissae causae sunt, ex quibus & gentilium & Christianorum Imperatorum temporibus vna pars ab altera inuita per diuortium separari poterat. *l. 8. C. cod. Nov. 22. c. 15. & Nov. 117. c. 8. & 9. 10.* Ius canonicum vero tantum permisit, ut a sponsalibus de futuro ob plures causas discedere integrum esset; *c. 13. X. de praesumpt. c. 2. 10. 15. X. de sponsal. c. 2. X. de spons. duor. c. ult. X. de clandest. despons. c. 25. X. de iurei.* non item a matrimonio, quod prorsus indissolubile censetur; *c. ult. X. de transact. c. 8. X. de diuor.* Generalem regulam hic constituunt: quod si iusta aliqua ratio suadet, et ipsorum contrahentium non fore coniunctionem, veluti quia periculum est forte, ne perpetuum inter eos odium atque dissidium sit, iudex magis ad dissoluenda sponsalia, quam ad eos matrimonio iungendos propensior esse debet. Huc videtur collineasse *LEO III.* pontificis responsum in *c. 17. X. de sponsal.* quod cum libera debeant esse matrimonia, monenda sponsa sit potius quam cogenda, cum coactiones difficiles solent exitus frequenter habere; matrimonium autem prorsus indissolubile esse statuit *C. ult. X. de transact. c. 8. X. de diuor.*

§. VIII. Inde hoc quoque discrimen deductum videtur

(1711) quod
sponsa

detur, quod matrimonium mutuo diffensu dissolui nullo modo possit, bene tamen sponsalia per expressum textum in c. 2. X. de sponsal. ubi haec in verba pontifex scribit: *prae terea hi, qui de matrimonio contrahendo pure & sine omni conditione fidem dederunt, commonendi sunt, & modis omnibus inducendi, ut praestitam fidem observent; si autem se ad invicem admittere noluerint, ne forte deterius inde contingat, ut talem scilicet ducat, quam odio habes, videtur, quod ad instar eorum, qui societatem interpositione fidei contrahunt, & postea eandem sibi remittunt, hoc possit in patientia tolerari.* Nihil enim tam naturale, quam vnumquodque eo modo dissolui, quo colligatum & contractum est, l. 35. D. de R. l. & omnis res per quascunque causas nascitur, per easdem dissolvitur, C. 1. de R. l. sponsalia autem utriusque consensu & quidem solo consensu contrahuntur, ergo & rursus nudo consensu dissolui queunt, Equidem in d. c. 2. X. de sponsal. dicitur, quod *ex patientia tolerari debeat, ut a sponsalibus perfectis discedatur mutua utriusque voluntate*; ex quo colligendum videtur, quod iure id fieri non possit; quin etiam sunt, qui dicunt, quod non simpliciter sed comparatiue dissentientiendi facultatem permittat INNOCENT. III. hoc cap. quo maius malum euitetur ob expressa textus verba, *ne forte deterius inde contingat, & sic permissionem sed minus plenam tantum indigiter, ut hinc mero iure reluctantes ad matrimonii consummationem etiam compellendi videantur.* Verum alii rectius pontificem non tantum talem dissolutionem tolerare permittendo, sed etiam approbando statuunt, quorum in numero GUTIERREZ tract. de matrim. c. 24. n. 1. SANCHEZ. de matrim. lib. 1. disp. 51. n. 2. aliique ab his recensiti. EMAN. GONZALEZ TELLEZ ad c. 2. X. de sponsal. n. 7. verba illa: *ne deterius inde contingat*, ita temperat, quod non debeant accipi comparatiue ad malum, quod sequi posset, si non daretur discedendi licentia, sed comparatiue potius ad bonum, quod daretur ex celebratione & perfectione matrimonii, quasi dicat pontifex: *monendi sunt sponsi, ut promissum*

sum adimpleant, quod bonum est; si autem noluerint, tolerandi sunt, ne maius malum sequatur, quam est bonum, quod ex nuptiis sequeretur. Sed non necesse est hac ratio comparationem inquisivisse; satis est desponsatos discedere salua iustitia à nexu sponsalicio posse, quod vel ratio a contractu societatis deducta satis indicat. Vnde etiam dicitur *monendos esse contrahentes sponsalia, ne illa dissolvant, non tamen compellendos*, cum eorum consensus sufficiens sit ad ea dissolvenda, nec *admonitio* coniunctam habeat coactionem vel compulsionem, sed potius *consilium* sit. Hoc etiam obtinet in sponsalibus iuramento vallatis, c. 17. X. de sponsal. ubi quaeritur, *qua censura mulier compelli debeat, quae turis iurandi religione neglecta nubere renuit, cui se nupturam interposito iuramento firmavit?* Respondet pontifex LVCIVS III. *quod cum libera debeant esse matrimonia, monendam esse potius quam cogendam*; ex quo procul dubio sequitur, quod si illa, cui se nupturam iuravit, iuramentum sponsae remittat, liberam discedendi facultatem ei esse. Vnde ob dictum c. 17. canonistae communiter concludunt, sponsalia puberum dissolui posse mutuo ipsorum consensu, & alterum alteri obligationem ex desponsatione natam remittere posse, modo libera fiat voluntas, etiamsi iuramento confirmata sint sponsalia. SANCHEZ de sponsal. lib. 1. disp. 52. n. 1. seqq. BONACINA Tom. 1. tit. de sacram. matrim. q. 1. punct. 10. n. 1. GUTIERREZ Tr. de matrim. cap. 24. CYPR. de iur. connub. p. 1. c. 13. §. 12 KIZEL Synops. matrim. c. 8. th. ult. lit. k. BEVST. de sponsal. §. 10. Omne enim iuramentum censetur sub conditione factum, si ille in cuius praestitum favorem, acceptare velit ac dirigitur in Deum tanquam in testem promissionis homini factae. SANCHEZ de matrim. disp. 52. n. 6. Iam vero sponsalia iuramento firmata principaliter sunt in favorem partis alterius, ergo ab illa remitti potuerunt, & is iuri suo cedere potest.

(VIII) *vis
dissensu*

§. IX. Vnius etiam dissensu i. e. si una tantum pars dissentiat, altera verò matrimonium semel promissum vr-
geat

geat contrahendum, sponsalia, non vero matrimonia, dissolui possunt, si dissentiens sui dissensus iustam causam habet, c. 10. X. de sponsal. etiamsi iurisiurandi religione confirmata. c. 17. X. de sponsal. vbi illam pontifex subiicit rationem, cum libera debeant esse matrimonia, monenda potius est sponsa quam cogenda, cum coactiones difficiles exitus frequenter soleant habere. Si vero quis absque rationabili sufficientique causa ex mera malitia à promissione matrimonii & pactis sponsalibus discedere velit, censura ecclesiastica adigi poterit ad fidem seruandam, vt tamen absoluta compulsio desit, c. 10. X. de sponsal. de quo plenius Dn Praef. diff. de matrim. con. c. II. egit. In matrimonio vtique seruando absolutam compulsionem adhiberi posse omnes fatentur.

§. X. Non tantum vero causae praecedentes probabiliter ab altera parte ignoratae admittuntur ad dissoluenda sponsalia; sed etiam superuenientes, de quibus statim dicturi, quia (1) paria sunt in iure, aliquid superuenire & praecedere ignoranter; res enim dicitur fieri, quando primum innotescit: c. 4. X. de except. (2) quia paria sunt in iure non esse & non apparere l. D. 30. de testam. iur. l. 11. D. de contrah. emt. ergo à contrario sensu paria sunt, esse & apparere, cum ergo post sponsalia vitium appareat, tunc dicitur de nouo esse: (3) quia in l. ult. C. de spons. dicitur resilientem à sponsalibus ex causa praecedenti ignorata non amittere arrhas, quod secus esset, si resiliendo culpam admitteret. Tandem (4) quia rebus notabiliter mutatis promissio non obligat. C. 25. X. de iurei. Sed respectu huius sunt res notabiliter mutatae, cum de nouo inueniat vitium notabile prorsus ignoratum. Nec aduersatur d. c. 25. X. de iurei. quo asseritur propter causas praecedentes non dissolui sponsalia, intelligendum enim est, si eas ignoratae non sint, vt obseruat Glossa ad d. c. 25. verbo praecedentem. Sic ob stuprum sponsae praecedens, i. e. si ante sponsalia contracta fornicata fuerit sponsa, cui tamen virginittatis amore & opinione sponsus promiserit matrimonium, sponsalia dissolui possunt, c. 33.

C. 27. q. 2. CORVINI *ius canon. lib. 2. tit. 12. p. 151. n. 6.* non vero aiunt quidam, si iureiurando corroborata c. 25. X. de iureiur. cum iurisiurandi eam voluit esse vim ius canonicum, ut pacta iurata, quoties sine dispendio salutis aeternae seruari possunt, seruari debeant; sed eodem fere loco INNOCENTIVS III. ait, *repudiare posse sponsam sponsum, etiamsi interpositio iureiurando nuptias sponponderit.* Si post sponsonem illa contra regulam desponsationis veniens, furtim zonam sibi solui ab alio fuerit passa d. c. 25. nemo in dubium vocauerit, eam contra legem fidei & pudoris peccare, quae deuirginata castitatem prae se ferens, integram volentem sponsum errare patitur. Praeterea pontifex dicit in iureiurando, quo quis se adstringit non deserturum vxorem, hanc esse conditionem, *si illa in legem coniugii non peccat*, in sponsonem vero matrimonii tacita haec semper inest conditio, *si virgo sit*: igitur vitata repudiari potest, etiamsi iureiurando ei nuptiae promissae. Itaque periurus non est, qui non praestat, quod verbis promisit, cum ei non praestatur, quod stipulatus fuit, nec violator est fidei, qui erroneam non seruat fidem. Recte Paulus in l. fin. D. qui satisfacere coguntur l. ult. D. ad municipal. ait: *qui iuratus promisit iudicio sisti, non videtur peccasse, si ex concessa causa deseruit.* ille vero probatam habet causam renunciandi sponsoni, qui nolit stupratam ab alio ducere, cum lenocinii accusetur & factus iniustusque dicatur, qui adulteram in domo retinet vxorem, l. 2. §. 2. l. 29. D. ad L. lul. de adul. c. 1. C. 32. q. 1. et turpius eiicitur, quam non admittitur hospes. Matrimonium vero ob praecedens ante sponsalia vel nuptias stuprum non rumpi iure canonico, i. e. marito a se dimittere non licere vxorem ante nuptias vitatam & pro virgine ac intemerata ductam, multi sibi persuaferunt, cum pontifex INNOCENTIVS III. cum GRATIANO c. 1. C. 29. q. 1. in fin. verbis expressis concludat sponsam vitatam pro virgine ductam esse retinendam, *qui ducis, inquiens, in vxorem meretricem vel corruptam, quam putat esse castam vel virginem, non pos-*

est eam dimittere & aliam ducere. Sed id non quidem est sanctio canonica sed assertio GRATIANI. Imo etiamsi in iure canon. fundatum foret, quod tamen adhuc dubium, merito tamen repudiandum, praesertim cum vnice & ex supposito principio erroneo de *sacramento* fluat.

§. X. Sponsa errans circa castitatem sponsi a sponsalibus etiam recedere potest, si sponsum ante sponsalia stuprum commisisse percepit, probetque. *STYCK ad Brunnem. eccles. lib. 2. c. 17. §. 25.* Equidem nonnulli negant, errantem sponsae hac in re succurrendum esse, id tantum concedentes, si mores eius reperiantur admodum vitiosi & ille libidinosus saepius lupanaria frequentauerit, vel meretriciam cum quadam muliere duxerit vitam. Plurimi vero simpliciter hoc negant, libidini hic vela pandentes, ea ducti ratione, quod non requiratur aequalis castitas in masculis ac puellis, nec puellae quicquam decedat per concubitus masculini. Verum in iure canonico aequum esse dicitur, ut qui intactam sponsam quaerit, ipse quoque intactus sit, & qui puram expetit, ipse quoque purus sit. Diserte in c. 2. c. 32. q. 6. AUGUSTINUS ait: *si ducturi estis uxores, seruate vos uxoribus vestris, quales vultis eas inuenire, tales & ipse inueniant vos, quis inuenis est, qui non castam ducere velit uxorem? & si accepturus sis virginem, quis non intactam desideret? intactam quaeris? intactus esto: puram quaeris? noli esse impurus; nam enim illa potest, tu non potes.* Et ipse VLPRIANVS ICtus ethnicus periniquum esse censuit, ut pudicitiam ab uxore exigat, quam ipse non exhibet; quapropter LEO & ANTHEMIVS statuerunt, sine arrharum dispendio propter impudicam sponsi conuersationem nuncium à sponsa remitti posse. l. 5. C. de sponsal. Verum ut à matrimonio iam contracto uxori hac de causa recedere integrum sit, nemo forsitan dixerit.

§. XI. Sponsalia, siue scienter, siue per errorem iuris aut facti in gradibus iure humano prohibitis contracta dissoluntur; c. 142. §. 6. X. de consang. & affin. non vero matri-

an ob stuprum & vitium libidinosam sponsam?

(X.) facilius sponsalia dissoluntur matri-

in gradibus
prohibitis
contracta
quam matri-
monia.

matrimonium contractum ac per benedictionem sacerdo-
talem insecutamque commixtionem consummatum ab igna-
ris consanguinitatis, quam postea primum rescuerunt, si
cohabitare velint. *Clem. vn.* in verbo *scienter de consang.*
FELIN. in c. *examinata X. de iudic. & c. 4. X. de consang. &*
affin. quia multa ab initio facilius impediuntur, quam si facta
fuerint, rescinduntur, c. 25. *X. de iureiur.* & scandalum insi-
gne, ob quod matrimonium non rumpitur, in sponsalibus
plane deficit, deficiente vero ratione alicuius iuris ipsum
ius deficit, c. 60. *X. de appellat.* Facile quoque de matrimo-
nio contrahendo quidem potest dispensari, non autem de
matrimonio iam contracto iterum dissolviendo, dum nemo
regulariter potest dissolvere matrimonium copula consum-
matum, c. 7. *X. de conuers. coniug.* maxime de iure canonico,
quo per cohabitationem mysterium sacramenti est perfe-
ctum, quod facit matrimonium indissolubile.

(XI.) facili-
us sponsalia
dissoluantur
ob causas su-
peruenientes
quam ma-
trimonium,

§. XII. Sponsalia dissoluantur ob causas superuenien-
tes, i. e. quoties post ea contracta aliquod notabile aut eius-
modi incommodum vel noua causa superuenit, quae a prin-
cipio existens ea contrahi impediret, & ante praeuisa alte-
rum a sponsalibus deterruisset, toties locus est dissolutioni,
quia promissio non obligat ultra promittentis intentionem;
intentio autem promittentium fuit, se non obligare in hoc
casu indissolubiliter. 1) quia rebus notabiliter mutatis pro-
missio non obligare videtur, c. 25. *X. de iureiur.* Sponsalia
vtique maiorem requirunt libertatem, quam ceterae promif-
siones, cum ad mutuum ordinentur amorem & ad vinculum
matrimonii consummati omnino indissolubile contrahen-
dum, quod in voto ceterisque contractibus minime con-
tingit; imo hoc adeo verum est, vt etiam eo vsque exten-
datur, quamuis sponsalia iuramento stabilita sint, quia iura-
mentum includit omnes condiciones contractus, cui adii-
citur, *l. fin. C. de non num. pecun.* & semper iuramentum in-
telligitur, rebus sic stantibus c. 25. *X. de iureiur.* quamuis
noua causa superueniens vel aliae ad dissoluenda sponsalia
suffici-

fufficienter contingant, poftquam fponfus in mora, ea implendi, fuit, vbi tamen damnum, quod ex ea mora in fponfam redundauit, refarcire tenetur P. MOLIN. 10. 2. de iuf. 17. 2. *diff. 272. §. funt vero nonnulla.* Matrimonium vero non indiffrinete diffoluitur ob fubfequentes caufas, adeo vt ne quidem adulterium de iure canonico matrimonium quoad vinculum tollat, fed tantum operetur feparationem quoad thorum & menfam.

§. XIII. Sic fponfalia diffoluuntur, fi fponfus fponfa- (XI.) *fponfa-*
ue poftea contraéta a chriftiana ad Iudaicam, Turcicam aut *lia diffoluunt-*
ethnicam religionem aut ad haerefim deficiat *l. 16. C. de epifc.* *tur ob mu-*
aud. l. 5. C. de fponfal. arg. c. 6. & s. C. 28. q. 1. vnde non im- *tationem re-*
merito publica lege prohibuerunt Imperatores VALENTINI- *ligionis non*
ANVS, THEODOSIVS & ARCADIVS, fancientes, ne chriftianam *irem matri-*
mulierem in matrimonio Iudaeus accipiat, neque Iudaeus *monium,*
chriftianus coniugium fortiatur; nam fi quis aliquid huius-
modi admiferit, *adulterii* vicem commiffi huiusmodi cri-
men obtinebit, libertate in accusandum publicis quoque
vocibus relaxata. *l. 6. C. de ind. & coeifc.* Si enim ob peri-
culum mali exitus, quod verifimiliter praeuideri poteft,
diffoluenda funt fponfalia, *c. 17. X. de fponfal.* id certe magis
hoc cafu obtinet, vbi maximum fubeft periculum tam parti-
tibus, ne fcilicet fidelis ab infideli feducatur, quam liberis
ex hoc matrimonio nafcendis animae imminet periculum,
ex quo perpetuis confcientiae fcrupulis poftea angeretur
fponfus Vbi difpar fides, vbi diuerfus Dei cultus con-
iugibus eft, ibi folet matrimonium vt plurimum rixis & iurgiis
fcaterere, maledictionis fpinas producere, viamque ad perpe-
tuam sternere mortem. Nec vlllo colore ruptam fidem amo-
risque inconstantiam obicere repudianti alteri poteft parti-
ti, ipfa enim in culpa eft, quod res non in eodem manferit
ftatu, quo erat tempore factae fponfionis; fideli nubere vo-
luit non infideli. Nec aduerfatur Paulus apoftolus, cum do-
cet, fideli manendum effe apud infidelem, donec ab eo de-
feratur. *1. Cor. VII. 13. 14.* loquitur enim ille de *contraeto ma-*
trimo-

trimonio, non de contrahendo. Matrimonii autem vinculum minime per hæresin superuenientem, i. e. si post initum & consummatum matrimonium alterutra pars à fide vera defecit, soluitur nec conceditur ob religionis diuersitatem diuortium, c. 2. c. 7. X. de diuor. c. 19. C. 27. g. 2. & Trident. concil. Sess. 24. de matrim. c. 5. Deus enim nunquam praecepit, vt dissoluerentur matrimonia fidelium cum infidelibus, nedum cum diuersae religionis coniuge contracta. Ipse PAVLVS apostolus in 1. ad Corinth. c. 7. v. 12. 13. 14. monet, vt fidelis ab infideli, quamdiu hic cohabitare velit, non discadat aut deserat, dicens: *si quis frater uxorem habet infidelem, & haec consentis habitare cum illo, ne dimittas illam, & si qua mulier habet virum infidelem, & hic consentis habitare cum illa, non dimittas virum, sanctificatus enim est maritus incredulus per uxorem, & sanctificata est uxor incredula per maritum, alioquin filii vestri immundi essent, nunc autem sanctificati.* Imo licet ab initio, re adhuc integra i. e. durantibus adhuc sponsalibus, non facile nec simpliciter permitti debeat matrimonium fidelis cum infideli, & ob diuersam superuenientem religionem altera pars inuita ad consummationem sponsaliorum cogi non debeat, nec possit, attamen iam contractum & consummatum matrimonium minime dissoluendum, quia vt multoties iam diximus, saepe quae fieri non debent, si tamen facta fuerint, non rescinduntur l. 1. §. 1. D. quando appellandum sit: & intra quae tempora l. 7. §. 24. D. de interd. & releg. l. 1. §. 1. D. de fer. l. 13 §. 7. v. de his qui nos infum. l. 9 §. 11. D. de poen. l. 85. §. 1. D. de R. l. & plura impediunt matrimonium contrahendum, quae iam contractum non dissolunt. l. 8. ibique glossa in verb. *reuertere* D. de his qui sui vel al. iur. sunt. Argumenta quorundam canonistarum, quibus probare satagunt, dissoluendum esse matrimonium ob superuenientem defectionem a fide, nostram minime infringunt sententiam; neque enim obstat (1) quod in V. T. lege Mosaica cultus disparitas atque infidelitas matrimonium non solum ab initio, quod minus iniureretur, impederit, sed etiam contractum

*Dissoluitur
tur dubia.*

irritum fecerit. Lex enim ista Mosaica de coniugio cum infidelibus Cananacis non ineundo, hodie nos christianos sub N. T. non ligat, quia nec in politia Mosaica coniugia cum quibusvis infidelibus irrita fuerunt; sed saltem cum Cananacis, Ammonitis ac Moabitibus ceterisque populis, quos Deus de facie terrae delere constituerat; imo lex illa Mosaica non fuit mere naturalis & moralis, sed *ciuilis* potius & *forensis*, cum non ad omnes & quosvis spectauerit populos, quod tamen legis naturalis & moralis proprium est, ut vniuersas gentes omnesque liget populos, tum etiam rationem non habuit naturalem & moralem scilicet seductionis fidelis per infidelem, sed forensensem quoque & ceremonialem, dum Deus non tantum vitandae seductionis, sed distinguendi etiam populi dilecti gratia commixtionem omnem cum infidelibus & incircumcisis a Iudaeis vitari voluit, quam rationem posteriorem, quae tamen praecipua & principalis videtur, in christianis hodie deficere nullum est dubium. Nec (2) infringit, quod Esdra matrimonia Iudaeorum cum Aegyptiis dissoluerit; *Esdra c. 9. v. 10.* nam hi habitabant in terra Canaan, adeoque e numero fuerunt Cananaeorum, cum quibus interdictum erat Iudaeis coniugium. Nec aduerfatur (3) quod matrimonium ut *sacramentum* non possit tribui illis personis, quae sacramenta suscipere non valent; nam si vel maxime ex iure canonico hoc supponi debeat, minime tamen inde euincitur facultas discedendi a matrimonio, cum tale matrimonium adhuc dicatur *legitimum*, licet non sit, *ratum*. Nec mouet (4) quod inter eas legitimum non consistat matrimonium inter quos non est indiuidua vitae consuetudo, consortium omnis vitae, diuini & humani iuris communicatio, iuxta definitionem matrimonii. *l. 1. D. de rit. nupt. & c. 3. C. 27. q. 2.* In allegatis enim nuptiarum definitionibus indiuidua vitae consuetudo minime. *paritatem cultus* inducit, neque in ea, sed in interiori conuictu, inque mutua officiorum coniugalium praestatione consistit. MODESTINVS autem, ut auctor huius legis,

per *diuini iuris communicationem* intendit, olim de iure Romano vxorem sacrorum maritalium factum fuisse participem, adeoque quia sacra plebeiorum & patriciorum erant diuersa, inter eos non permittebatur matrimonium, quod perturbatio sacrorum inde esset metuenda, teste *Linio lib. IV. c. 1.* quae ratio peculiaris fuit Romanis, nec ad christianorum coniugia applicari potest, quam ob rationem fortassis IUSTINIANVS sua in definitione *pr. instit. de patr. pot. verba l. 1. D. de rit. nupt.* nempe *diuini iuris communicationem* omisit. Nec infringit (5) quod coniuges non possint sub velo sacerdotali benedictionem accipere; nam in casu, quem hic suppono, benedictio sacerdotalis matrimonio iam accessit, quia agitur hic de superueniente mutatione religionis; ne dicam benedictionem sacerdotalem ad matrimonium non requiri substantiam, quia alias ante eam introductum matrimonium in ecclesia non fuisset, & extra eam non esset intergentes; coniunctas autem ad Deum preces fundere, sit quidem coniugum officium. non vero quatenus sunt coniuges, sed quatenus christiani. Nec obstat (6) quod si adulterium *proprie dictum* coniugium diuellit, multo magis *spirituale* nempe infidelitas. Diuersa quippe vtriusque est ratio, adulterium enim ideo coniugium dirimit, quia *fidem coniugalem* violat, tollit, dirimit, & a diametro matrimonii repugnat substantiae; infidelitas autem istam dictam vitae consuetudinem, in qua matrimonii consistit substantia, minime dissoluit. Multo minus (7) impedit, quod Apostolus 2. Cor. 6 v. 24. diserte prohibeat. *ne iugum cum infidelibus irahamus*: loquitur enim Apostolus de *coniunctione animorum* cum infidelibus *spirituali*, quae per fidem fit, ne scilicet fidelis eodem impietatis iugo cum fidelibus copuletur, & societatem peccatorum cum iis contrahat.

(XIV) spon-
salia dissol-
uantur per

S. XIV. Ingressus in monasterium, quem *conuersio-*
nem dicunt, dissoluit sponsalia, non matrimonium c. 4. X.
qui cler. vel vouent. Sanchez de matrimonii Sacramento lib. 1.

Disp.

Disp. 42. sicut vota simplicia & iuramentum castitatis, religionisque sponsalia dirimunt, non vero matrimonium. c. 4. & c. 6. qui cler. vel vouent c. un. de voto in 6. c. ult. & c. 41. C. 27. g. 1. SANCHEZ lib. 7. Disp. XI. Dixerit aut pontifex in c. 2. X. de conuers. coniug. post consensum legitimum de praesentia licitum est alteri, altero etiam repugnante, eligere monasterium, sicut sancti quidam de nuptiis vocati fuerunt; dummodo carnalis commixtio non interuenerit inter eos; & aliter remanenti (si communius continentiam seruare uoluerit) licitum est ad secunda vota transire: qui cum non fuisset una caro effecti, satis potest unus ad DEum transire & alter in seculo remanere. Putant enim, vota monastica esse perfectiora obligatione sponsalitia, adeoque hanc eis cedere debere.

ingressum in
monasterium
non matri-
monium.

§. XV. Generalis & trita illa regula: quis prior rem- (XIII.) spon-
pore potior iure, locum etiam sibi vindicat in sponsalibus, ut salia priora
contententibus duobus illi addici debeat sponsa, cui priori non soluuntur
desponsata fuit, etiam si ad posteriora iuramentum accesserit per po-
rit. c. 31. X. de spons. c. 15. & 30. X. eod. c. 1. c. 3. c. ult. X. de steriora, bene
spons. duor. Licet enim omne iuramentum, quod absque posterioribus
dispendio salutis seruari potest, seruandum sit; c. 28. X. de matrimonii-
iure; iuramentum tamen minime debet esse vinculum iniqui-
tatis, nec in tertii valet praeiudicium. c. cum contingat. c. non est obligatorium de R. I. in 6. Imo quamuis matrimonia
debeant esse libera, c. 14. c. 29. X. de sponsul. l. 134. D. de V. O. l. 2. c. de inuul. stipul. id quod fieri non videtur, si ad priorem
redire adigitur; id tamen amplius sibi locum vindicare nequit, quando tertio ius perfectum est quaesitum, & potissimum
haec regula obtinet, antequam contrahantur; at libertas in necessitatem obseruandi promissa transit, postquam
contracta exemplo aliorum contractuum, l. 7. v. 3. D. com-
modati quamuis etiam, ut supra monitum, ab absoluta compul-
sione abstinendum sit. Posteriora tamen sponsalia benedictione seu copula sacerdotali consummata, si cum priori
puella vitra verba nihil actum fuerit, praeseruntur dum haec perfidiam duntaxat, non ereptam sibi pudicitiam quer-
ri pos-

ri possit, & iure canonico matrimonium perfectum praeferatur futuro, nuptiae sponsalibus. *c. 15. X. de sponsal. & matrim. c. 1. X. de sponsa duor.* Porro duo vincula iure nostro dicuntur fortius ligare quam vnum, *auth. itaque C. commun. succ.* is vero, qui matrimonium contraxit, duobus sese vinculis vxori suae adstrinxit. (1) per nuptiarum promissionem, (2) per earundem celebrationem, prout ex canonistarum philosophia in hac materia supponendum: quid enim in ecclesiis protestantium obtineat, cap. seq. indicabo. Addunt canonistae, maiorem obligationem minorem tollere, *l. 50. D. de fideius.* ac minus vinculum adueniente fortiori, rumpi; *Glossa in c. 1. X. de spons. duor.* fortius autem vinculum matrimonium quam sponsalia esse, nemo in dubium vocare posse, maxime quod iure canonico matrimonio sacramentum inesse credatur. Si autem verbis *de praesenti*, vt ita loquar, priora concepta sint sponsalia, aut licet verbis futuri temporis & tamen promissi matrimonii spe defflorata esset prior sponsa ante contractas cum posteriori puella nuptias, iure canonico solvendum est matrimonium cum posteriori sponsa, etiamsi in facie ecclesiae contractum, & benedictio sacerdotalis aut copula carnalis accesserit, compellendumque ecclesiastica districtione adulterum, relicta secunda priori adhaerere vxori, quia priora sponsalia tam per verba *de praesenti*, quam per *concubitus* in verum matrimonium transire dicuntur: prius autem matrimonium tanquam indissolubile praefertur posteriori, quod hoc iure nullum censetur. *c. 31. X. de sponsal. & matrim. c. 1. 2. 3. & ult. X. de spons. duor.* Breuiter: matrimonium indistincte praefertur nudis sponsalibus, quamuis puniatur & ad satisfactionem laeso teneatur, qui fidem datam hoc modo rupit.

(XIV.) *Sponsalia cessant* §. XVI. Sponsalia sub conditione non improbata inita, si illa impleri nequeant haud, obligant, *c. 3. X. de con-*
deficiente dis. appes. c. 5. cod. c. un. X. de sponsal. vid. Sanchez de matrim.
condicione p. 1. Disp. 13. n. 4. GUTIERREZ. de matrim. c. 2. n. 6.

Rt.

KITZEL. in *synopf. matrim. c. 8. theor. 14. sub tit. 6.* NICOLAI de *divort. c. 2. n. 158. § n. 160.* matrimonium vero consummatum minime ob defectum conditionis dissolendum, dum is, qui pendente conditione ad consummationem matrimonii procedit, conditioni tacite renunciasse censetur, *c. 6. X. de condit. appof. & ibi BARBOSA COVAR. de sponsal. Part. 1. c. 4. n. 18.* adeo ut sufficiat, si vel maxime tantum sponsalibus concubitus accesserit, qui sponsalia transire facit in matrimonium. *c. 30. X. de spons.* Neque enim matrimonium sub conditione contrahi potest, *c. 3. X. de condit. appof.* sed per concubitum a conditione apposita recessisse videtur. *c. 6. X. eod.*

non item
matrimonium
nisi,

s. XVII. Si sponsus in eadem degens provincia intra biennium nuptias non contraxerit sponsalia dissoluntur de iure civili *l. 2. C. de sponsal.* ut Imperator CONSTANTINUS & CONSTANS ad Pacationem praet. rescripserunt, *si is qui puellam suis nuptiis pactus est, intra biennium exequi nuptias, in eadem provincia degens supersed crit, eiusque spatii sine decursu, in alterius postea coniunctionem puella peruenierit, nihil fraudis ei sit, quae nuptias maturando vota sua diutius eludi non passa est.* Si autem sponsus peregrinetur extra provinciam, post triennium *l. 2. C. de repud.* & si necessariae habeat absentiae causas, v. g. graue aliquod negotium alibi expediendum, valetudinem aduersam, similesue, post quadriennium *l. 17. D. de sponsal.* ob easdem rationes, nequidem distractis repudio sponsalibus, citra infamiae notam alia potest inire sponsalia. Idem quoque iure canonico permissum est, quamuis eo tempora praecise non sint determinata, sed arbitrio iudicis relinquatur, per quod tempus sponsa sponsum expectare teneatur. Hoc multo magis obtinet, si clam & ignorante sponsa discedit potius, quam peregrinatur sponsus, quo casu liberum est sponsae, modo non a verbis ad facta sit processum, ad alia se transferre vota, *c. 5. X. de spons.* Nuptiae vero minime disrumpi possunt ob diuturnam mariti absentiam, imo licet ultra sexennium praestolata est virum, mulier, expresse tamen pro-

(XV.) sponsalia exstinguuntur ob discessum sponsi, non matrimonium.

prohibetur, ne prius ad aliud ista contuolet matrimonium, antequam certum de morte viri acceperit nuncium, *c. 19. X. de sponsal.*

(XVI) *dis-*
solvuntur
sponsalia ob
mala fortune
non ma-
rimonium.

§ XVIII. Propter *fortune malam* post contracta eueniens sponsalia, i. e. si facultatibus & foro cedat sponsus, ea dissolui possunt: foro enim cedentis nomen *infamiae facti* ut plurimum notatur, quamvis non semper *iuris*, & bonis spoliatus, quae se allaturum in matrimonium vel expresse vel tacite promisit, subsidia vitae necessaria amisit, nec praestare potest amplius alimenta vxori futurae, ad quae tamen ipsi tenetur. Imo vix a dolo excusari potest, dum defectum suarum facultatum haud ignarus, se vt virginem caperet, forsitan locupletem simulauit. Necessitas quidem aliquando foro cedendi mercatoribus obrepere solet; at raro cuiquam ita cito abuenit, quin a sagaci facile prospici possit viro. Cessio vltius fidem aufert, famamque eius apud graues aggrauat viros, vt iniquum videatur, sponsam, re integra, adigere, vt se sponte in aerumnam praesentem, quam praeuidere non potuit, coniiciat. Ceterum damnum particulare, quod totas non euertit opes, neque omnes conturbat rationes, famamque saluam esse finit, iustam non praebet repudio causam secundum quorundam opinionem, aientium, non tam stricte & indiscrete insistendum regulae, quod *promissio omnis intelligatur: rebus in eodem statu permanentibus; c. 25. X. de iurei.* sed potius pro regula ponentium, quod affectu non dotibus contrahenda matrimonia, & omni lucro maritalis concordia praeferenda sit, *l. 11. C. de diuors. l. 3. D. de don. inter vir. & vxor.* Hoc admitto, si habeat adhuc idonea subsidia, vnde futuram vxorem alere & familiam sustentare possit, imo etiam tunc, si de certis bonis adferendis haud fuerit actum. Secus enim est, si certam summam nummorum sponsus in subsidium matrimonii se collaturum promiserit, quia quasi *sub conditione* contractis sponsalibus eam praestare tenetur, & ne quidem in foro conscientiae sponsa obligata est ei nubere, *c. 3. X. de condit.*

appos.

appos. Idem etiam obtinet in sponsa facultatibus lapsa, siue dotem promiserit, siue non, quia quoad primum promissio dotis est veluti *conditio*, ut iam diximus, sub qua sponsalia celebrantur; deficiente ergo conditione, etiam citra puellae culpam, non obligant sponsalia. Quoad secundum vero, notabilissima inde nascitur mutatio, quae a principio existens sponsalia contrahi impediret, ergo superueniens ea etiam iuxta vulgares regulas dissoluit. *arg. c. 25. X. de iurei.* Matrimonium vero non dissoluitur, si post id contractum obaeratus & pauper reperiatur maritus, vel vxor aut dos promissa ab vxoris non soluitur parentibus, dum animis non opibus nititur coniugium & sine dote consistit, neque vnitatem carnis scindit paupertas & coniux omnium infortuniorum & calamitatum alterutri coniugum euenientium particeps redditur, per *l. 72. §. 7. D. Solut. matrim.* vbi dicitur: *quis enim tam humanum est, quam fortuitis casibus mulieris maritum vel uxorem fieri participem.* Hoc iure canonico eo magis dicendum, quo maius & arctius vinculum matrimonio inest, quam de iure ciuili. *c. 18. C. 32. q. 5.*

§. XIX. Similiter propter *crimina* sponsalia dissolui ^(xvii.) *sponsalia non* possunt non autem matrimonium. Ceterum loquimur ^{matrimonium per crimina tolluntur.} non de iis, quae vitae priuationem secum trahunt, dum poena mortis irrogata non modo sponsalia, sed etiam matrimonium per benedictionem sacerdotalem & copulam carnalem consummatum per se dissoluitur, non tam propter commissum *delictum*, quam ob *supplicium mortis*, quae uti omnia, ita etiam coniugium soluit. *nov. 22. c. 20.* Sed de iis nobis sermo est, quae poenam corporis afflictivam, fustigationem aut relegationem, aliamue infamiae operantur; sponsa enim sibi integrae famae sponsum despondit, ergo infami nubere non est cogenda & viceuersa, cum bonum nomen vitae comparandum, & ciuilis vita aestimandum sit, quod viro honesto magis in pretio habetur, quam ipsa, quam viuimus, vita. Porro sponsalia ex rationabilibus causis

causis dissolvi possunt, c. 10. X. de sponsal. inter quas talia crimina non immerito referri possunt. GERHARD. loc. theol. de coniug. tom. 7. n. 166. p. 249. CYPRVS de connub. iure c. 13. §. 78. Deinde sponsalia semper ita sunt interpretanda, ne laedant honestatem, aut macula innocentem contaminent, vt quoque in obligatione generali de contrahendo matrimonio subintelligitur, nisi quicquam turpe superuenerit. c. 25. X. de iureiur. conf. CORVIN. in aphor. iur. canon. lib. 2 tit. 13. §. 105. seqq. Matrimonium vero ob tale, vt descripsimus, crimen, disrumpi non potest. c. 2. X. de diuort. vbi pontifex ALEXANDER III. ait: *nos itaque taliter respondemus, quod mulier pro furso vel alio crimine viri sui ab eo separari non debet.* Huc etiam respexit ALEXANDER Imperator in l. 1. C. de repud. dum ait. *matrimonium quidem deportatione vel aquae & ignis interdictione non soluitur, vt & Imperator CONSTANTINVS in l. 24. C. de don. inter vir. & vxor. sin aqua & igni interdictum, vel deportatio illata, non tamen mors ex poena subsequuta matrimonium non dissoluitur.* Similiter IUSTINIANVS in Nov. 22. c. 13. ait: *deportatio tamen in quam migravit, & antiqua aquae & ignis interdictio, quam aqua & igni interdictionem vocans nostrae leges, non soluit matrimonium.*

XXIX Spon
salia ob su-
peruenien-
tem affinita-
tem non ma-
trimonium
soluuntur.

§. XX. Sponsalia ob superuenientem affinitatem illicitam, i. e. si quis cognouerit cognationeque sponsae suae de futuro dissoluantur, c. 2. X. de consang. & affin. c. 2. X. de eo qui cogn. consang. vxor. suae, modo concubitus fuerit naturalis & consummatus, c. 11. C. 35. q. 2. & 3. & quidem de iure decretal. ad quartum gradum, ex decreto vero concilii Trident. Sess. 24. de reform. matrim. c. 4. usque ad secundum gradum. Ratio vero, cur per hunc concubitus illicitum sponsalia de futuro dissoluantur, haec est, quia tantum sunt futurarum nuptiarum promissio; ob affinitatem autem superuenientem ista non potest adimpleri promissio, dum inter affines matrimonium consistere nequit, c. 8. X. de consang. & affi-

Et affin. adeo vt iuxta *c. 2. de eo qui cognov. consang. vx. suae* sponsus per concubitus cum matre sponsae etiam inhabilis ad aliud matrimonium reddatur, quod quoque in *c. 1. d. q.* asseritur de eo, qui priuignam, i. e. filiam vxoris suae, quae filiastra vocatur, *d. c. 1. Et c. 6. C. 35. q. 1.* cognouit, dum poena incestorum est, vt. quod superest vitae, sine vlla spe coniugii transigant in perpetuo luctu & squalore *c. 8. d. t. Et c. 8. C. 35. q. 3.* Excipitur tamen, si quis post sponsalia de futuro cognoscat sponsam, & postea etiam sponsae matrem, quia iam est matrimonium per concubitus contractum cum sponsa, *c. 10. X. de Sponsal.* quod dissolui per affinitatem illicitam superuenientem nequit. *c. fin. de eo qui cognov. consang. vxor. suae.* Nec hic excipienda est sponsa sese commiscens cum consanguineis sponsi; vtut enim omnes textus tituli *de eo qui cognov. consang. vxor. suae* de viro cognoscente vxoris consanguineam loquantur, & dispositio adducta extendi non debere ad sponsam videatur, apertum tamen est, eandem, hic prorsus adesse rationem & vtrumque frequentissimum. Imo *c. 20. C. 32. q. 7. Et c. 5. C. 35. q. 2. Et 3.* expresse etiam loquuntur de foemina. Matrimonium vero non rescinditur propter affinitatem ex fornicatione superuenientem, *c. 2. 10. Et 11. X. qui cogn. consang. vxor. suae,* imo ne quidem quoad thorum, quia alterius coniugis iniquitas alteri innocenti damnosa esse non debet. *c. 4. Et 10. eod.* Id tamen constitutum est in poenam illicitae huius coniunctionis, vt non possit reus debitum coniugale petere, quamuis vxori exigenti debitum coniugale reddere debeat, *c. 4. Et penult. de eo qui cogn. consang. vxor. suae;* neque vnquam vxore mortua aliud contrahere matrimonium possit propter iniuriam quam matrimonio intulit, *d. c. 1. quae omnes poenae tantum locum sibi vindicant in sciente, non vero ignorante. arg. c. 1. h. s.* Exemplum adducitur in *c. 6. C. 30. q. 1.* de eo qui nesciens dormiuit cum vxoris sorore, sed ignorantia haec iuramento probanda est.

(XLX) Spon-
salia dissol-
vuntur ob
stuprum vi-
olentum non
matrimoni-
um

§. XXI. Sponsalia ob *stuprum* plane *violentum*, si spon-
sus ad retinendam sponsam nullo modo persuaderi possit,
à iudice dissolvuntur. c. 25. *ibique glossa verb. oculos. X. de iurciur. c. 33. & seq. C. 27. q. 2.* GERHARD *loc. de coniug. §. 112. & DEDEKENNVS vol. 3. lib. 2. Sect. 13. n. 37.* HAVEMANN *in gamolog lib. 1. tit. 5. post. 7. §. 10.* NICOLAI *de divor-
tius Part. I. c. 2. n. 52.* Licet enim per vim stuprum passā
nihil commisit, quo vel existimationis fama l. 20. *D. de adult.*
vel corporis amittitur sanctitas, c. 4. *C. 32. q. 5.* quia vis illa
nullum consensum, nec crimen habet, imo mens impudi-
cam non casus facit, nec potest corpus corrumpi, nisi pri-
us corruptus fuit animus, & si munda a contagione animae,
caro non peccat, c. 8. *C. 23. q. 5.* neque reuera potest caro
corrumpi, nisi mens fuit ante corrupta c. 2. *C. 32. q. 5.* imo
non potest eripi a virginitatis latrone pudicitia, virtus,
quae animum pro domicilio habet, c. 6. *C. 32. q. 5.* pro-
ptereaque talis merito ab omni absolvatur poena; attamen
in corpus vitiatae aliquid commissum est, a quo sponsus
(qui sponsalia contrahens, non animi tantum sed & cor-
poris puritatem, virginitatemque respexit) abhorret, cum-
que sponso promissa praestari nequeat virginitas, nulla est
ratio, cur ei iniqua conditio factio alterius citra suam cul-
pam inferri possit. Neque de sponforis fluxa fide puella
queri potest; cum omnibus conventionibus haec insit con-
ditio: *Si res in eodem statu permaneat, quo fuit tempore con-
tractus. l. 38. D. de solut. c. 25. X. de iurciur. ill. Dn. COCCET
de claus. rebus sic stantib.* Eleganter Seneca inquit: *destitu-
ere leuitas non erit, si aliquid interuenit noui; quid miraris,
cum conditio promittentis mutata sit, mutatum esse consilium?*
eadem mihi omnia praesta, & idem sum. *Vadimonium pro-*
missimus, tamen deseritur, non in omnes datur actio, deserent-
em vis maior excusat, omnia debent esse eadem cum promitte-
tem, ut promittentis fidem teneas. Matrimonium vero
consummatum ob uxorem vi subactam minime disrumpi-
tur;

tur, quia in eo dispar est ratio & contractis nuptiis vna caro, vnus homo coniuges sunt facti, ideoque quodcunque incommodum vni infertur, alteri quoque infligitur, l. 1. §. vlt. D. de iniur. atque aequaliter ferendum est, l. 22. §. 7. D. solut. matrim. maxime de iure canonico, quo nullus casus dirimit matrimonium.

§. XXII. Ob *inimicitias capitales* forte ex odio ob diffamationem, aut morum diuersitatem exorto dissolui possunt sponsalia, praecipue si *saecuitia sponsi* accesserit, i. e. si sponsi iam verberibus exceperit, vel in eam grauioribus, quae constantem terrent mulierem, iniis saecuerit, vel intolerabili immerentem affecerit iniuria, item ob notabilem morum mutationem; veluti si ex sobrio ebriosus, vinarius, ex homine rem familiarem recte curante prodigus, aleator, aliisque vitiis deditus appareat factus sponsus, si desperata sit emendatio, & verosimile, inter eos nunquam coalituram concordiam, ac nuptias illas materiam caedibus & adulteriis daturas, vel certamina excitaturas inter vtriusque consanguineos & propinquos. c. 2. t. 17. X. de sponsal. Abbas in c. 5. qui cleric. vel vouent l. 5. C. de sponsal. Sienim Deus in V. T. propter *σκληρόκαρδιαν* iudaicam, ob odium, in ratis & consummatis matrimoniis etiam diuortia permittit, vt indicant verba Deut. 24. v. 1. 2. 3. Si acceperit homo uxorem & bubuerit eam, & non inuenerit gratiam ante oculos eius propter aliquam foeditatem, scribet libellum repudii, & dabit in manum illius, & dimittet eam de domo sua conf. Sirac. t. XXV. v. 34. quare non in N. T. sponsaliorum dissolutio seu repudium propter *graves inimicitias* superuenientes, magistratus auctoritate, interdum fieri posset? Porro si sponsalia dissoluiuntur, ne forte deterius inde contingat; c. 2. X. de sponsal. certe id in asperitate morum & saecuitia sponsi superueniente locum sibi vindicat. Quod enim saecuitiae genus sub regimine mariti non metuendum futurae vxori est? quam ipsis sponsaliorum i. e. festiuitatis ac hilaritatis diebus

vsque ad verbera dirasque minus excandescens excepit male feriatum sponsus, quod, vberius deducunt B. STRYCK de *diffens. sponsal. sect. 2* KITZELIN *Synops. matrim. c. 8. ibcor. 13. sublit. d. consil. tubing. 80. n. 13. 14. part. 2. & consil. 244. n. 11. seqq. part. 5.* KÖPPEN *dec. 1. enucl. 4.* CARPZ. in *Iurispr. consil. lib. 2. tit. 10. def. 176. & tit. 12. def. 212.* RICHTER *part. 1. dec. 226.* HAVEMANN in *gamolog. lib. 1. tit. 13. pos. 7.* Matrimonii vero vinculum ob inimicitias non dirumpitur, & si illae in *saeculiam* degenerant, tantummodo *thori & mensae separatio* conceditur vxori, instituta actione, quam ea de causa vocant *die saeculien Klage*. vid. NICOLAI de *rupud.*

(XXI. Sponsalia dissol-
vuntur ob
morbum
contagio-
sum, non
iam matri-
monium.

s, XXIII. Sponsalia dissolviuntur *superueniente morbo contagioso* & incurabili, scilicet lepra, paralyfi, scabie gallica, epilepsia, phtisi. c. *fin. X. de coniug. lepros.* ubi pontifex ad propositam quaestionem: *utrum si post sponsalia de futuro inter legitimas personas contracta, antequam a viro mulier iraducatur, alter eorum leprae morbum incurras, alius ad consummandam copulam maritalem compelli debeat?* respondet, quod ad eam accipiendam cogi non debet, cum nondum inter eos matrimonium fuerit consummatum. Etsi autem hoc in textu solummodo sermo sit de lepra, non immerito tamen hoc ad alios morbos contagiosos grauiores & insanabiles extendendum esse putamus, (1) ob identitatem rationis, cum idem periculum, quod ex lepra imminet, ut scilicet in liberos deriuetur, ex illis morbus contagiosus etiam metuentum sit. Vnde (2) morborum illorum etiam ea est turpitudine & vehementia, ut non solum alter alterius congressum, sed etiam conspectum consortiumque, amici refugiat & exhorrescat, sufficiatque, quod *notabilis mutatio* superueniat, quam si quis antea praevidere potuisset, nunquam sponsalia iniisset. c. 25. *X. de iurei.* Nec aliud dicendum esse autumo, licet talium malorum vehemens modo sit suspicio, cum scrupulosa hic non requiratur probatio, imo etiamsi sponsus a tali conualuisse dicatur peste, quia iustus semper superest metus, ne aliquod subtile venenum corpori adhuc

adhuc, infcisiis medicis, inhaereat, nociturum postea sanae prolis generationi, vel ne ita ex morbo praesertim gallico euaserit, vt integer non sit vir, cum talia vagae libidinis praemia haec lues venerea nepotibus relinquere soleat. de quo memorabile exemplum refert B. STRYCK de *dissens. sponsal. sect. 2. §. 41.* Aliud tamen dicendum, si morbi non sint contagiosi, nec incurabiles sed temporarii; tunc enim sponsae, donec conualescat sponsus, expectandum est, quantum autem expectationis & morae tempus esse debeat, pro ratione morbi & laborantis personae, hoc arbitrio, & prudentiae iudicis committitur, dum alii morbi aliis longiores & tenaciores sint. vt non solum annum vel biennium aut triennium sed vltius sponsalia trahere possint. *l. 17. D. de sponsal. COTHMANN volum. 1. resp. 10. n. 84. seqq. KITZEL in synops. matrim. c. 8. theorem. 13. BRÜCKNER in decis. matrim. STRYCK de dissens. sponsal. sect. 2.* Matrimonium vero contractum ob morbos superuenientes contagiosos & incurabiles non dissoluitur. licet id eo in casu multi existimauerint, si aegrotanti satis prospectum esset de habitatione, victu, aliisque rebus, & ipse aegrotans in diuortium consensisset. Verum in contrarium satis clari reperiuntur textus docentes, propter eos morbos diuortium fieri non posse, vt *inc. 1. & 2. X. de coniug. lepros.* adeo vt infirmus a sano debitum exigere possit coniugale. *c. 2. X. de coniug. lepros. c. 18. C. 32. q. 7.* Vnde & desertio coniugis propter calamitatem, in qua nulla est culpa, iniusta & scelerata habetur, cum vir & vxor vna sint caro, & vxor sit pars corporis mariti, *c. 8. C. 33. q. 2.* virque non habeat potestatem corporis sui sed vxor, nec vxor habeat potestatem corporis sui sed maritus.

§. XXIV. Superueniens impotentia vel inhabilitas (xxii) *lm.* coeundi sponsalia dissoluit, non vero matrimonii vinculum legitime contractum & consummatum dirimit, sed iniustum rite foedus inuiolabile conseruat *c. 23. C. 32. q. 7. c. 18. C. 32. q. 1. c. 4. X. de frigid. c. 29. C. 27. q. 2.* vbi pontifex his verbis *potentia superueniens sponsalia soluit non matrimonium.*

bis rescribit; *impossibilitas coeundi, si post carnalem copulam inuenta fuerit in aliquo, non soluit coniugium, si vero ante carnalem copulam deprehensa fuerit, liberum facit mulieri alium virum accipere.* Nec obstat, quod non minus requiratur ad conseruationem. rel quam ad eius essentiam; matrimonij vero essentia consistere nequeat, si a principio adfit perpetua coeundi impotentia, ergo nec si illo inito superueniat, conseruari poterit. Multa enim ad rei *essentiam* necessaria, quae minime ad *conseruationem* desiderantur. Et quamuis alias obligatio ad reddendum debitum semper, tanquam matrimonij consequens, illud comitatur, & ideo, hac cessante ob impotentiam superuenientem obligatione, matrimonij destruat^rur essentia; obligatio tamen reddendi debiti non semper & in perpetuum sed potissimum initio matrimonium comitari debet, vt vel inde constat, si postea uterque coniux communi continentiam voueat consensu. Neque denique aduersatur, quod ALEXANDER III. in c. 3. *X. de frigida. & malefic.* potestatem cuidam, cuius vxorante consummationem inepta reddita fuit copulae, dat alterius ineundi matrimonij. Ille enim textus loquitur de casu, quo impotentia matrimonium praecesserat, vt vel ex verbis, si *mulier illo vitium illud a natura contraxit*, constat. Excipitur tamen casus, quando maritus aut mulier interpestiue perpetuae continentiae studio ductus, arg. c. 1. C. 33. q. 5. voluntaria vel porione vel incisione venarum, ex sectione sibi infirmitatem conciliauerit; tunc enim pro malitioso desertore & viceuersa habendus est, c. 7. C. 32. q. 2. quia inimicum naturae animum capessit, detrahitque, quae debet coniungi, quod tamen ea inuita peragere prohibetur. cit. c. 1. c. 2. c. 6. C. 33. q. 5.

(XXV) spon- §. XXV. Similiter sponsalia ob *superuenientem furor*
salia diri- rem dissoluntur. l. 1. C. de sponsal. c. 26. C. 32. q. 7. c. 24. X. de
muntur ob sponsal. Vt ut enim in l. 8. D. de sponsal. & l. 16. v. 2. de rit.
furorem su- nupt. asseratur, furorem postea interuenientem sponsalia non
 infir-

infirmare, tamen omiſſis aliorum explicationibus, nobis ^{peruenien-}
 CARPZOVII *lib. 2. def. 182. in iurispr. conſiſt.* ſententia magis ^{tem non ma-}
 arridet, ſtatuentis, dictas LL. eſſe intelligendas de eo furo- ^{trimonium,}
 re, qui miſior eſt & interualla habet, vel tolerabilis, ac ſpes
 aliqua eluceat ſanitatis, vt & bene limitant HENNING AR-
 NIS, *de iur. connub. c. 6. ſect. 9. n. 6. § 7.* Ioh. GERHARD. *in loco*
de coniug. §. 167. PAUL CYPRAEVS *de ſponſal. c. 13. §. 19.* Ma-
 trimonium vero non ſoluitur ob furorem ſuperuenientem,
 ſiue ſit perpetuus ſiue non, *c. 25. & c. 26. C. 32. q. 7. c. 24. X. de*
ſponſal. Equidem non nego, olim in oriente per Non. LEO-
 NIS III. & II2. admiſſum fuiſſe diuortium ob furorem, imo
 & antiquum ius eccleſiaſticum ab hac ſententia non adeo
 abhorruiffe videtur; *c. 18. C. 32. q. 7.* nam hictantum quae-
 ſtio eſt de iure canonico & quidem *recentiori*, quo plura pa-
 trum antiquorum ſcita ſunt immutata, poſtquam dogma
 AVEGUSTINI de ſacramento matrimonii altos generaliter
 egit radices.

§. XXVI. Porro non matrimonium ſed ſponſalia (XXIV.) no-
 tantummodo diſſoluuntur ob *notabilem ſuperuenientem de-* ^{tabilis de-}
formitatem, i. e. ſi alter ſponſorum membro quodam muti- ^{formitas}
 latus, vtpote ſi claudus factus fuerit, alteramue manum vel ^{ſuperueni-}
 pedem amittat, vel naſi abſciſſionem vel labiorum trunca- ^{ens ſoluit}
 tionem, ſimiliaque paſſus fuerit mala, ob quae merito eius ^{ſponſalia}
 aſpectum fugiant ceteri. In *c. 25. X. de iure iur.* INNOCENT. III. ^{non matri-}
 pontifex apprime ita reſcribit: *quodſi poſt huiusmodi iuramen-*
tum fieret mulier non ſolum leproſa, ſed etiam paralytica vel
oculos vel naſum amiſſerit, vel quicquam ei turpius eueniret:
numquid vir teneretur eam ducere uxorem? poſtecto ductam
non poſſet diſmittere. Sed numquid non ductam admittere te-
neretur? quamuis interdum contraſtum non dirimat, quod im-
pedis contrahendum. Ex his dilucide patet, diſolutio-
 nem ſponſaliorum hiſ caſibus adeo eſſe licitam, vt
 nec eam *iuramentum*, ſuper deſponſatione praesti-
 tuiſſe, impedire valeat. Multo magis itaque hoc deſponſalibus non
 N iuratis

iuratis asserendum est. Nec desunt rationes pro hac decisione pontificia: mutuus amor ac effectus causa contrahendi matrimonii impellens est, atque mediis, quibus conservatur amor, ablatis, amor ipse deliquium patitur, ac mutuis potius odiis quam coniugali amori ista parebit via. *GUTIERREZ de matrim. cap. 32. n. 3. CARPZ. lib. 2. def. 181. STRYCK. de iur. sens. p. 118. n. 5. usque ad 11. inclus.* Imo hoc adeo verum esse puto, etiamsi alter tantummodo amittatur oculus, dum textus vis non positus est in utriusque oculi aut nasi amissione, quae tantum exempli gratia proponuntur, sed in *notabili deformitate magnaue mutatione*, quae si a principio adesset, obfaret, ne contraherentur sponsalia. Satis vero notabilis est mutatio & deformitas fieri coclytem, quod colligitur ex ratione in textu subiuncta, quae est, promissionem intelligi: *rebus in eodem statu manentibus*. Si vero aliqualis tantum deformitas superueniat ex variolis deturpata facie, tunc inter sexum distinguendum esse censemus; magna dos enim est in puellis formae & iuventutis commendatio, in masculis animi prudentia & compositi ad virtutem mores, & ideo quoad ultimum haud videtur iusta repudii causa; quoad primum vero dissolui possunt sponsalia, si forma virgini pro dote fuerit, & ad hanc potissimum respexerit sponsus. *STRYCK. de dissens. sponsal. sect. 2. BROWER de iur. connub. p. 250. & 251, §. 36. 37.* Praedicta autem haec omnia intelliguntur tantum ex parte illius, qui laesus est; eo enim volente, solvuntur sponsalia, secus nolente, quia hoc quod in favorem illius introductum in odium vel praedudicium detorqueri non debet.

(XXV) clericus in minoribus ordinibus constitutus amittit beneficium: et matrimonium.

§. XXVII. Ceterum non solum ratione *vinculi* sponsalia & matrimonium differunt, sed etiam ratione plurium effectuum, quos *c. antec.* iam excussi. Sic si clericus in minoribus contrahat matrimonium ordinibus, perdit beneficium, non autem, si sola contrahat sponsalia. *c. 1. X. de cler. coning.* *PANORMITAN. consil. 62. in contr. in 4. dub. in fin. lib. 2. Loquuntur*

quantur omnes textus, qui de hac materia disponunt, de ipso matrimonio iam contracto, quo interueniente ipso iure amittitur beneficium, GONZALEZ *ad cit. text. tit. 6.* qualis poena haud est extendenda, cum priuatio odiosis accenseatur. Accedit, quod quamdiu sola sponsalia inita sunt, clerici adhuc in *coelibatu* viuunt, qui ipsis impositus est, adeoque poenam sentire non debeant, iis impositam, qui coelibatum actu ipso deseruere, contracto demum matrimonio.

§. XXVIII. Quidam etiam, vt SANCHEZ *de sacram. matrim. lib. 4. disp. 19.* addunt hoc discrimen, quod matrimonium, vi iniusta extortum, sit ipso iure nullum, non vero sponsalia, quamuis contra haec admittatur restitutio in integrum: supponit enim, quaeuis negotia metu inita stricto iure valida esse, & vnicum contra ea superesse restitutionis in integrum beneficium: ab his tamen excipiendum fuisse matrimonium, quod indissolubile est, nullamque admittit restitutionem, adeoque potius ob metum & coactionem illicitam nullum dicendum fuit. Haec ratio vero cessat in sponsalibus, quae dissolutionem etiam de iure canonico admittunt, adeoque quoad haec in regula subsistendum videtur. Verum illud nullibi restitutionem in integrum contra sponsalia metu inita desiderat, sed potius illa prorsus esse nulla pronunciat, vt liquet ex *c. 11. X. de sponsal.* Inde non possunt operari talia sponsalia impedimentum *honestatis publicae*, quod producerent, si stricto iure valida essent; proinde hoc discrimen quoque reiecit Dn. Praefes *dissert. de matrim. coactio c. 1. v. 10.*

§. XXIX. Atque haec, quae adducta sunt discrimina, vnice fere diuersa sponsalium de futuro iura a matrimonio ostendunt: sponsalia de praesenti propius ei accedunt, ipsumque dicuntur matrimonium, & proinde vix diuersa iura ab illo habere videntur. Sed *videntur*; reuera enim adhuc habent, quod colligi potest ex iis, quae supra de conceptu horum dicta sunt sponsaliorum. Si matrimoni-

An sponsalia coacta sint nulla, uti matrimonium?

Etiam sponsalia de praesenti adhuc a matrimonio de iure canonico differunt.

um prorsus absolutum forent, incongrue sane retinerent nomen sponsaliorum; quia vero adhuc sunt sponsalia, & *secundum quid* matrimonium dicuntur; h. e. intuitu vinculi indissolubilis, superesse adhuc omnino debent differentiae. Videlicet talia sponsalia nondum matrimonium sunt quoad effectus omnes civiles, quos ius canonicum passim quoque reperit: neque etiam huiusmodi sponsa transit in domum, forum, sacra, iura & potestatem mariti, cum nondum ei tradita sit solenniter, sed adhuc ad plenum matrimonii effectum solennia consueta accedere debeant, ex quo tempore *legitima* vxor dicitur, *sponsaeque* nomen amittit, & iura mariti plene consequitur. Docet id historia desponsationis FRIDERICI III. Romanorum imperatoris cum Leonora contracta descripta a NICOLAO LAMCKMANNÖ de FALKENSTEIN apud FREHERVM tom. II. rerum germ. p. 59. edit. Sirnu. Auctor actum solennem his describit verbis: *Sic fecerunt Rex Portugalliae Dominus Alfonsus &c. & quam plures generosi ad haec vocati audierant legationem serenissimi Domini Romanorum Regis per dictos suos oratores, quae erat ad concludendum & contrahendum matrimonium per verba de praesenti cum praeclarissima virgine & domina Leonora. Atque in hac audientia vespertina, quae ibi refertur, fuerunt contracta sponsalia de praesenti; solennia matrimonii postea accessere. Altera, autem die, pergit, fuit matrimonium, de quo supra in praesentia serenissimi Regis ac Reginae Portugalliae sororum, principum, comitum, baronum, generosorum & viriusque sexus nobilium per verba de praesenti cum arenga certa: adorna thalamum &c. more solito per oris osculum & annuli immisionem eandem clarissimam Virginem infantissimam dominam Leonoram serenissimo Domino Domino Friderico Romanorum Regi per libatos suos oratores subarrando desponsata matrimonio contractum. Et iste actus solennis solenniter fuit finitus, & quasi ex eadem hora inchyssima virgo Domina Leonora iam nunc ab omnibus Romanorum Regina vocata & proclamata cum magna*

magna solennitate ad aliud palatium magnū specialiter ad hoc deputatum & ornatum ducta fuit. Vltius hoc declarat ipsa oratio in actu solennis desponsationis ab oratore imperatorio habita, quā formulæ sponsalium de præsentī adhibitæ sunt, relatæ ibidem p. 33. quæ, quia doctrinam supra in prolegom. expositam illustrant, huc addendæ sunt. Postulat orator ab ELEONORA, vt sic dicat: Ego infantula domina Eleonora recipio Fridericum regem Romanorum in meum maritum bonum & legitimum, sicut mandat sancta ecclesia Romana, in persona tui magistri Iacobi Motz, sui sufficientis procuratoris ad hunc actum. Et ergo prænominatus M. Iacob Motz, nomine præfati Friderici Regis Romanorum, tanquam procurator eius ad hunc actum legitime constitutus recipio te infantissimam Dominam Leonoram in suam legitimam uxorem, sicut mandat sacra ecclesia Romana; atque te hoc annulo subarrabò ad laudem & gloriam omnipotentis DEI & ad felicem viriusque partis statum & optimam consolationem &c. Aliud discrimen tangit INNOCENTIVS III. in c. 5. X. de bigam. non ordin. ostendens, tunc demum perfectum sacramentum, quod matrimonio inesse fingitur, adesse, si coimixtione corporum illud est consummatum, quod demum fit matrimonio vere contracto, non vero si tantum consensus in præsens matrimonium adest, qui in sponsalibus de præsentī de iure canonico cernitur. Vnde hanc notabilem differentiam deducunt, quod non possit dici bigamus, & sic inhabilis ad sacerdotium, qui cum secunda per verba de præsentī mittit sponsalia, per coimixtionem corporum haud consummata.

CAPVT III.

DE

DIVERSO IVRE SPONSALIVM ET MATRIMONII GERMANICO ET HODIERNO
PROTESTANTIVM.

§. I.

*Condemnatio eorum
quae diffu-
sunt cum
moribus no-
stris prae-
mittitur.*

AB omnibus fere duobus praecedentibus capitibus recensitis *sponsalium* & *matrimonii* differentiis mores nostri hodierni ac constitutiones ecclesiasticae in foris protestantium parum aut nihil declinant. Quod enim ad diuersum attinet finem, in c. 1. §. 4. recensitum, eum etiam moribus nostris in *sponsalibus* ac *matrimonio* occurrere diuersum, nemo vnquam in dubium vocare audebit, quemadmodum *consensus* adhuc hodie alius est *sponsalitijs*, alius *matrimonialis*, coram facie ecclesiae & sacerdote declaratus & inuicem datus ad modum a superiore praescriptum. Obstare quidem videtur, quod secundum quorundam Theologorum inter nostrates sententiam in foro interno & coram DEO statim pro coniugibus habeantur, qui per sponsalia (vt vocant) *de praesenti*, h. e. *pure* se ad contrahendum obligarunt matrimonium; licee nondum coram sacerdote consensum suum professi fuerint, quod saepe in conscientia adfit obligatio, quae in foro externo non datur, & professio consensus coram sacerdote & secuta benedictio sacerdotalis saltem de iure exigatur humano; de iure autem naturali ac diuino statim, quando consensus utrique praestatur matrimonialis, nasci videatur matrimonium. Quia vero imperans constituit, vt hi duo actus sponsalia & matrimonium ipsum distinguantur, illa praecedant, hoc sequatur, atque non prius desse censeatur matrimonialis consensus, quam professio debite

debito modo & publice facta fuerit, quilibet vero subditus in licitis magistratui obedire teneatur, & magistratus etiam subditorum actus, qui alias in se obligarent, contra prohibitionem susceptos pro nullis declarare valet, ideo consensus, quem inuicem ratione matrimonii futuri ante professionem coram sacerdote interposita subditi præstant, non est *matrimonialis*, sed saltem *sponsalicius*, id quod natura rei, & diuersa contrahentium intentio quoque suadent.

§. II. Sponsalia similiter hodie etiam *impuberes* possunt contrahere. Ad nuptias vero requiritur *pubertas*, & differunt solummodo in eo mores nostri a traditis iuribus, quod *pubertas* hodie quoad matrimonium, non tam ex illa certa annorum determinatione, ut *quatuordecim* in masculis, duodecim in foeminis (licet in materia tutelae, curae & in aliis negotiis civilibus præcise & stricte illa temporis iuris Romani determinatio sit obseruanda, nisi, ubi circa hæc aliae leges vel consuetudines obtineant, ut in Saxonia minorennitatem 21. ætatis anno absoluti constat) quam ex *prudencia regendi familiam*, maxime in masculis, qui capita familiae constituunt, æstimetur, in quo iam olim Tacitus de moribus germ. Germanos à Romanis differre testatus est, dicendo: *sera apud eos venus*, cum apud Romanos matrimonia sæpe statim post pubertatem contraherentur. Proinde iusta inde nascitur patri dissentienti causa, si hodie filius sub prætextu *pubertatis* mox matrimonium contrahere vellet, qui tamen idoneus nondum est, & instructus subsidiis necessariis, alendi uxorem & familiam, dum pater imprudentia matrimonia præcauere omnino debeat, in quo forsan hæc obseruatio vsum habere possit.

§. III. Sponsalia inter *absentes* per epistolam, inter nuntiumque hodiernis quoque moribus recte contrahi possunt, minime dubitandum, cum praxis & experientia fere quotidiana trabuntur,

Hodie quoque sponsalia inter absentes contrahuntur,

diana hoc satis abunde testetur. Nec obstat, quod negotium personarum praesentiam aliamque sollemnitatem requirens; inter absentes alias valide non agatur, praesertim cum per totam fere Germaniam in *ordinationibus ecclesiasticis* cautum sit, ne sponsalia sine praesentia ac consensu *sestium* vel *propinquorum*, vel etiam pro re nata *curatorum* rite celebrentur, ex quo fluere videtur, sponsalia quoque inter absentes non valere. Verum istiusmodi ordinationes huc minime referendae sunt, sed potius ad sponsalia tantum inter *praesentes* celebrata, in quibus demum commode *sestes* interuenire possunt, restringendae, cum sint correctoriae iuris communis, quae semper ita stricte sunt interpretendae, vt in reliquis diserte non correctis ius commune sequantur, ne plus corrigant, quam quoad dispositio ipsa patitur, vt NICOLAI *de Repud. & diuort. c. 1. n. 37. seqq.* pluribus defendit rationibus, & discrepantia hac de re praerudicia etiam in ipsa Saxonia adfert. Nuptiae vero per procuratorem *inter priuatos* contrahi non possunt. Futuri enim coniuges praesentes se ministris ecclesiae, vel in quibusdam locis magistratui sistere debent, nec hac in re internuncio, nisi summa id postulante necessitate & dispensatione interueniente superioris, desungi possunt, ne in re tam ardua aliquis dolus committi possit, tum vt omnibus sit apertum ac constare possit, sponsum sponfamque liberrime coniunctioni consentire voluntate, nec ullam adfuisse in sponsalibus coactionem, quam alias coram altari reclamando, facile profiteri posset, c. 28. *de sponsal. c. 4. X. qui matrim. accus. poss.* id quod tamen non esset ei integrum, si per *procuratorem* matrimonium contrahi posset; tum quoque vt solennes sponsiones matrimonii, quae praesentibus testibus vel ecclesia a neogamis stipulatur minister ecclesiae, altius eorum inhaereant cordibus; tum denique vt aduertant coniuges, se praesentibus multis ecclesiae membris per Deum, cuius vicem sustinet minister verbi vel magistratus, matrimonio

coppy.

copulari. Equidem inter illustres, qui superiorem non recognoscunt, saepe matrimonia à parte sponsi per procuratorem ineuntur; sed id ipsum ad *exceptionem* pertinet; nec ad *sponsam* applicari potest, quae praesens esse debet.

§. IV. Equidem iure Romano praesidi provinciae vel quacunque alia potestate praedito sponsalia contrahere cum ea, quae eius iurisdictioni erat supposita, non vero matrimonium inire permittebatur; sed hoc hodie non amplius usu obtinet, cum nemini cuiuscunque etiam fuerit potestatis, interdictum sit, uxorem suae potestati suppositam ducere, praesertim cum nostris temporibus magistratus regulariter non sint annui, sed imperia continentur. *Hodie qui in aliqua provincia magistratus gerunt, licite matrimonium contrahunt.* RITTERSHVSIUS *de differenti. iur. civ. & canon. lib. 1. c. 20. n. 2.* WISSENBACHA *in Cod. si Rector provinc. PEREZ in tit. 7. lib. 5. Cod. ut et GRÖNWEGEN d. 1.* Nec contrarium statuit BRUNNEMANN, *ad d. 1. C. n. 4.* dum textum codicis adhuc hodie obtinere contendit, si per vim consensum extorquere conetur praeses, ut patet ex verbis; *nam licet non sit punibile hodie matrimonium inter praesidem & provincialem puellam, punibilis tamen est vis & violentia terrore potestatis illata provinciali.* Ex porro; licet praesidi in sua provincia, maxime si patria eius sit, hodie liceat contrahere nuptias, ut ex aliis tradit Grönewegen, non tamen vis inferenda nec concussio. Hoc & recta dicat ratio, dum ab omni matrimonio concussio abesse neque tantum in his, qui aliqua funguntur potestate, ut ut ii facilius terrorem incutere valent; sed in aliis quibuscunque hodie obtinere debet. *Viduae hodie quoque intra annum*

§. V. Non sponsa sponsum, sed vidua per integrum annum maritum elugere debet, unde & licet sponsalia intra annum luctus contrahere posse continua doceat praxis; a nuptiis tamen abstinere secundis intra id tempus obstringuntur iure Saxonico & moribus plerorumque locorum, ubi leges & constitutiones ecclesiasticae prohibitiuae id prohibent, imo & viduis, quod peculiare ius habet hodiernum, nulla datur intra tempus luctus semestris

aliam ducendi vxorem facultas. *ordin. elect. Saxon. de ann. 1624. punct. 5. §. vlt. ibi.* daß hinführo ein Wittwer zum wenigsten ein halbes Jahr, eine Wittwe aber ein ganz Jahr ihre Trauer-Zeit halten und vor Ausgang desselben sich wieder zu verheylischen oder Hochzeit anzustellen nicht macht haben soll, nisi speciali dispensatione impetrata vid. *ordin. matrim. s. vlt. ibi.* Es geschehe denn mit unser sonderbahren dispensation und eigener gnädigsten Bewilligung. In ducatu Magdeburgico *ordin. eccl. c. 10. §. 9.* ita hac de re cauetur: und sollen die Witt-Frauen, als denen sich wieder zu verheylchen unverbotten, vor Ausgang dreyer viertel Jahren sich nicht wieder verloben, viel weniger durch priesterliche copulation verheyrathen; die Wittwer aber, so kleine Kinder haben, oder deren Haus-Wesen sonst weilsäuffig ist, mögen nach Ablauf eines halben Jahres sich verloben, und zur andern Ehe schreiten. In electoratu Palatino post nouem aut decem menses viduis. maritis post sex; in ducatu Wurtembergico post semestre spatium nuptiae demum permittuntur, nisi vidua ex defuncto grauida reperiatur. *LAVTERBACH. in colleg. pract. de rit. nupt. §. 40. 41. CARPZ. in Iurispr. eccl. lib. 2. def. 160. 161.* Ceterum huiusmodi constitutiones, quod ne quidem viduus statim ad secunda possit procedere vota, sed ad minimum per dimidium anni spatium nuptias differre debet, iuris noui sunt cum nec *Ius civile nec canonicum id exigat.* Alibi vxores pariter viros & contra maritus vxores elugere, vestemque lugubrem aliaque insignia per annum vel ultra gestare, debent, vt *PAVL. CYPRAEVS de sponsal. §. 69.* testatur. Poenae vero iuris ciuilibus, quas transgressores viduae durante anno luctus ad secundas nuptias properantes, incurrunt in plerisque locis cessant, ac in earum successit locum coercitio arbitraria. *CARPZOV. in pract. crim. part. 2. quacst. 65. n. 81.* adeo vt nec vidua intra annum luctus luxuriose viuens bona haereditatis, legati, vel donationis titulo sibi delata perdat, *Landr. artic. 5. lib. 1.* Ein Weib mag mit Unkeuschheit ihres

selbes ihre weibliche Ehre kräncken, ihr recht verliert sie damit nicht, noch ihr Erbe. Ex quibus haud difficile colligendum, viduam intra annum luctus nubentem, ne melioris conditionis sit luxuriose viuens, quam alteri nubens, bonis haereditariis haud esse priuandam. CHRISTOPH. ZOBEL in *addit. ad gloss. latin.* Landr. lib. 3. art. 45. MATH. COLER, *part. 1. decis. 67.*

§. VI. Transactio etiam hodie pro dissoluendis sponsalibus valida, modo non *privatum & extrajudicialiter*, sed *differentia ratione transactionis* iudicialiter seu coram magistratu ecclesiastico vel consistorio fiat, vt CARPZ. in *Iurispr. eccles. lib. 3. def. 39. 40.* multis consistoriorum demonstrat pronunciatis. conf. STRYCK. in *V. M. lib. 2. tit. 15. §. 21.* Imo iuramentum purgatorium hodie etiam a iudice contra ea reo iniungi potest. vid. *consist. elect. 21. part. 1.* in verb. obwohl das iuramentum purgationis fürnehmlich in peinlichen und in Ehe-Sachen kan aufgelegt werden. HENNING GÖDEN *consil. 92. n. 12.* CARPZOV. *lib. 3. iurispr. consil. def. 45.* & in *iurispr. forens. p. 1. c. 22. def. 3.* vbi multa consistoriorum pronuntiata refert. Imo neganti sponsalia iuramentum iudiciale hodie etiam a parte deferri potest: quod quidem a multis ex erroneo principio, (*quod sponsalia pura sint ipsum matrimonium*, nec contra hoc admittatur delatio iuramenti) in dubium vocatur, sed merito haud attendendum est, vt plenius euicit Dn. Praefes in *inv. eccl. proest. lib. 1. tit. 24. §. 66.* vbi responsum almae huius facultatis iuridicae in Regia Fridericiana eo etiam in casu, in quo non solum de promissione matrimonii, sed & impraegnatione simul actum fuerit, refert. conf. B. Io. SAM. STRYCK. *de delat. iuram. in matrim.* & B. SAM. STRYCK. in *V. M. lib. 12. tit. 2. §. 30.* vbi etiam responsum, quod postea a facultate iuridica Rostochiensis approbatum, adducit. Super matrimonio autem iam contracto, & consummato, de cuius vinculo non amplius dubitatur, neque transigere neque iuramentum deferri posse, hodie conclamatum est, continua & inueterata

consistoriorum fere omnium praxi attestante. HEIGIVS
lib. 2. qu. 16.

differentia
ratione ne-
glecti con-
sensus pa-
rentum.

§. VII. Sponsalia liberorum *clandestina*, neglecto pa-
rentum consensu contracta, pro nullis & inualidis hodie quo-
que apud protestantes declarantur, & liberi arbitrarie poe-
nis pecuniariis, carceris, suspensionis temporariae ab ho-
nore fideiussionis baptismalis, nuptialibus conuiuiis & cho-
reis & deprecatione parentibus facienda propter illam te-
meritatem hinc inde puniuntur. *vid. ordin. elect. Sax. eccl. f.*
de ann. 1580. tit. von Ehe: Sachen §. von Ehe: Gelöbniß, & or-
din. matrim. de ann. 1624. punct. 1. von Ehe: Gelöbniß n. Plura
eiusmodi statuta apud COTHMANNVM vol. 1. resp. 1. n. 191.
& 197. & GISEBERTV *peric. 2. stat. artic. 38. n. 13. & CARPZ.*
in iurispr. consil. lib. 2. tit. 3. def. 40. § 50. MEVIUM ad ius Lub.
lib. 1. tit. 4. artic. 2. n. 4. RENNEM. in iurispr. rom. germ. membr.
1. disp. 41. §. 43. COCCIVM Tom. 6. consil. theol. 8. deprehendun-
tur. Imo etiam si iuramento liberorum confirmata fuerint,
haud tamen subsistunt. *CARPZ. in iurispr. consil. lib. 2. tit. 3.*
def. 58. IOACH. à BEVST. in Tract. de iur. connub. pars 1. c. 48.
IOH. HARPRECHT in princ. instit. de nupt. 134. seqq. VOC. R. class.
1. disp. 9. th. 15. Si enim per id sponsalia clandestina valida &
indissolubilia fieri possent, liberi consequerentur per *indire-*
ctum, quod *directo* obtinere nequeunt, iuramentum robur
haberet in praedicium tertii, ius parentibus competens
absque eorum auferretur facto, ac iniquissima eiusmodi iniqui-
tatis vinculo parentibus per liberos inferretur conditio
contra *l. n. 74. D. de R. l. liberi denique ex suo delicto melio-*
rem suam conditionem facerent contra l. 134. §. 1. D. de R. l.
An vero per copulae interuentionem sponsalia inuito patre
facta, corroborentur? • magis in consistoriis protestantium
disputari, animaduerto. Equidem de iure stricto id ne-
gandum est, cum non sit masculis indulgendum, nec tole-
randa nequitia liberorum, qui vt parentum consensum vel
extorqueant, vel reluctantes parentes dolose circumuehiant.

carna-

carneraliter cognoscunt adamas. Publice utique interest, fraudes has amputare, eiusmodi castare desponsationes, occasionesque delinquendi omnibus modis liberis praeperere. Imo si ob defectum paterni consensus liberorum sponsalia censentur irrita, ut iisdem reuerentia ac debita obedientia nullatenus infringatur, ne inuitis agnascatur haeres, multo magis adhuc intercedente copula, quae delictum constituit, & id quod per se illicitum est, validare nequit, obtinet. Et quamuis res non amplius sit integra, & virgo per concubitum deslorata & impraegnata sit, adeoque illius intuitu à rigore hoc recedendum esse videatur, quod contendit SIRVV. *lib. 1. in iurispr. for. tit. 6. §. 4.* potior tamen habenda ratio est innocentium parentum quam impraegnatae, quae ius transgressa, quae volens decepta, quae sibi imputare debet, quod sui copiam ei fecit, cuius parentum sciuit dissensum: potior utique est habenda ratio iuris, quod patriam induxit potestatem, quam detestandae copulationis, & peruersae liberorum cupiditatis. Huic nostrae sententiae adstipulantur plures tam Theologi quam Icti. ALBERTIC. GENTIL. *lib. 4. de nupt. c. 7.* DONELL. *lib. 3. Comment. iur. Civ. c. 10. p. p. 205.* BEZA *in 1r. de repud. & diuort.* HENNING. RENNELM. *in iurispr. iustin. disp. 8. tit. 15.* HUNNIUS *disp. 2. tit. 21.* COTHMANN. *resp. 1. n. 204. seqq.* In Saxonia tamen contrarium per peculiare rescriptum serenissimi Saxoniae Electoris de an. 1648. obseruatum, adiectis tamen quibusdam exceptionibus & limitationibus, relatis testatur CARPZ. *in iurisprud. consist. lib. 2. tit. 3. def. 61.* Denique sponsalia neglecto parentum consensu inita adeo sunt nulla, ut liberi consistorium implorare non possint, ut patrem adigat ad allegandas legitimas dissentientiendi causas, cum sufficientem dissentientiendi causam parentibus solus paterni consensus contemptus praebat. vid. CARPZ. *liq. 2. iurispr. consist. def. 17.* MEVIUS *ad ius Luther. lib. 1. tit. 4. art. 2. n. 7.* TRYCK *in V. M. lib. 23. tit. vbi prolixum sitis hac de re refert responsum.* In quibusdam etiam locis sponsalia, sine consensu curatorum contracta,

pro inualidis habentur, uti de Marchia & Hamburgo refert B. STRYCK. *in V. M lib. 23. tit. 1. §. 11.* Matrimonium vero neglecto parentum consensu contractum & benedictione sacerdotali consummatum in plerisque locis non dissolvitur, si nihil aliud concurrat, quod matrimonio obstat DEDEKENN. *vol. 3. lib. 4. sect. 1. n. 2. & n. 19.* BEVST. *de matrim. c. 47.* illust. THOMASIVS *in diss. de valid. coniug. inuiis parent. contract. §. 19.* MÜLLER *de hierol. sect. 6. th. 4.* ubi casum refert, in quo, cum filius nondum 14. annorum a quadam foemina non ita integrae famae, quae se impraegnata ab ipso dixerat, seductus suasu impraegnatae & minis cognatorum, ignorantibus id parentibus, alibi extra patris domicilium per pastorem quendam copulatus fuerat, ac postquam illud factum intellexerat parens, statim illuc profectus, non solum constanter contradixerat facto, sed etiam cum impraegnata ita transegerat, ut pro certa summa pecuniae renunciasset matrimonio, imo pastorem, qui copulauerat, eo induxerat, ut ille benedictionem a se factam reuocasset; illis tamen omnibus non attentis, pronunciatum fuit, matrimonium non posse rescindi. Ita quoque responderunt Theologi Lipsenses ann. 1622. apud DEDEKENNVM *consil. theol. sect. 3. num. 41. p. m. 131.* ibi: Wolte man weiter fragen: ob ein Evangelisches consistorium, wenn es der Vater gebührlisch suchte, solche consummatum matrimonium rescindiren würde und könnte? ist hierauf zu wissen. Daß obwehl in vtramque partem speciosa argumenta zu finden, so achten wir doch dafür, in negantem partem tutius man condescendiren könne. Denn ob wohl nichts taugliches in toto casu zusehen, wann wir die actiones hominum ratione subiectorum betrachten, so ist doch außer allen Zweifel, und bey allen Evangelischen Kirchen beständiglich obseruirt worden, daß die benedictio sacerdotalis vere consummatum matrimonium mache, und demnach certissima illius confirmatio sey, auch dasjenige was vorher nicht allerdings zu probiren/ per preces

preces deprecando rezirt, und das matrimonium geheiligt werde, und sey demnach rathsamer, daß dieses Jünglings unbedachtsame Ehe unzerissen bleibe, ob es gleich mit seinem Schaden geschieht, als daß man diese heilige Action (Ein conceptum sacramentis) in matrimonio etiam inter protestantes!) ludibrio exponire, und Aergerniß bey vielen gebe, welche dannenhero verurtheilt werden von der benedictione wenig zuhalten; welche ob sie nicht wohl simpliciter ad esse jedoch ad bene esse matrimonii & eius confirmationem hoch von nöthen ist: halten auch dafür, dafern bey dieser copulation rechte Vermahnung zur Besserung vorhergegangen, und wo solche erfolgt, Gott sey ausgesöhnt worden, und den Ehestand gesegnet habe; ist auch dem verstrickten Gewissen des Jünglings sicherer zurathen und zu helfen, wann der Vater in honorem consummati matrimonii de iure remittiret; und die cohabitation zu läßt &c. Liberis interim eiusmodi proteruis triplex imminet poena, quarum prima est *exhereditatio totalis*, qua potissimum auctoritas & reuerentia parentum laesa vindicatur. Haec tamen poena (dummodo filia si de ea quaeretur, sit maior 25. annis, siquidem minor 25. annis nubens sine parentum consensu facilius exhaereditari potest. *Nov. 115. c. 3. § 11.*) de iure civili vix obtinet, nisi se turpi & indigno marito dederit *l. 3. §. 1. D. de bon. poss. contra tab.* cum in *Nov. 115. c. 3.* inter causas exhaereditationis non diserte referatur. Hodie ut plurimum haec sententia certior, dum passim constitutum, liberos tam masculos quam foeminas, sine parentum tam matris quam patris consensu nuptias contrahentes, exhaereditari posse. Pertinet huc recessus imperii de *ann. 1548. 115.* vom Sacrament der Ehe *s. vlt. vbi* ita: ob aber die Eltern in diesem Fall macht haben sollen, den Ungehorsam ihrer Kinder mit vorhaltung der Erbschaft, oder zum wenigsten mit geringerer des Heyraths-Guts, und dann andre wege zu straffen, mag hierin die ordentliche Obrigkeit so viel sich gebührt, Wasse und Ordnung geben. *In ordin. eccl. Saxon. Tit. von Ehesachen. rubr. von*

von Ehegelöbniſſen §. und da ſie hierüber, expreſſius hoc confirmatum: ſolche ungehorſame Kinder biß auf den halben Theil ihrer gebührenden legitimae und nach gelegenheit der Urſachen ihres verweigerten Conſens gänglich zu enterben. Secunda poena eſt *carcer*, quo inobedientia & malitia liberorum coercetur. Vid. *conſtit. Elect. Sax. 27. part. 4. pr.* ibi: und darüber mit zeitlicher Gefängniß geſtrafft werden. Tertio denique aliquando etiam poena *emigrationis* dictatur, ne ſcandalum per eos praebeatur. & alii ab eiusmodi crimine deterreantur. Haec dictata eſt *in ord. eccl. ſax. §.* wü: den auch ſolche Perſonen 2c. ubi: und ſollen ſonſt mit zeitlichen Gefängniß geſtrafft, auch in unſern Länden ſich weſentlich zu halten nicht geduldet werden. Eadem ſanctionis verba repetuntur *in ord. matrim. d. §.* würden auch ſolche Perſonen ibique und ſollen ſonſt. Plurima tamen adhuc ſunt loca, ubi ius civile hoc paſſu iterum in uſum reuocatum. i. e. vbi ob neglectum parentum conſenſum matrimonia etiam diſſoluntur conſummata, vti in Marchia Brandenburgica ſpeciali edicto electorali de ann. 1694. quod inſcribitur: *renouirte Conſtitution von Verlöbniß und Ehe Sachen* 3. 7. vt & in ducatu Guelpherbytano, de quibus videri poteſt *STRYCK de diſſ. ſponſal. ſect. 5. §. 42.* quod rationem habet, cum rationes ex hierologia petitaſe ſint admodum lubricae.

differentia
ratione proba-
tionis.

§. VIII. Probatio maior etiam iure hodierno requiritur ad diſſoluendum matrimonium, quam ad ſponſalia: quamvis enim non ſtrictè inhaereamus traditis canonistarum, *cap. antec. §. VI.* relatis, qui ſamam, imo etiam testimonium eius, qui propriam allegat turpitudinem aliaque paradoxiffima admittunt. pro euitando, vt putant, inceſtu, & tranquillanda conſcientia, quin potius hic regulas probationis ordinarias admittamus; gradus tamen probationis non vbiq; ideim deſideratur. cum matrimonium ad cauſas *arinas*, quae grauiorem deſiderant probationem, maxime vbi ad *diſſolutionem* agitur, referatur: ſponſalia autem tantae

tantae molis non sint, ut tam grauis probatio, & quae luce meridiana clarior est, exigatur.

§. IX. Porro sponsalia facilius solvuntur quam ma-^{Differentia} trimonium, & ita sponsalia nostra *pura* seu, ut a quibusdam ^{ratione dis-} vocantur, de *praesenti*, mutuo consensu hodie dissolui pos-^{solutionis.} sunt, quod etiam admisit INNENOCIUS III. in c. 1. de spon-
sal. ubi expresse de illis, qui fidem sibi dederunt *sine ulla*
conditione de matrimonio contrahendo, loquitur, & quamuis
nostrates asserere soleant, pontificem loqui de sponsalibus
de futuro, facile tamen regei potest, eum loqui de *puris*,
sine ulla conditione contractis, quae iure canonico de fu-
turo, a protestantibus autem de *praesenti* plerumque
vocantur. Ad minimum idem casus, qui hic vertitur, in
cit. c. occurrit. quocunque demum nomine indigitetur.
Argumenta, quibus dissentientes euincere nituntur, quod
non possint hodie inter protestantes mutuo consensu spon-
salia dissolui apud B. DN. STRYCK. in *Tr. de dissens. sponsal.*
sect. 3. §. 9. 10. 11. 12. usque ad §. 15. inclusivae, & simul refutata
§. 27. usque ad §. 35. inclusivae, ut & rationes pro hac nostra
militantes sententia *§. 16. usque ad 26.* inclusivae & *§. 37. us-*
que ad fin. videri possunt, ubi etiam *§. 36.* addit limitationem,
ut *privata auctoritate* a se inuicem mutuo consensu de-
sponsati discedere non possint, sed causa cognita a magistra-
tu ecclesiastico seu consistorio repudium impetrandum sit,
omnis scandali, quod inde subnasci potuerit, evitandi cau-
sa, adiecto simul procedendi modo. SCHILTER *exercit. 36.*
lib. 14. BROWER *de iur. conub. l. 1. r. 25. n. 56.* CYPRAVS
de iur. conub. c. 13. §. 11. n. 3. NICOLAI *de repud. & divorc.*
c. 11. n. 3. STRYCK. in *V. M. lib. 23. tit. 1. §. 23.* ubi & respon-
sum almae huius facultatis iuridicae in Regia Fridericiana
adducit.

§. X. Imo *unius* etiam *dissensu* nonnunquam spon-
salia dissolui possunt, modo non privato arbitrio, sed *au-*
thoritate consistorii, non ex mera malitia, sed ex *rationabili &*
suffici- ^{an hodie uni-} ^{us dissensu} ^{dissolvan-} ^{tur sponsa-} ^{lia?}

114 CAP. III. DE DIVERSO IVRE SPONSALE ET MATRIM.

sufficienti fiat causa; alias enim multa, carcere imo relegatione ciuili, vel missione in possessionem bonorum, interdictione noui matrimonii in quibusdam casibus pro ratione circumstantiarum ad seruandum promissum adigi potest. *c. 10. X. de sponsal.* Si vero his recensitis poenis induci nequeat, vt fidem alteri datam seruet, inuitys per ecclesiae ministrum coniungi non potest, nisi copula carnalis interuenerit, quod notabili exemplo illustrat Cl. Dn. P. R. E. S. *diff. de matrim. coact. c. 2. §. 7.* ostenditque eos, qui *absolutae compulsi*oni indulgent, decipi communi & inueterato errore: sponsalia pure contracta esse ipsum matrimonium, quo nihil falsius fingi potest. Ceterum & prudentiae regulae adhibendae sunt in *coactione* refractariae *licita*, & sane oprandum foret, vt illa, dum quidem causa leuis adfertur, infauftum tamen coniugium metuendum est, non ita promiscue adhiberetur, cum, matrimonio semel inito, poenitentiae locus amplius non sit, & saepe illi, qui propter contracta sponsalia vrgent aduersam partem ad matrimonium consummandum, voti sui compotes facti, postea suam deplorant sortem, factum infectum optantes. Saepe deficit mutuus amor coniugum, discordia sauciat mentes, totamque turbat domesticam consuetudinem, & cum voluntates distractae sunt, interdum sequuntur discessio viri, relicta vxore, adulteria, verbera, insidiae vitae, veneficia, caedes, scandala publica eademque perpetua, poenae tragicae & tristissimae calamitates, quod exemplis B. Dn. STRYCK in *tr. de diffensu spons. sect. 2. §. 4. C. 8.* declarat.

ob stuprum
ante com-
missum sed
ignoratum
hodie quo-
que solum
sur sponsa-
lio, imo

S. XI. Sicuti vero, prout *cap. ansec.* dictum, de iure canonico, ob *causas praecedentes* probabiliter ignoratas, non matrimonium sed sponsalia dissolui possunt; ita etiam hodie ob stuprum praecedens ignoratum sponsae suam obligationem amittunt, praxi consistoriorum probante, *CARPZ. lib. 2. Iurispr. consil. def. 180.* etiamsi fuerint iurata, & concubitus sitsecutus. Licet enim sponsus culpandus,

dus, quod ante nuptiarum festiuitatem ad intempestiuum ^{quandoque}
 conuolauérít coitum, & persuadendus, si fieri possit, vt ^{matrimonii}
 hanc sponsae remittat culpam, eamque sibi reconciliari
 patiatúr; attamen comperto stupro, si deceptus nolit spon-
 salia consummare, dissolui possunt. Non enim queri po-
 test puella, rem post coitum non esse integram, seque im-
 praegnatam repudiari, dum sibi imputare debet, quod
 decipere intenderit sponsum, & pro illibata & intacta se
 gesserit, quae tamen ab alio iam concepit, vel clam partum
 edidit. Sponsus quidem concubuit cum sponsa, & ita
 matrimonium impleuit, sed, vt cum virgine, consensit in
 coitum, cum intacta, vt eo ipso error purgatus dici nequeat,
 cum errans & ignorans haud consentiat. *l. 15. de iurisdic.*
 Impudicae virgines hoc modo facile viam inuenirent, qua
 lucrum ex dolo suo capere possent, alliciendo scilicet spon-
 sum ad concubitum. Et quid de ipso matrimonio iam con-
 tracto dicemus, cuius vim alias subsequens concubitus ha-
 bet? De iure canonico interpretes hac in quaestione ce-
 spitare, *cap. anec.* obseruaui; ast moribus nostris praxis
 certior est, secundum quam matrimonium ob stuprum
 praecedens etiam dissolui potest, i. e. maritus potest acce-
 dere ob stuprum ab vxore quondam commissum, ita vt
 non solum quoad thorum, sed etiam quoad vinculum sic
 dissoluatur & matrimonium nullum declaretur, vt aliam
 ducere liceat, quod & iuri diuino videtur consentaneum,
 quo lapidibus obruitur compressa ab alio, quae postea tan-
 quam virgo nupsit alteri, si vir petat diuortium. *Deut. 22.*
 Rationes ac fundamenta, quibus praxis consistoriorum suf-
 fulta, videri possunt apud *CARPZ. in Iurispr. consist. lib. 2.*
def. 187. & 193. cui subnexa sunt tribus diuersis in casibus
 responsa consistoriorum & prolixius in *praxi crim. p. 2. q.*
63. n. 54. seqq. vt & *Iurispr. for. p. 4. const. 20. def. 12.* vbi
 & responsum eadem in causa adducit. Nec robur habent
 argumenta a dissentientibus adducta, (1) quod cum sponsa

ex hac causa amissi pudoris sponsum repudiare non possit; idem in vxore iuris admittere debeat: maritus, quod in se putabat aequum *tot. tit. quod quis iuris*. Nimis enim lata quod hoc inter vtrumque adest differentia, infra ostendenda: (2) quod non minores sint labes animi. vitiati quam corporis, maritus autem si malae frugis coniugem haereticam, infidelem, atheam, perditam prodigam, aliove animi morbo, quem ignorabat, laborantem comperiat, repudiare idcirco non possit: nam vitium istud corporis hac in re longe grauius imo tacite exceptum habetur, eum qui cum ea, quae se pro virgine & intacta gerit, matrimonium contrahit, illud semper intelligatur factum sub conditione subintellecta: *scilicet virgo fueris*: (3) quod quisque debeat esse gnarus eius conditionis, cum quo contrahit; *l. 29. de R. l.* quia hoc fallit, vbi difficillime illa conditio sciri potest, nec superest facultas inquirendi a foemina, an adhuc intacta sit, id quod regulae honestatis non permittunt: (4) quod per copulam omnes conditiones coniugiorum purificentur; *c. super eo. de eo qui con. vxor.* hoc enim generaliter sumtum falsissimum est, dum alias error quoque personae & dolus, secuta copula tollentur, & tantum intelligendum de conditionibus expresse adiectis: (5) Nec mouet vulgata illa regula: quod contractus qui solo contrahuntur consensu, qualis etiam coniugium esse creditur, si serael fuerint perfecti, subsistant, nec amplius quacumque ex causa rescindi possint, dum regula illa vulgata adducta dolum excipit, quippe qui consensum excludit, nec ullam perfectionem contractus, in quo bona desideratur fides, continet. *l. 8. C. de iudic. admitt.* Denique (6) non nocet, vxorem vitiatam aequae aptam esse ad mutuum adiutorium, ad liberos procreandos, atque mulier illaesa pudicitiae; adultera enim eadem haec praestare potest, & tamen in N. T. diuortium conceditur marito, Sententia vero haec a nobis defensa cum limitationibus tamen quibusdam

busdam semper est intelligenda, scilicet vt solummodo indissolubile alias matrimonii vinculum resolui possit, si probationes luce meridiana clariores defloratam pro virgine traditam esse testentur, quod & satis probant tria adducta responsa consistoriorum a CARPZOVIO in *Iurisprud. consist. lib. 2. def. 103.* Diuersa praeterea est ratio in vxore, quae ob stuprum à marito quondam perpetratum, quod demum in vxoris notitiam contracto matrimonio peruenit, recedere nequit. CARPZ. *p. 4. constit. 20. def. 13. in Iurispr. for. Part. 4. const. 20. def. 13.* vbi & affert responsum idoneum. HILLIGER *ad Donell. lib. 13. c. 22. lit. 4.* STRAUBE *exerc. 29. ib. 25.* Nec in sacris vullum vestigium reperitur, ex hoc capite diuortium permissum fuisse vxori, nec in legibus humanis haec facultas vxori conceditur: quod enim ius diuinum iubeat lapidibus obrui ab alio compressam, quae postea tanquam virgo nupsit alteri, si vir petat diuortium, *Deut. 22.* id ad maritum extendi nequit, de quo nihil reperitur dispositum. Quamuis autem lex Mosaica iudicialis ad nos haud pertineat exemplum tamen legis istius mouet conscientias, vt loquitur IOH. SCHNEIDWIN *ad tit. 1. de nupt. p. 4. n. 62.* Denique quia flos virginittis foeminarum non virorum dos est, ideoque in virgine omnis formae, quantumuis amabilis, gratia perit, in qua vel semel tantum perit pudor; non ita in viro, cuius nulla corporis gratia commisso perit stupro, & in foemina partus suppositio, adeoque sobolis incertitudo, magnae iniuriae toti familiae nedum marito per insitiosam stirpis adulterinae illatio augent foeditatem, ob quas solum, sponsa ab alio stuprata, matrimonium dissoluendum, quae in fornicatione mariti ante initum matrimonium perpetrata plane cessant.

§. XII. Sponsalia in gradibus iure diuino aut iure ^{sponsalia} ^{in gradibus} ^{prohibitis} ^{contracta} ^{con-} ^{nec hodie} ^{provinciali} positio prohibitis contracta, etiam hodie non subsistunt, non vero matrimonium de facto contractum &

*subsistunt,
facilius ma-
trimonium.*

consummatum indistincte dissolvitur; etiam ex sententia Theologorum. vid. IOACH. a BEYST. *de spons. & matrim. c. 25. & BIDENCACH in tract. de matrim. c. 3. q. 1. §. 45.* Hos in pronunciando etiam secuti sunt scabini electoral. Lipsi. in casu, quo quis cum defunctae coniugis sororis filia nuptias celebraverat *menfe lul. ann. 1664.* & rursus, vbi quis auunculi viduam in vxorem duxerat, *menfe August. ann. 1664.* quorum responsum tenorem verbotenus CARPZOV. *in iurispr. forens. ad consil. elect. 23. p. 4. def. 11.* retulit. In eandem sententiam etiam transiit consistorium Dresdense *die 16. April. ann. 1585. & die 27. Martii 1618. & die Maii ann. 1614. & die 27. August. ann. 1630.* CARPZOV. *iurispr. consil. lib. 2. def. 100.* vbi pronunciatum consistorii Dresdensis refert. STRYCK. *in V. M. lib. 23. tit. 2. §. 4.* vbi idem responsum adfert. Licet enim Moses matrimonium interdicit in gradu prohibito, de facto tamen contractum consummatumque non dirumpit, sed solummodo poenam adiicit: *portabunt, inquit, ambo iniquitatem eorum, & sine liberis morientur. Leuit. 20.* Hoc tamen non extendendum est ad *ascendentes & descendentes* in linea recta, dum inter hasce personas coitus contra omnem pudorem & in tantum abominabilis, vt etiam irrationabilia quaedam animalia eum fugiant & averseantur, attestante Imperatore IVSTINIANO *in nou. 12. c. 1.* cuius rei multa ANDR. TIRAQUELLVS *in l. 7. connub. n. 47.* PAVL. CYPRAEVS *de iur. connub. p. 2. c. 6. §. 1. n. 3. seqq.* ex probatis auctoribus referunt exempla. IVSTINIANVS *d. nou.* eas *illicitas, contrarias naturae, incestas, nefandas & damnatas* vocat, vnumque verbum, inquit CYPRAEVS *d. §. 1. n. 2.* horrendas eiusmodi voluptates extinguit, cum id *nefarium* esse dicitur, *Deo inuisum, omnium flagitiorum flagitiosissimum*, quasi dicat, ipsius naturae vocem & sensum detestari eiusmodi coniunctionem. In rationes huius prohibitionis inquirens, hanc porro adfert, quod ratio doceat, cognationum gradus discrimen esse oportere, quae nulla esse possunt, si liberi cum parentibus com-

misc-

miscerentur. *d. l. n. 6.* Verissimam vero mandati rationem ipsemet legislator Deus addit *Leuit. 18. v. 7. & 10. quia turpitudine tua est*, ergo eiusmodi connubium dirimi debeat, praecunte PAVLO, excommunicantem Corinthium, qui nouercam suam attigerat.

§. XIII. Praeterea sponsalia hodie etiam dissoluntur ob superuenientes causas, veluti ob superuenientem diuersam religionem, ethnicam, turcicam, iudaicam & haereticam a christiana orthodoxa religione desectentem & deuiantem. Quodsi post sponsalia inter personas rite contracta sponsus vel sponsa ad aliam religionem, in imperio tamen approbatam, traiecit, grauius dubium circa dissolutionem sponsaliorum emergit, propter pacem religiosam de ann. 1555. & Osnabrugensem, ac Monasteriensem de ann. 1648. secundum quas tribus hisce in imperio receptis religionibus aequa libertas pariaque tributa sunt priuilegia. Hac de causa CARPZOV. in *iurispr. consens. lib. 2. tit. 1. def. 7. & 8.* arbitratur, talia sponsalia minime esse dirimenda. Contrarium vero probat RECHSTADT de *conditionibus sponsaliorum part. 1. c. 10. p. 155.* BRUNNEMANN. ad l. 16. C. de *episc. n. 2. & seqq.* NICOLAI de *repud. part. 1. §. 2. n. 71. seqq.* ubi etiam obiectioni ex pacificatione religiosa desumptae respondet, dicens, eam quidem locum habere, si vtraque pars diuersae iam religionis sponsalia contraxerit, non autem si talis mutatio post contracta acciderit sponsalia, quod admitto, cum notabilis mutatio, antea non praeuista, interuenerit. Matrimonium vero non dissoluitur ob diuersitatem religionis, nisi malitiosa accesserit desertio, vt in consistorio Dresdensi pronunciatum fuisse, CARPZOV. in *iurispr. consens. lib. 2. tit. 12. def. 206.* refert.

§. XIV. Ceterum quod ius canonicum de *ingressu in monasterium* tradit, eique vim dissoluendi sponsalia, non vero matrimonium, tribuit, id videtur a moribus protestantium abhorrere, cum eiusmodi monasteria virginum non habeamus, in quibus votum castitatis edatur. Quid vero si ni-

sponsalia etiam hodie dissoluntur ob mutatam religionem non matrimonium.

ob votum castitatis hodie non dissoluntur sponsalia.

si nihilominus puella *votum castitatis* priuatim edat? quid si in conuentum virginum protestantium se recipiat? an a sponso inde repeti potest? an vero sponsalia hoc modo, prout de iure canonico obtinet, impune dissoluuntur? posterius nego, prius vero affirmandum censeo. Maiorem perfectionem quaerunt pontificii in *conuersione & votis*, quae iuxta eorum sententiam minime impediri debet; imo maius vinculum in *votis* quam *sponsalibus* collocant, quod minus vinculum tollit. Hae rationes a protestantibus haud admittuntur. Nouimus, votum non valere in praedictum tertii, sed huius quoque consensum desiderari. Nullam in hoc quaerimus perfectionem, adeoque sponso ius quaesitum saluum manet, qui ad sponsalia consummanda agere potest. Quod si sponsus post contracta sponsalia ordini Teutonico se se adiunxisset, & *votum castitatis*, id quod fieri necesse est, fecisset, maior dubitandi ratio subnascitur. Viunt adhuc protestantes in hoc ordine legibus canonicis, adeoque vix est, vt sponsalia amplius subsistere possint. Quia tamen sponsa hoc modo laeditur, ad interesse ipsi superest actio, quae iure canonico deficit.

Hodie quoque priora sponsalia praeferuntur.

§. XV. Priora sponsalia nec hodie quoque soluntur per posteriora. *vid. ordin. eccl. Sax. tit. von Ehe: Sachen sub puncto von Ehe: Gelöbniß* §. wann sich jemand mehr als eins versündlich verloben würde, soll er schuldig seyn die erste Person damit er sich verbündlich verlobet, zu ehelichen, und sowohl auch die Person so sich mit derselben anderweit verlobet, wosern sie vom ersten Verlöbniß Wissenschaft gehabt, anrücklich seyn, und darüber mit Gefängniß oder sonst willkürlich gestrafft werden, quae verba etiam in *ordin. matrim. de ann. 1624 punct. 1.* §. wann sich jemand, repetuntur. Hoc etiam obrinet hodie, licet iuramentum vel copula carnalis accesserit. Nec aduersatur, (1) sponsalia per copulam consummata carnalem longe fortiora esse de iure diuino solo consensu contractis, dum per copulam duo efficiuntur in carne vna, *Gen. II. 24. Matth. 19. v. 5.*

1. Cor.

1. Cor. 7. quae potissima est ratio, ob quam individuum redditur matrimonium; c. 10. de conuers. coniug. posteriora enim sponsalia ob carnalem copulam ultra consensum intercedentem non maioris sunt firmitatis & roboris, quam priora, cum consensus non concubitus faciat nuptias, & regula, quod per concubitum sponsalia in matrimonium transeant, de *validis* intelligi debeat; in allegatis vero sacri codicis textibus supponendum, nulla priora praecessisse sponsalia. Hoc tamen intelligendum, si prior sponsa cum sponso, qui fidem rupit, in gratiam redire velit; hoc enim manifestum est, eam recte a sponsalibus resilire posse ob fidem sponsalitiâ fractam, quorsum collineat *Saxon. ordin. eccles. Tit. von Ehe-Sachen. punct. von Ehe-Gelöbniß* § würde sich aber die Person, so sich mehr denn eins verbündlich verlobet, mit der letztern Person fleischlich einlassen, so soll der ersten verlobten unschuldigen Person nichts desto weniger frey stehen, ob sie sich mit dem Verbrecher versühnen will &c. quae sanctio repetita legitur in *ordin. matrim. de ann. 1624. punct. 1. §.* würde sich aber *unct. §.* Es soll aber. Quod si posteriora sponsalia per benedictionem sacerdotalem consummata, ut plurimum ex principiis iuris canonici asserunt, priora sponsalia esse extincta per superueniens matrimonium, ob textus *iur. canon. cap. praec. allegatos*, quos *BERLICH. part. 4. concl. 28. n. 67.* adeo claros esse dicit, ut sacrilegii instar videatur, contra illos disputare, & merito secundum eos in consistoriis debeat pronunciari. Verum nimis superstitiose inhaerent dissentientes principiis iuris canonici, quod ideo posteriora sponsalia *de praesenti*, vel copula sacerdotali firmata, praefert, quia iam sacramentum matrimonii huic posteriori coniunctioni inesse fingitur, quod deficit in solis sponsalibus. At vero nostrates hoc principium repudiant, reprobant, reiiciunt. Cur ergo in conclusione subsisterent? Hierologia non facit matrimonium, sed consensus legitime interpositus, qui hic interponi a sponso nequit, ob ius priori sponsae quae-

Q

situm.

fitum. conf. STRYCK. *de dissens spons. sect. 4. §. 6. & 7.* Praeterea non agnoscimus legitimum matrimonium, nisi quod nuptialis consensus legitime & sine praeiudicio tertii interposito in facie ecclesiae firmaverit, quod trinae praecesserunt denunciations, & cui benedictio accesserit sacerdotalis. Clanculariae autem copulationes sacerdotales huc non pertinent. Ceterum si trina praecessit proclamatio, & tamen prior sponsa haud compareat, eam, contracto matrimonio cum posteriori, praecusam esse, omnino asserendum est. Praeterea quoque haud attendendum, quod ius canonicum de praesentia sponsaliorum de praesenti, etiam posteriorum, in c. 31. *X. de sponsal.* tradit. Omnia enim nostra sponsalia, quibuscunque verbis concepta de *contrahendo* accipienda coniugio, nulla de praesenti matrimonio in sensu iuris canonici. Ergo si ius canonicum sequendum id, quod de sponsalibus de futuro asserit, nostris applicandum est sponsalibus.

Sponsalia quoque hodie sub conditione fiunt, non matri. moniunt.

§. XVI. Sponsalia hodie etiam sub conditione honesta iniri possunt, veluti sub conditione bona respiciente & ea deficiente, dissoluuntur. CARPZOV. *iurispr. consil. lib. 2. de §. 20. & 22.* ubi pronunciata consistorii Dresdensis refert. STRYCK. *in V. M. lib. 23. tit. 1. §. 10.* ubi & responsum cum rationibus dubitandi & decidendi addit. Recte vero STRYCK. *cit. l. §. 21.* contra CARPZOVIVM defendit, sponsalia sub conditione turpi vel impossibili contracta, etiam hodie, vt iure Romano, plane esse inualida, quae iure canonico per t. ult. *X. de condit. appof.* pro non adiectis habentur, id quod rationem non habet, vt plenius docet Excell. Dn Lvbovici *diff. de condit. sponsal.* Sane matrimonio contracto & consummato, nulla amplius vis est conditionis, sub qua nec inter protestantes matrimonium iniri potest, maxime si esset conditio resolutiva, quae tantum admittitur in negotiis priuati arbitrii, non iis, quae indissolubilia sunt.

§. XVII. Sponsalia etiam hodie solui ab insignem bonorum iacturam, quam infamia comitatur, veluti ob cessionem fori & simpliciter bonorum, vel si dos promissa non amplius extat, minus dubii habet, cum iuris canonici rationes in sana ratione fundatae sint, quas merito sequimur. Similiter etiam inter nos sponsalia dissoluuntur ob crimina non capitalia, minime vero matrimonium, ut CARPZOV. *in iurispr. consil. lib. 2. tit. XI. def. 203.* pronunciatum in consistorio Lipsiensi & Dresdensi refert. Vltcrius sponsalia etiam inter nos dissoluuntur, si quis cognouit consanguineam sponsae, ob affinitatem contractam, nisi (1) innocens nocenti gratiam facere & (2) princeps dispensare velit, prout in casu, quo sponsus post concubitum cum sponsa sua, impraegnauerat duas sponsae sorores & dubitabatur, an dispensatione principis sponsam ducere possit? responsum esse ab ill. Facult. iurid. huius loci mihi Dn. PRAESES retulit. Ceterum si superuenerit contracto matrimonio affinitas per illicitum concubitum, distinguendum est: utrum coniux innocens petat diuortium, nec ne? priori casu omnino dissoluendum est matrimonium ob adulterium, quod cohaeret incestui, quod diuortium totale non quidem pontificii bene tamen nostrates, agnoscunt & recte decernunt. Posteriori vero matrimonium manet integrum saluumque, nec, quod pontificii de non petendo debito coniugali addunt, attendimus, scientes, durante matrimonio ius petendi hoc debitum utrique saluum esse. Porro sponsalia hodie etiam ob stuprum etiam, plane violentum, ob inimicitias capitales, morbos contagiosos & incurabiles superuenientes ut & impotentiam, furorem, deformitatem superuenientem dissoluuntur, ut pronunciatum in consistorio Dresdensi, teste CARPZOV. *in iurispr. consil. lib. 2. tit. 10. def. 185. 176. 180. 181. 182.* neutiquam vero matrimonium, teste EODEM cit. l. def. 200. & 202. & *in iurispr. for. part. 4. consil. 20. def. 11.* ubi & conueniens adducit responsum.

hodie quo-
que sponsa-
lia a matri-
monio differ-
runt quod
effectus di-
versos.

maxime
quod hodie
non sponsa-
lia sed ma-
trimonium
solvat pa-
triam pote-
statem.

§. XVIII. Quod ad diversos attinet effectus, mori-
bus nostris etiam non ex *sponsalibus* sed ex *matrimonio per-
fecto* marito acquiritur potestas in vxorem, vt de iure Ro-
mano. Ius tamen Germanicum a iure Romano nouo in eo
differt, quod hoc quidem marito tribuatur potestas in vxo-
rem, non tamen tanta, vt patriam tollat potestatem: l. 2. §. 1.
in fin. solut. matrim. l. 20. D. ad l. lul. de adult. l. 29. D. solut. matr.
l. 15. D. de collat. dos. l. 18. pr. C. de nups. illo vero ita filia in
maritalem per nuptias transeat potestatem, vt a patria liberetur,
quod ex *speculo* colligi potest Saxon. l. 1. art. 49. vbi di-
cit: und obwohl ein Mann seinem Weibe nicht eben bürgerlich, ist er
doch ihr Vormund, und sie ist seine Genosin; und tritt sie in sein
Recht, wann sie in sein Bette tritt. Et moribus non tantum
Germanorum sed & Belgarum, Hispanorum, Gallorum,
Lusitanorum id receptum esse multis Doctores probant te-
stimoniis, Io. SANDE l. 2. decis. Fris. tit. 7. def. 5. BERLICH
p. 2. concl. 11. n. 33. seqq. MEYER ad ius Lubec. lib. 1. tit. 3. n.
25. CARPZOV. p. 2. const. 10. def. 2. HERING. de fideiuss. c. 7. n. 62.
seqq. Eodem autem rigore, quo olim apud Germanos, hodie
potestas maritalis in vxores exerceri amplius non potest,
adeo vt mores Germanorum cum iure Romano nouiori
quam optime conueniant, vti colligitur ex dicto CATONIS:
*Mulierem verberare sacrilegii instar est, & maiore laude di-
gnus est, qui se bonum maritum vxori exhibet, ac in Deorum
templa i. e. vxorem & liberos manus non infert, quam si senato-
rio ordine magnus habeatur.* PLUTARCH. in vita Caton. maior.

Differentia
ab acquisiti-
one per vxor-
em facta.

§. XIX. Vtcrius sponsa suis sponso non acquirit
operis, sed potius sibi operatur, sibi laborat, sibi tantum
agit, nec ad sponsi oeconomiam instruendam tenetur. Vxor
vero marito moribus quoque nostris, imprimis iure Saxo-
nico & Lubecensi, eodem modo, vt in capite l. de iure Ro-
mano euictum, obligatur ad operas, testante B. Dn. STRICK.
in V. M. tit. de rit. nups. §. 65. si. vnde & iure Saxonicum lucra
constante matrimonio vtriusque coniugis industria quae-
sita

sita inter eosdem non communicantur, vt quidam perperam existimarunt, ex eo quod in *artic. 31. lib. 1. iuris prouinc.* coniuges dicantur bona possidere *indiuisa*, & practici asserant: *Mann und Weib haben sein gemeinet Gut* sed soli relinquuntur viro, nec vxoris haeredibus aliquid exinde cedit. Suadet id haec iuris ratio, quod maritus solus matrimonii supportet onera, vt *caput*, vt *princeps familiae*, praecipuam pro re domestica impendat operam, vxor saltem, vt sacra loquitur scriptura, sit *auxiliatrix*, mariti cura sollicitaque industria alenda, vestienda, defendenda, ergo merito etiam praerogatiua circa acquisita frui debeat. *HEIGVS p. 1. q. 30. n. 13.* seqq. Porro multa incommoda ex acquisitorum communicatione marito totique familiae imminere asserunt, quod, ea admissa, inter coniuges separatio, ex vna duplex familia, mariti ad rationes vxori aut eius haeredibus reddendas obligatio & infinita litigorum seges enascantur. Denique durissimum esse videtur, vxoris haeredes ex mariti laetari sudore, illumque a sui laboris arcere fructu. Latissime hanc sententiam propugnat *HEIGVS p. 1. q. 21. n. 7.* & quod supra *de indiuisis coniugum habeatur bonis ind. art. 31. lib. 1. Landrecht* duntaxat quoad communem possessionem, administrationem, vsum, vsum-fructum & sustentationem, non vero etiam quoad negotiationis emolumentum ac quaestum inter coniuges diuidendum intelligit. conf. *MATH. COLER. p. 1. dec. 61. n. 11.* *CARPZ. in iurispr. for. p. 3. const. 25. def. 9, 10. 11.* *P. HEIGVS p. 1. q. 29. n. 31.* Ita plerique practici Saxonicum ius intelligere solent, qui, an verum eius tangant sensum, vel inde dubium est, quod iure Germanico bonorum vera communio inter coniuges fuerit, cuius varia vestigia & rudera hinc inde in iure prouinciali conspiciuntur. Quicquid sit, constat, multis in locis saluam adhuc esse bonorum communionem, qua supposita, haec observatio euanescit. Imo sunt plura quoque statuta locorum, quae aperte ius

Romanum tollunt & acquæstum coniugalem diuidendum esse inter coniuges statuunt, de quibus Vid. L. B. de LYNCKER *diss. de acquæst. coniugali.* HEESEER *de commun. honor. p. 1. loc. 8.*

*Sponsa illi-
cite con-
cumbit cum
sponso non
maritus cum
uxore.*

§. XX. Sed pergo ad alias differentias, quæ itidem moribus nostris inter protestantes ex iure canonico & Romano supersunt. Sponsa enim non obligatur ad concubitum, uti quidem vxor, imo plerumque ordinationes nostræ ecclesiasticæ concubitum inter pure sine vlla conditione aut dilatione desponsatos ante copulam & benedictionem sacerdotalem sub poena *poenitentiae ecclesiasticæ*, mulctæ pecuniariæ, carceris ad aliquot dies, imo alia poena mitiori, quam stupri, arbitrio iudicis relinquenda, prohibent, vid. *ordin. eccl. Sax. tit. von Ehegeboten* ruhr. von Straffer Unzucht und des Ehebruchs, in præiuncto §. do aber eine ledige Manns Person. vid. CARPZOV. in *iurispr. Confist. lib. 2. def. 132.* vbi & pronunciatum consistorii Dresdensis refert CARPZ. in *iurispr. for. p. 4. confist. 27. def. 11. Exceß.* DN. BODIN. *de anticip. concub.* Ideo autem speciem poenitentiae ecclesiasticæ his, qui anticipant concubitum, imponunt, quia stupro eum æquiparant, id quod tamen satis durum dictum est.

*de obligatio-
ne uxoris
sequendi
maritum,*

§. XXI. Quæ supra ex iure civili & canonico adducta sunt de obligatione uxoris sequendi maritum, etiam relegatum, de dignitate, foro & domicilio mariti uxori communicatis, vix hodie discrepantem praxin inter protestantes habent, & sic quoque adhuc moribus in his iuribus sponsam ab uxore distinguimus. Nam 1) nec hodie sequitur sponsa forum sponsi, sed demum nuptiis contractis, LAUTERBACH *ad tit. de rit. nupt. §. 88.* proinde si sponsa sub iurisdictione oppidana degens, post contracta sponsalia cum ministro ecclesiæ, conveniatur, coram magistratu oppidano conveniri debet, adeo. ut in hoc foro lis coepta continuanda sit, etiam postquam perma-
trimo-

rimonium in forum mariti transit, ob litis pendentiam, quae citatione rite insinuata fundata est, *Clem. vn. v. lit. contest.* 2) Etiam hodie pactum sponsi cum sponsa initum valet, ne sponsus ad aliud forum post contractum matrimonium se transferat. *IDEM cit. l. §. 89.* Vxor quoque 3) tenetur maritum relegatum sequi ex rationibus & limitationibus supra adductis. *RICHTER decis. 9. CARPZ. pr. crim. qu. 130. n. 44. seqq.* LAVTERBACH *cit. l. §. 90.* Vagum verò 4) sequi non tenetur, si maritus hoc vitae genus demum contractis nuptiis elegerit: secus si ante matrimonium initum iam talis fuerit, & sponsa scienter cum eo celebraverit sponsalia. *LAVTERBACH cit. l. in fin.* Deniq; etiam hodie 5) sponsa non sequitur dignitatem sponsi, bene tamen vxor mariti, nisi 1) inter illustres matrimonium ad *morganaticam* initum fuerit, quod impedit, ne vxor inferioris dignitatis mariti radiis corruscet. *vid. LINCK de matrim. sub lege sal. contract.* 2) Inter illustres filia maioris dignitatis nubat inferiori, quo ipso non amittit dignitatem nativam, nec sequitur statum mariti. Sic filia principis, quae nubit comiti, titulum *principis* cum praedicato *serenissimae* retinet. *LAVTERBACH cit. l. §. 87. in fin.*

§. XXII. Moribus quoque nostris sponsus dotum bonorum sponsae dominium ac usumfructum regulariter non habet, secus ac maritus. Vnde etiam istantum onera tributorum subire tenetur, *FRANCISC. VIVIVS dec. 335. n. 8. HARTM. PISTOR. obs. 1. FAB. DE ANNA consil. 3. n. 30.* & vsurae dotis non solutae ab ipso demum nuptiarum die debentur, si pater sponso dotem promiserit, dum is dotem promittens ex ipso nuptiarum die moram facere intelligitur, & ideo ad vsurarum se obligat praestationem, licet non sint in stipulatum deductae; necesse enim est, ibi dotem aut saltem dotis esse fructum, ubi matrimonii sunt onera, nec prioris dotis marito debentur fructus. *CARPZ. in Iurispr. for. p. 3. c. 23. def. 4.*

vbi conueniens adducitur sententia. Si autem extraneus doti soluendae breuiorem non dixerit diem, vsurae quasi ex mora, priusquam biennium praeterierit, non debentur iure Saxon. per *const. elect. 42. def. 4.* Imo ideo maritus hodie quoque vxori, non vero sponsus sponsae alimenta praestare tenetur: *Landrecht, art. 45.* Ampliationes & limitationes videri possunt apud *COLER de alim. l. i. c. X. & P. SVRDVM de alim. tit. 7. qu. 17.*

An hodie donationes inter desponsatos factae reuocentur alterutro mortuo.

§. XXIII. Porro differentia ex donatione intuitu futuri matrimonii facta, non secutis forte nuptiis. c. i. adducta, non indistincte hodie attenditur. Differentia quippe est inter *arrhas sponsalicias*, quae dantur in ipso desponsationis actu, & *sponsaliciam largitatem*, quae postea inter desponsatos interuenire solet. Illas sibi vindicant hodie plerumque consistoria, si, lite super sponsalibus orta, tandem iudiciali sententia dissoluantur. Si morte alterutrius matrimonium sequi non potest, existimarem, etiam hodie tam *arrhas* quam *sponsaliciam largitatem* repeti posse, quippe quae ex natura sua fiunt sub conditione tacita: si matrimonium interuenerit, quibus non secutis, quod datum est, iure repetitur. Ceterum distinctionem iuris Romani ab interueniente *osculo* desumptam, mores nostri haud agnoscunt, qui tantum osculis pretium haud constituerunt; nec philosophiam, maxime in oriente olim vsitam, vnquam recipi passi sunt, dum non amplius osculo pro parte delibatam ac diminutam sponsae pudicitiam esse, neque sic consensum quodammodo declarasse coniugalem credamus, eaque propter nec nuptiae censentur consecratae aut perfectae. Nec enim ea concubitus indicia aut coniugii futuri praesagia, nec semper lasciuientis animi signa aut praenuntiae flagitii habentur, sed tanquam pacis & concordiae ligamina dari & accipi absque animo luxurioso creduntur. Legis ergo ratione cessante, cessauit quoque dispositio, & id, quod propter spem futuri matrimonii sed non secuti datum, sponsa minime lucratur, li-

cet osculo sit excepta, vt testantur plerique interpretes, GRÖNWEGEN *ad l. 16. C. de donat. ante nupt.* LAVTERBACH. *disp. de donat. propter nupt.* MENKEN *tract. D. synopt. de sponsal. p. 340.* HUBER. *praelect. ad D. de iur. dot. n. 20.* GRUVEN *Comment. ad d. l.* STRYCK *in tract. de diss. spons. sect. 1. §. 23.*

§. XXIV. Coniuges quoque hodie, cognatis omnibus deficientibus, in vniuersa bona, beneficio bonorum possessionis *unde vir & uxor*, (dum omnia statuta, quae de successione coniugum per totam fere reperiuntur Germaniam, de *particulari* tantum disponunt successione,) hodie etiam sibi succedunt, STRYCK *de success. ab intest. diss. 4. c. 1. §. 4.* KOHL. *de success. coniug. p. 1. n. 5.* nisi constitutione prouinciali aliud cautum, vt in *const. March. tit. Erbfall zwischen Ehe-Leuten* reperitur. Et ab eo non angelus pater Breund da wäre, dann nimmt das halbe Theil die Herrschafft. Sponsus vero & sponsa illo in casu hodie etiam sibi inuicem non succedunt, cum nondum dici possint *vir & uxor*, quod ius praetorium desiderat. LAVTERBACH. *in colleg. pract. P. 2. p. 1331. §. 44. & ad tit. de sponsal. §. 35.* KOHL. *de success. coniug. p. 1. n. 17.* Sponsam impregnatam itidem excludunt, ne meliori conditione habeatur, quae contra ecclesiae decreta peccat, quam quae iis parer, BERLICH *p. 3. concl. 25. n. 37.* nec iustum & legitimum matrimonium, quod in illa requiritur successione, commixtione carnali, ante copulationem ecclesiasticam siue sacerdotalem & diem nuptiis solennibus destinatum, sed ea demum accedente sit, quamuis copula carnali haud firmatum sit, & quamuis consensio thalami non accesserit, quae demum ad effectum successione statutariae necessaria, & non ad hanc *vniuersalem* extendenda. Licet enim de *iure canonico* talia sponsalia concubitu firmata pro *matrimonio* accipiantur, id tamen non in vniuersum, sed maxime intuitu

*Successionis
praetoriae
coniugum
vsus.*

vinculi accipiendum, cum adhuc desiderentur publicae solennitates, ut tale matrimonium iustum dicatur.

§. XXV. Sponsae, si dotem forsitan ante contractum numerauerit matrimonium, hodie, etiam iure Saxonico, nequaquam ius tacitae hypothecae in sponsi bonis competit, HARTM. PISTOR. *obs. 110. n. 7.* quamvis priuilegium, ut *personalibus* saltem praeretur creditoribus, ei non sit denegandum. HARTM. PISTOR. *obs. 120. n. 8.* CARPZ. in *iurisp. for. p. 2. c. 24. def. 5.* vbi & responsum affert hac de materia. Vnde & iure Saxonico a die nuptiarum, vbi nempe matrimonium per copulam seu benedictionem sacerdotalem consummatum, subsecuta licet non statim thalami consensione, incipit priuilegium *tacitae hypothecae* (quae mulieri in bonis mariti ratione dotis illatae competit) ac *ius praelationis*, ratione dotis per *constit. elect. Saxon. 24. p. 2. verb. von der vollzogenen Ehe* und also wenn der Kirch-Gang geschehen *tit. 43. verb. welsch der Weiber* CARPZ. in *iurisp. for. part. 2. const. 24. def. 1. & p. 3. const. 29. def. 10.* & in *iurisp. const. lib. 3. tit. 5. def. 57.* CHRISTOPH. ZOBEL *Part. 2. diff. 49. n. 8. seqq.* IAC. TROMING. *dec. 36.* HARTM. PISTOR. *obs. 110. n. 7.* & licet dos antea promissa, non in ipsa nuptiarum die, sed longe post contractum demum numeretur matrimonium, imo etsi mulier simpliciter ac sine dotis promissione nupserit, eaque longe post constituta fuerit, nihilominus a praedicto tempore priuilegium dotis incipit. BOER. *dec. 331. n. 3.* BERLICH. *Part. 2. concl. 30. n. 14.* CARPZOV. *p. 2. c. 24. def. 1.* vbi praecudicium habet, & *def. 2.* docet, quod in Dotalitio quoque ius *tacitae hypothecae* & *praelationis* incipiat a tempore copulationis per sacerdotem factae. Idem quoque in aliis locis obtinere, quotidianarum obseruantia testatur, & quamuis, prout *c. 1. §. 22. p. 48. seq.* obseruavi, dissentientes in puncto iuris non sent, his tamen ibidem satisfactum.

§. XXVI.

§. XXVI. Beneficium non perdere clericum con- *Clericus*
trahentem sponsalia, secus vero nuptias, *capite anteceden-* *contrahens*
te dictum est. Hoc vero discrimen inter protestantes *matrimonii*
prorsus cessat, quippe qui matrimonia clericorum opti- *uni inter*
mo iure admittunt & defendunt. Vsum tamen hoc di- *protestantes*
scrimen haberet in illis beneficiis, quae alicui sub condi- *non amittit*
tione *coelebatus* data, & in cuius susceptione promittere *beneficium.*
debit, se, electo matrimonio resignaturum esse. Tale
enim pactum etiam inter protestantes valere, pluribus e-
uicit Dn. PRAESES in iur. eccles. prot. lib. III, tit. 3. §. 26.
Hoc posito, euidens est, talem praebendam non amitte-
re beneficium per sponsalia, sed demum per *matrimo-*
nium contractum.

§. XXVII. Sponsalia a matrimonio moribus nostris *Differentia*
etiam differunt ratione *actionis*; diuersissima enim est iure *ratione actio*
Germanico actio, quae ex *sponsalibus* oritur ab ea, quae ex *onum.*
consummato matrimonio. Nam nostro iure, quia maior
pastorum moribus Germanorum quam Romanorum fides,
vti ex omni pacto honesto ac deliberato nascitur obliga-
tio & actio, ita pariter ex *pacto sponsalium* validissima, &
si non ex *sponsu*, tamen oritur actio siue *imploratio* con-
sistorii pro matrimonio consummando. quae *summaria*
processu expeditur iuxta indolem processus consistorialis
in causis ecclesiasticis, vel quae pro talibus habentur; imo
si pars retractans latitat, immisionem in bona sponsi im-
petrat sponsa; sin praesens & concubitus aut impraegna-
tio accesserit, inuitus quoque copulatione ecclesiastica
ad consummationem compellitur matrimonii; si vero &
hanc detractauerit rationem, multa, carcere, relegatione
punitur, & sponsa nihilominus tandem in bona relegati
immittitur & viceuersa. Vid. Dn. PRAES. *diff. de matrim.*
coact. c. 2. in fin. Ex nuptiis vero oritur imploratio ad
praestandum debitum coniugale, & deinde, si tanta
sit malitia, vt aufugiat penitus, vel maneat quidem, sed
tamen praefraete praesens denegat debitum coniu-

iugale, nec ministerii seueris admonitionibus, nec magistratus minis ciuilibusque poenis emendari possit, alterique coniugi nulla imputari possit culpa, ob quam denegatio debiti facta, actio & processus desertionis indeque proueniens diuortii gratia institui potest, imo diuortium etiam conceditur, etiam si foemina praetextu diuersae religionis amplexus maritales auersari incipiat. Responsa quaedam vid. apud Siryck in *tract. de diff. spons. scilicet. 6. §. 21. 22.* ubi & totum processum instruit in hac materia.

*Differentia
ratione acci-
dentium.*

§. XXVIII. Porro ratione *accidentium* sponsalia & matrimonium, uti in iure Romano, hodie quoque differunt; sponsalia enim moribus nostris etiam pure & conditionaliter contrahi possunt. Dissentiunt quidam, putantes sponsalia nostra duntaxat in diem vel *certum* vel *incertum* contrahi posse, non vero pure vel sub conditione. Non pure, dum statim pure promissum peri potest. Sponsa autem, nisi post aliquod tempus, iure diuino & moribus nostris (quibus promissarum nuptiarum festiuitas fieri nequit, nisi post aliquot septimanarum a die sponsonis moram) peti non possit; non sub *condicione*, quia promissio conditionalis suscipit obligationem ac incertum relinquit, utrum res debeat nec ne, quoniam in incerti casus euentum obligatio collata est. *l. 6. 4. D. de V. O. §. 4. l. eod.* Sponsalia vero iure diuino obligationem pariunt, ut sine adulterii crimine sponsus alteram ducere & sponsa alteri nubere non possit. Verum quod ad primum attinet, cum dicitur, sponsalia pure contrahi posse, id non intelligendum, ut quotiens id fit, statim ipsa nuptiarum celebratio, cum coniunctione corporum peti possit, sed potius ut rata sit obligatio & actio ad expedienda ea, quae praecedere nuptias solent, ut sunt denunciationes ad celebrandas nuptias ac constituto legibus tempore perficiendas, idque ex ipsa mente sponso-
rum, qui secundum leges matrimonio coire cogitant. Inest etiam sponsalibus puris ex natura rei praestatio *futura*,
dum

dum in futurum promittitur matrimonium, adeoque ex natura sua dilationem & tempus quoddam incertum habet. Sic pure facta stipulatio dici potest: *Carthagini dare spon-des?* quamvis re ipsa habeat tempus adiectum, quo promissor utatur ad pecuniam Carthagini dandam; §. 5. 1. de V. O. id enim non rei substantiam, sed solam executionem respicit, & si quis confestim agere potest, ut ea fiant, per quae peruenitur ad id, quod petitur, & sine quibus consequi nequit, is certe pure obligatum habere sponsorem dici potest. Similiter & conditio non resistit naturae sponsaliorum, quae iure diuino non prohibente dependent ex voluntate pa-ciscentium.

§. XXI. Sponsalia etiam hodie nudo consensu qui-
busdam in locis perficiuntur: in plerisque tamen ordinatio-
nes ecclesiasticae solennitatem, sed tamen plene diuersam a
solennitate matrimonii, requirunt. Nam secundum plero-
rumque locorum ordinationes consistoriales ad sponsalio-
rum validitatem *testes* requiruntur, adeo, ut neglectis illis
neutiquam ea subsistant, sed ipso iure sint nulla. MEY. ad
ius Lubec. lib. 1. CARPZ. iurispr. consist. lib. 2. def. 32. 33. in
iurispr. for. p. 4. c. 20. def. 7. In ordin. elect. Saxon. tit. von
Ehe-Sachen ruhr. von Ehe-Gelöbnissen ita sancitum reperitur.
wo auch zwey Personen, so beyderseits keine Eltern haben, sich oh-
ne jemandes Beyseyn mit einander in Ehe-Gelöbniß eingelassen, so
soll dasselbe vor ein heimlich Gelöbniß gehalten, und ob sich beyders-
seits gleich dazu bekennen, vor unbündig erkandt werden. Simi-
liter in renovata constitutione von Verlöbniß und Ehe-Sachen.
§. 11. ibi anlangend diejenigen Personen, so beyderseits keine Eltern
haben, jedoch aber sui iuris & maiorennis seyn, soll deren Verlöb-
niß, wenn selbiges ohne jemandes Beyseyn getroffen, auch vor ein
heimliches Verlöbniß gehalten, und vor unbündig erkandt werden.
In ordin. Magdeb. c. 37. von Ehe-Gelöbniß §. wann zwey Perso-
nen, welche ihrer Eltern durch den Tod beraubet worden, auch nicht
mehr unter der Vormundschaft seyn, sich ohne jemandes Bey-

*Diuerſa be-
die est ſolen-
nitas in
ſponſalibus
& nuptiis.*

seyn oder auch nur in Gegenwart eines Zeugen mit eiander in Ehe-
 Gelöbniß einzulassen sich unterfangen würden, so soll dasselbe für
 ein heimliches ungültiges Verbündniß ferner gehalten, und wann
 sie sich schon beyderseits dazu bekennen, dehnock so fern unkräftig
 seyn, daß beyde Personen solch ihr Fürhaben durch öffentlich Ver-
 löbniß vor zweyen ehrlichen Mannes Personen freywillig erweitern
 und bekräftigen. In *renouata ordin. de ann. 1693. Ducum Brun-*
swicens. wann sie keine Eltern oder Vormünder haben, sollen sie
 zum wenigsten in Gegenwart einiger ihrer nächsten Anverwandten,
 und auch dreyer oder zweyer ehrbaren Männer und Zeugen, die
 Leute aber auf dem Lande mit Zuziehung ihres Pastoris und Seels-
 forgers in einige Verlöbniß sich einlassen, da aber etwa aus erhebli-
 chen und unabwendlichen Ursachen mit der Verlobung geeilet, und
 der Anverwandten Vormünder oder des Priefters praesentia und
 Anwesenheit nicht erwartet werden mögen, so soll dennoch, sobald
 als möglich, und zum längsten innerhalb 14. Tagen denselben,
 wie auch der Obrigkeit des Orts in Gegenwart und mit Benennung
 der Zeugen davon eröffnet und Nachricht gegeben, und deren
 und der Obrigkeit Einwilligung eingehohlet werden. Vnde se-
 culo quoque hodie cauendum, ne *tractatus praecedentes*
cum ipsis sponsalibus rite celebratis confundamus. Illi quip-
 pe nondum perfectam obligationem inducunt, cum spon-
 salia rite celebranda iuxta praescriptum legum ecclesiasti-
 carum adhuc supersint, quod discrimen pluribus explicuit
 ill. Dn. THOMASII *diff. de pact. futur. sponsal.* Matrimo-
 nium vero in tota Germania ex perpetua ecclesiae tradi-
 tione & constanti moris huius in hodiernum diem obser-
 uatione & retentione non aliter legitimum, firmum, ratum
 & consummatum habetur, nisi, loco solennis apud Romanos
 in domum deductionis, accesserint solennes denunciations
 & proclamationes ex suggestu publico in ecclesia factae. vid.
 Churfürstl. Sachs. Kirchen-Ordnung *artic. gen. 13. §.* Es sollen.
 Item Ehe-Ordnung *p. 5. §.* so dann die neue. His sane, si solo
 consensu sponsalicio vel aliis quibusdam solennitatibus, ve-

rum

rum & perfectum iam contractum esset matrimonium, minime opus foret, omnique proclamatio destitueretur effectus; frustra enim auditores admonerentur, ut si quis legitimis contradicendi haberet causas ad impediendum matrimonium, illas tempestive, ante diem scilicet nuptialem, allegaret cum res adhuc integra sit, sub poena perpetui silentii, ut indicat formula proclamationis consueta. So nun jemand zu finden, der in das getroffene Ehe-Gelöbniß etwas recht beständiges einzuwenden, der melde sich bey Zeiten, oder enthalte sich darnach alles Einspruchs. Vnde contingere potest, ut tertius interueniat, nec solum impedimenta alleget, verum etiam in progressu causae, adhibitis legitimis probationibus, id praestet, ut dissolutis prioribus sponsa ipsi adiudicetur. vid. *ordin. elect. Sax. eccles. iii. von Ehe-Sachen §. von Ehe-Gelöbnißen. verb.* wann sich iemand &c. *ordin. matrim. p. 1. §. Wann sich iemand* LUTH. *von Ehe-Sachen art. 3. Tom. 3. Alienb. p. 381.* & apud DEDEKENNVM *vol. 3. l. 2. sect. 3. n. 4. Becklich. p. 4. concl. 28. n. 63. CARPZ. in iurispr. consist. lib. 2. tit. 2. def. 63. CHRISTIN. de iur. matrim. diff. 1. q. 26.* Si nullus contradictor post tria banna compareat, accedit benedictio seu copula sacerdotalis, utpote quae de iure & consuetudine omitti non potest ac debet, vel saltem ex iussu ecclesiae sub poena arbitraria. Patet quoque ex interrogatione sacerdotis ad neogamos, quando coram ecclesia aut in praesentia testium ecclesiam repraesentantium per benedictionem copulantur sacerdotalem, sponsum & sponsam hodie nondum esse coniuges, dum non, an coniuges facti sint? sed an coniuges inuicem fieri velint? ob eius das andere zum ehelichen Gemahl haben woll, nicht; ob sie einander schon zum Ehe-Gemahl genommen haben, interrogantur, qua responsione interueniente, demum solenniter & publice declaratur consensus coniugalis, matrimonium ipsum constituens.

§. XXX. Poenae *binorum sponsaliorum* & *binarum nuptiarum* hodie etiam diuersae sunt. Moribus enim nostris poenae in bina

*binis spon-
salibus &
bigamia.*

binia sponsalia contrahens tenetur ad poenam fisco exsoluendam, imo actione iniuriarum a persona, cui fides non servatur, instituenda, & ad sumptus tam in sponsalibus contrahendis nuptiarum praeparatoriis, quam in lite prosequenda factos restituendos. BEVST. *de sponsal. c. 15.* COTHMANN. *vol. 1. respons. 10. n. 253. seqq.* CARPZOV. *in Iurispr. pract. consult. lib. 2. tit. 4. def. 64. n. 6.* Iure Saxonico elect. aliisque iuribus infamia, aliisque poenis arbitrariis punitur, nempe interdum suspensione temporali a fideiussione sacra in baptismo & conviviis nuptialibus, item poena pecuniaria & carceris, imo si contra expressam magistratus prohibitionem sponsalia consummata, aut impraegnatio facta sit, innocensque fidem fractam condonare nocenti nolit, numellae vel relegatio temporalis, aut perpetua pro diuersitate ordinationum prouincialium et circumstantialium statuta est. vid. *ordin. elect. Saxon. eccles. tit. von Ehe-Sachen sub punct. von Ehe-Gelöbnissen* §. wann sich jemand mehr dann eins verbündlich verlobt zu ehlichen, und so wohl auch die Personen, so sich mit derselben anderwärts verlobet, wofern sie vom ersten Verlöbniß Wissenschaft gehabt, anrücklich seyn, und drüber mit Gefängniß oder sonst willkürlich gestrafft werden. PISTORIS *vol. 2. consil. 42. n. 27. seqq.* BERLICH *P. 4. concl. 25. n. 55. seqq.* CARPZOV. *in pract. rer. crim. p. 2. q. 67. n. 11. seqq.* RICHTER. *vol. 2. conf. 425.* CARPZ. *in pract. rer. crim. p. 2. q. 77. & in Iurispr. consil. lib. 2. tit. 4. def. 63.* Cypr. *cap. 10. §. 25. num. 12.* Sunt quidam, qui poenam bigamiae etiam ad hoc crimen binorum sponsaliorum extendendam esse putant, quia sponsa vxoris appellatione, sponsus mariti nomine saepissime ueniunt. Sed cum hoc erroneum & praeterea torius fere Germaniae consuetudine introductum, ut sponsalia non nisi post nuptias & benedictionem vel copulam sacerdotalem pro vero habeantur matrimonio, ideo nec poena bigamiae ad binorum sponsaliorum crimen extendendam esse, latissime demonstrat CARPZ.

pract.

praet. crim. p. 2. q. 97. Binas itaque nuptias contrahens ex constitutione Carolina *artic. 121.* poena adulterii, imo fere grauiori punitur. verb. So ein Ehemann ein ander Weib, oder ein Ehe-Weib einen andern Mann in Gestalt der heiligen Ehe bey leben des ersten Ehe-Gesellen nimmt, welche Ueelschat dann auch ein Ehebruch, und grösser denn dasselbige Laster ist. So wollen wir doch, welche solches Laster betrieglicher weise mit wiffen und wiffen Ursache geben und vollbringen, daß die nicht weniger denn die Ehebrüchigen peinlich gestrafft werden sollen. Moribus nostris etiam poena gladii obtinet, neque distinguitur, vt recte statuit B. DN. STRYCK. in *V. M. tit. ad L. lul. de adult. coerc.* contra WESENB. in *parat. D. d. t. n. 8.* an quis duxerit solutam siue ligatam, quia constitutio criminalis generaliter loquitur. Hoc vero admodum durum esse videtur, quod nequidem haec poena mitiganda sit ob *intercessionem* coniugis, quae tamen decernitur in casu adulterii. Qui id asserunt, vix absunt a pontificiorum doctrina, asserentium, bigamiam ideo esse grauius adulterio crimen, quod *profanatio sacramenti* in ea concurrat, id quod tamen protestantes attendere haud debent. conf. B. DN. STRYCK. in *V. M. d. 1. ad L. lul. 5. 37.* CARPZ. in *iurispr. for. p. 4. const. 20. def. 3. & 5.* Iure Saxonico per expressam non in electoratu tantum, sed & in principatibus Saxonice vsu receptam constitutionem bigamus poena gladii punitur. *const. elect. Saxon. 20. p. 4.* & ad eam DAV. MOLLER. BERLICH. *p. 4. concl. 28. n. 12. seqq.* CARPZ. in *praet. rer. crim. p. 2. q. 66. n. 34. seqq.*

§. XXXI. Poenae secundarum nuptiarum in sponsalibus non obtinentes, in Saxonia fere abrogatae vel potius secundarum tibus non receptae, vt testatur CARPZOV. *lib. 2. iurispr. const. nuptiarum. def. 162. n. 4. & in iurispr. for. p. 2. c. 43. def. 17.* in pluribus vero locis extra Saxoniam obseruari probat ESACH in CARPZ. *cit. l. n. 3.* Insuper vero plurimorum locorum, praesertim vbi communio bonorum inter coniuges obtinet,

net, imo vbi etiam haec non obtinet, vt in ducatu Magdeburgico, legibus introductum, vt parentes ex priori matrimonio habentes liberos ad secunda conuolare nequeant vota, nisi prius cum prioris matrimonii liberis non segregatis seu consortibus in nuptis siue nuptis (nisi hi forte ea sub conditione dotem aliaque acceperint bona, quod a parentibus, quamdiu sunt in viuis, nihil amplius petere debeant) imo deficientibus iam liberis primi gradus, cum nepotibus omnium bonorum tam *paternorum* quam *maternorum*, quae superstes tempore secundarum nuptiarum tenet, diuisionem aequis regulariter partibus susceperint. Hunc in finem etiam inuentarium omnium superstitis coniugis facultatum faciendum est, quod vel solenniter confici debet, aut si quaedam facta bonorum designatio a superstitute scripta vel subscripta, iuramento confirmari. *CAREZ p. 3. c. 20. def. 9. § 45. MEVVS ad ius Lubec. tit. 2. artic. 21. §. 10. §. seqq.* vbi argumenta contraria refutata videri possunt. Hac de causa quoque tamdiu denunciatio ecclesiastica & benedictio sacerdotalis interdicitur, donec legitima suscepta sit haec diuisio B. Dn. STRYCK *in diss. de collat. iur. statut. Rigenis. cum iure comm. c. 3. n. 15. §. seqq.* Hoc nouissime cautum est in ducatu Magdeburg. per rescriptum regium *de ann. 1714. 10. Iul.* Daß sie hinführo keinen Wittwer oder Wittwe, so sich anderwertes zu verheyrathen gesonnen, öffentlich von der Eangel aufbierthen, vielweniger Copuliren sollen/ che und bevor sie einen gerichtlichen Schein producirt, daß sie ihre Kinder wegen des Vaters oder Muiter Such abgefunden. Hoc quoque receptum est Lubecae, teste MEVIO *d. L. d. 1. Part. 2. §. 11. 2. artic. 2.* Luneburgi, teste HARTW. a DASELL *ad Statut. Luneb. art. 1. in Austria, ibid. §. 9. n. 14.* Thuringia, MÖBES. *Pistor. p. 4. quaest. ill. 164. in princ. Rigae, vid. statut. lib. 5. art. 3. & 4.* Hamburg, B. Dn. STRYCK *in V. M. tit. de rit. nupt. §. 34.* In patria mea statutum, quod hac de re refert MODERNIN. *Pistor. consil. 2. in pr. vol. 5. idem confirmat, vbi stat.*

stat. 7. ita cauetur. Will se ock einen Man nehmen, so mag se ock mit dem Deele des Erbes und des Guedes, de öhr thodren mag, vñ öhren Kindern einen Mann nehmen. *Clarius stat.* 22. So wor eine Bedewe were, de der Kinder hedde, und einen Mann nehmen wolbe, de en schall nicht byschlappen, se en hebbe tho vorn gedelet mit öhren Kindern, und der Kinder Vormünder tho der Kinder hand by söstig punden. Talia statuta irrationabilia esse asserit COLERYS, cuius argumenta recenset MEY. *ad ins Lubec. p. 2. tit. 2. artic. 2. n. 8. 9. 10. 11. 12. 13. refutat n. 32. seqq. & rationes pro talibus pugnantes statutis n. 15. 16. 17. seqq. adfert; quomodo autem talis instituenda sit diuisio n. 78. & 79. seqq. & effectus illius diuisionis. n. 111. & seqq. vt & exceptiones quasdam, quibus in casibus pater a necessitate diuisionis eximatur n. 182. & seqq. recenset MEYVS cii. loc.*

§. XXXII. Ceterum quod supra de *vindicta priuata* erga adulteram & inde deducta differentiâ inter ma-^{vindicta}trimonium & sponsalia adlatum est, hodie vix applicari po-^{priuata.}test, cum nec priuata vindicta. quam ius canonicum repro-
bavit, marito amplius permessa sit impune, vti de iure Ro-
mano, prout testantur GYDELIN. *de iure nouiss. l. 5. c. 18. PE-
REZ. ad C. b. l. n. 23. GRONEWEGEN. de LL. abrog. l. 4. C. ad L.
lul. de adult. coercend.* quamuis non negauerim, maritum
extraordinaria tantum poena cöercendum esse ob iustum
dolorem, quem difficile est retinere. Hoc tamen discrim-
men admitti potest, quod inter coniuges poena parricidii
quidem obtineat iuxta l. *vn. c. de his qui par. & lib. occid. art.
139. c. crim. constit. elect. Sax. 3. p. 7.* illa tamen non possit applicari
ad desponsatos, inter quos tanta haud deprehenditur
coniunctio, quod nouum discrimen inter matrimonium
& sponsalia constituit.

§. XXXIII. Inter desponsatos *donationes*, vti olim ^{De differen-} iure Romano permissae, ita & hodie moribus nostris subsi-^{tia a donati-}stunt, nec matrimonio subsecuto reuocantur. SCHNEIDEW.^{one inter}

§. 2. n. 62. *Inst. de donat.* Neque vilius est ponderis aut momenti limitatio illorum, qui afferunt, has donationes quidem subsistere inter desponsatos de futuro, minime vero inter desponsatos *de praesenti*, cum in foris protestantium sponsalia *de praesenti*, quae *vinculum inducunt coniugale*, incognita plane, imo ea, quae nobis *de praesenti* dicuntur, vera & proprie dicta, prout in iure Romano definituntur, esse sponsalia, superius iam satis ut autumo, evictum est. Denique praxis contrarium docet, qua inter desponsatos, qui *pure* sponsalia contraxerunt, tales quotidie fiunt donationes. Donationes autem inter coniuges hodie etiam aequè prohibitae sunt, ut iure Romano, licet non ex eadem ratione iis in locis, ubi communio inter coniuges deficit, quod de pleraque Germaniae parte asserendum esse CARPZOV. p. 2. *const.* 13. *def.* 14. imo in dubio secundum dispositionem iuris Romani pronuncianum esse asserit STRYCK. in *V. M. de don. int. vir.* §. 3. excepta extensione, qua per alias personas donare etiam iure Romano non licebat, quod recipi moribus nostris non potuit, postquam patria potestas per nuptias in filiabus tollitur, & filiifamilias per separatam oeconomiam e patria exente potestate. STRYCK. d. 1. §. 2. Excipiuntur quoque ex vniuersali fere totius Germaniae consuetudine donationes, tempore *natiuitatis Christi* & aliis *diebus solemnioribus*, quibus munera offerre inter coniuges consuetum est, modo in agnatorum, quibus ius perfectum quaesitum est, non fiat praeiudicium. CARPZOV. p. 2. *const.* 13. *def.* 20. HARTMANN. PISTOR. d. 9. 44. n. 12. STRYCK. in *V. M. d. 1.* §. 6. ubi & responsum celeberrimae facultatis Hallensis refert. Valent quoque huius modi donationes hodie iuramento a donante confirmatae contra ius Romanum. MYNSING. *cent.* 2. *obs.* 33. BERLICH. p. 2. *concl.* 15. n. 14. GAIL. *lib.* 2. *observ.* 40. STRYCK. in *V. M. d. 1.* §. 8. In nonnullis autem foris a iure Romano plurimis adhuc recessum casibus, ut in Borussia, ubi donationes, nullis extantibus liberis, iudicialiter inter coniuges factae.

factae, pro validis habentur. Iure Lubecensi consentientibus subsistunt liberis; iure Marchico donatio quartae nullis extantibus liberis, iudicialiter inter coniuges facta valet. Similiter iure Saxonico donatio inter maritum & uxorem valet, si mulier peculiarem ad hunc actum sibi elegerit curatorem, cuius auctoritate marito donet, accedente tamen iudiciali insinuatione. CARPZ. *p. 2. const. 13. def. 16.* BERLICH. *p. 2. concl. 15. n. 25. seqq.* Imo etiam de bonis valet immobilibus, si modo praeterea quoque insinuatio in foro rei sitae superaddatur, COLER. *p. 1. dec. 12. n. 43.* de quibus omnibus statutis videri potest STRYCK, in *V. M. d. 1. §. 3. 4. & 7.* Specialis est ratio Geradae, cuius donatio (nisi in pactis dotalibus ante nuptias facta) iure Saxonico non valet, adeo ut nequidem iuramento aut morte confirmetur, nisi sit remuneratoria, CARPZ. *p. 2. const. 13. def. 1. & 5.* BERLICH. *p. 2. concl. 15. n. 31.* STRYCK, in *V. M. tit. de donationibus §. 14.* ut & nec maritus uxori res expeditorias vulgo das Heer-Geräths donare valeat, nisi sit reciproca & aequivalens, & iudicialiter coram notario & testibus hasce res praesentes uxori tradat. CARPZ. *p. 2. const. 13. def. 13.*

§. XXXIV. Praeter recensitos effectus peculiares matrimonii prae sponsalibus mores hodierni ac iura provincialia vel statutoria singularia quoque ei prae illis tribuunt. Sic antiqui mores Germanici ad matrimonium quoad quosdam coniugii effectus singulariter ibalanti requirunt *consensionem*, das gehaltene Beslager und Heimführung, quo & adhuc collineat verus iuris Saxonici dispositio *lib. 3. tit. 45. verb.* das Weib ist auch ihres Mannes Genosin aller der Ehren und Würdigkeit, die der Mann hat zur Hand, als sie in sein Bett tritt. Idem quoque asseritur *lib. 1. artic. 45.* und obwohl ein Mann seinem Weibe eben nicht bürdig wäre, ist er doch ihr Vormund, und sie ist seine Genosin, und tritt in sein Recht, wann sie in sein Bett tritt. Similiter *lib. 1. artic. 76. verb.* hat aber die Frau einen andern Mann. Inde adhuc remanisse B. Dn. STRYCK, in *V. M. de rit. nupt. §. 31.* existimat, quod imaginaria

naria & simulata quaedam thalami consensio in illustrium matrimoniiis, quae per legatos contrahuntur, accedere soleat, ut consummato nihil deesse videatur matrimonio. Imo adhuc hodie in Saxonia thalami requiritur consensio, quod vocant die Deste beschlagen, uti liquet ex p. 3. consl. 19. ibique CARPZOV. *def. 2. segg.* BESOLD. *in thesaur. pract. lit. B.* BERLICH. p. 3. *concl. 25. n. 28. segg.* item iure Würtembergico p. 4. tit. 2. in pr. consil. *Tubing. 237. n. 37. P. I. & iure Lubecensi p. 2. tit. 2. art. 12.* ibique MEYIVS n. 271. Nescio, an fallam, si dixerim, maiores nostros in hanc transiisse sententiam ex cleri Romani doctrina, iam ab AYGUSTINI temporibus approbata, qua matrimonio inesse sacramentum dixerunt. Illud autem demum perfici docuerunt per ipsam corporum commixtionem, c. 5. de big. non ordin. & consequenter hac quoque demum matrimonium fieri ratum & perfectum.

Inde nascitur
communio
bonorum

§. XXXV. Ex matrimonio ita consummato longo usu comprobata bonorum oritur communio, quam ius Romanum non agnovit, uti recte statuit HEIGIVS p. 1. q. 30. n. 34. COVARRVV. *de matr. c. 7. §. 1. n. 5.* PECK. *de test. coniug. lib. 2. c. 1.* MEYIVS *ad ius Lubec. lib. 1. art. 5. tit. 5.* ubi etiam de eius utilitate egregie disserit n. 9. 10. 11. 12. 13. Rationes veram bonorum inter coniuges communionem iure Romano iam adfuisse fingentium recenset B. STRYCK. in *V. M. ad tit. de rit. nupt. §. 91. & §. 93.* egregie refutat, imo hanc neque ex iure canonico deducendam, demonstrant MEYIVS *ad ius Lubec. lib. 1. art. 5. tit. 5.* STRYCK. in *V. M.* refutatis contrariorum argumentis §. 94. Ceterum dictam hanc communionem bonorum receptam esse in Dania, testatur CYPRAVS *de matr. c. 8. n. 7.* Eadem in Gallia viget MOLIN. in *consuet. Paris. §. 40. in pr.* CHASSAN. in *consuet. Burgund. rubr. 4. §. 2.* ut & in Hispania COVARRVV. *de matrim. p. 2. c. 7. n. 6. 7. lib. 3. variar. resolut. 19. n. 22.* item olim in Saxonia. Sobald das Ehe-Bette beschritten. lib. 1. Landr. *artic. 31. & 45.* ZOBEL. *differ. 26 p. 2. n. 1. & 9.* in Marchia Brandenb. SCHEPLIZ. p. 3. tit. 2. §. 1.

Lu-

Lubecae, COTHMANN. *consil.* 51. n. 135. vol. 2. *conf.* 74. num. 39. *seqq.* *conf.* 24. n. 7. vol. 4. MEYVUS *ad ius Lubec.* lib. 1. tit. 5. art. 5. In patria mea sit. 5. ordel 86. So wor twee thosamende famet, an ehrschap, wat de hebben, dat is dhrer beyde nach Stades Rechte: Imo vniuersalibus fere Germaniae inualuisse moribus Icti practici obseruauerunt. GAIL. 2. obs. 90. n. 1. KIRCHHOFF. *consil.* 38. n. 3. vol. 4. Id tamen negari nequit, ius Romanum paulatim plurima in praxi immutasse, vt plurimis in foris tantum vestigia quaedam *pristinæ communionis* supersint. Quæ cum *Et magna diuersitas a sponsalibus.* ita sint, notabiles, singulares & plane diuersi effectus ex sponsalibus, benedictione sacerdotali, consensione thalami coniugalis & copula carnali in foro Saxónico & plurimis aliis prouinciis resultant. Post benedictionem enim sacerdotalem incipit priuilegium tacitæ hypothecæ ac ius praelationis mulieri competens ratione dotis illatæ, vt supra demonstrauimus. Defuncto sponso post copulam sacerdotalem ante thalami ingressum sponsa sertum vel virginittatis coronam portare, alioque virginali incedere non prohibetur habitu. MOLL. lib. 5. *semestr.* 23. n. 5. Corona enim est, vt ait CARPZOV. p. 3. *consil.* 19. def. 11. *signum virginittatis; qua non amissa cur peplo ad instar violatæ ac nuptæ caput tegere cogetur?* secus autem si post thalami decedat consensionem, licet carnalem neget commixtionem.

§. XXXVI. Matrimonio perfecto & per consensionem thalami consummato, plerisque in locis præsertim Saxonis, vxor in marito sui curam & tutelam transit per textum *Iur. Sax. lib. 1. art. 31. ibi:* wann ein Mann ein Weib nimt, so nimt er sie in sein Gewehr, und alles ihr Gut zu recht der Vormundschafft. vbi ZÖBEL. *in addit. lit. g.* hanc subiicit explicationem, *hoc fit, postquam thorum nuptiale est ingressus.* Rectius hoc videtur probari posse ex *artic. 45. lib. 3.* quo dicitur, *quod mulier lectum mariti ingrediens omne eius ius eo ipso in se deriuat, videtur enim ex tunc facta eius vxor.* Addatur *artic. 45. d. lib. 1. ibi:* und obwohl ein Mann seinem Weib nicht eben bürdig war, ist er doch ihr Vormund und sie seine Genossin, und tritt

tritt in sein Recht, wann sie in sein Bett tritt, conf. B. Dn. STRYCK. in *V. M. de fund. dot.* §. 2. RICHTER. *dec. 70. n. 37.* Licet fori Saxonici vsu praesertim in iudicialibus maritus curatorio ad sui legitimationem opus habeat, vel cautionem rati praestare teneatur, per *sext. ordin. process. iudic. tit. 8. §. 5.* Da sie aber. in verb. final. und die Ehe-Männer ohne sonderbare curatoria oder zum wenigsten cautione rati nicht zugelassen werden. Nihilominus tamen tutela mariti ipso fundata est iure actu primo, perinde ac alia legitima tutela hodie ipso competit iure, vtut a magistratu confirmanda sit. *Lib. Bar. de LYNCKER. analect. D. l. 16. tit. 3.* Imo maritus vxorem sub tutela & curatela habet, etiamsi ea statu & nobilitate maior & dignior. *d. artic. 45. lib. 1. ibi: und obwohl ein Mann seinem*
Vxor sit sui iuris, Weib nicht bürgerlich war. Vnde etiam fluit, quod vxor per ingressum in mariti thorum a patria liberetur potestate, vsque adeo, vt nec matrimonio per mortem dissoluto, filia vidua in patriam recidat potestatem, sed sui maneat iuris. *MOLLER. adconstit. 10. p. 2. v. 7. CARPZ. ibid. def. 2. L. B. de LYNCKER. analect. inst. L. 1. tit. 9. SANDE lib. 2. tit. 7. def. 5. inf.* imo etiamsi in conuictu patris maneat, vt luculenter probat *ius Sax. lib. 1. artic. 31. in verb.* sie sondere sich mit der Kost oder nicht. dum ratio, ob quam patria ex matrimonio contracto dissoluitur potestas, non in bonorum & mensae ponitur separatione, quae alias per se peculiaris emancipationis existit modus, *CARPZ. p. 2. const. 10. def. 1.* sed potius in eo, quod nupta filia in mariti transeat tutelam & curam, quae ratio non minus locum sibi vindicat, si elocata cum patre habitet filia, quam si separatim viuat, wann sie sich vom Vater mit Anstellung ihrer eigenen Haushaltung und Nahrung scheiden.

§. XXXVII. Vnde vxor, matrimonio perfecto & consummato, in praeiudicium mariti bona sua mobilia sine eius consensu alienare nequit. Iure Sueu. *c. 4. leg. alem.* Ein Weib mag ihres Guts nicht hingeben ohne des Mannes Willen, noch ein Mann ohne seines Weibes Willen, quod quoque c. 110, ad immobilia extenditur, ein Weib mag ohne ihres Mannes

*Nec vxor
absque ma-
riti consen-
su de bonis
suis dispo-
nit.*

nes Erlaub, ihres Manns Guts nicht hingeben weder eigen noch Leibgeding, noch Zins-Lehn, Zins-Gut, noch sein fahrendes Gut, das ist davon, daß er ihr Vogt ist. Iure Saxonico *lib. 1. art. 31.* ita cautum: kein Weib mag auch ihres Guts ichts vergeben, ohn ihres Mannes Willen, daß er zu recht leiden ddrffe: wann er ein Weib nimt, so nimt er in sein Gewer alles ihr Gut zu recht der Vormundschafft / & *artic. 45.* ein Weib mag auch ihres Mannes Gut nicht vergeben / noch eigen verkauffen, noch Leibgeding ufflassen, um daß er mit ihr in der Gewere sihet. *In consis. elect. 7. p. 3.* verb. dem Weibe nicht nachgelassen wird, daslenige was dem überlebenden Ehemann aus ihren Gütern zuschiet, durch ein Testament oder andern letzten Willen zu vermindern. Imo non solum per testamentum aliamue vltimam voluntatem, vt in praecedenti constitutione electorali 7. p. 3. dicitur, sed etiam per alium actum inter viuos mobilia marito auferre nequit, *COLER. part. 1. decis. 61.* ne scilicet quod vna via est prohibitum, alia censetur permillum, & quia, vivente etiamnum ea, ipsius mobilia mariti subiecta sunt dominio. *ZOBEL in addis gloss. ad text. latin. lib. 1. iur. Sax. art. 31. In cons. 15. p. 2. in fin.* wie denn auch den Wittwen und Jungfrauen, liberrima viduis & virginibus bonorum mobilium permittitur distractio, adeoque eo ipso vxoribus ea adempta censetur. *MOLLER ad consis. elect. 23. n. 11. part. 3.* Denique vxor non solum mobilia, sed etiam immobilia (licet ea defuncta non marito, sed eius cedant haeredibus. *Landr. lib. 1. art. 31.*) sine mariti consensu valide per actum inter viuos alienare nequit, tum quia alienatio absque tutoris facta consensu haud subsistit; maritus autem vxoris suae est tutor; tum quia vsusfructus a proprietario haud potest interuerti, marito vero in omnibus bonis vxoris immobilibus vsusfructus competit, *art. 31. Landr. lib. 1.* id quod ad rudera antiquae communionis referendum. Proinde in iure patrio *sic. 4. Stat. 13.* ita cautum: hefft ein Frau ein Man, und werd se seck, se mag geben drie Stücke von ihren besten Kleideren wor dat se will mit allen Dingen also, also

seſe dragen heſt, ſunder bratſen; wente man de aſſhamern mag, wer
re dat ock alſo dat öhre Öldern edder öhre Gründe öhr noch Kledere
geven ſchöſſen, de mag ſe geven lieſer wieſe, alſe ſe ſe dragen hedde,
deſe giſt möget tügen geiſtliche liden, Man und Wpf. COLER. lib. 1.
p. 2. dec. 253. 286. n. 184. RAYCH. part. 2. g. 3. n. 45. CARPZ p. 2. c. 15.

coninger
quomodoque
ad aes alie-
rum ſolven-
dum tenen-
tur,

§. XXXVIII. Ex hac communione quoque ſluit,
quod poſt thalami conſenſionem, præcedente benediſtione
ſacerdotali, alteruter coniugum pro altero teneatur aes
ſolvere alienum, quod plerumque ad aes in ſocietate con-
iugali contractum reſtringitur. MOLIN. de l. & l. 1. tom. 2. diſp.
422. n. 3. SAND. decif. Friſ. lib. 2. tit. 5. deſ. 1. in fin. LAMBERT. GO-
RIS in aduerſ. iur. tract. 1. c. 2. n. 1. In iure patrio id expreſſe
cautum. iur. ordel. 86. So wor twee thoſamende ſamet, an ehes
ſchup, wat de hebbet, dat iſt öhrer beyde nah Stades Rechte. Storve
öhrer ein, de andere ſchall ſine Schulde gelden, des he bekennt, oder
men vullen ſamen mag mit anderen Handveſtingen, edder mit tügen.
Iure Romano nec maritus pro vxore, neque vxor pro marito
obligatur, i. e. C. ne vxor pro marito, vel maritus pro vxore, vtut
propterea ſtatuta, quod vxor pro marito teneatur, improba-
ri non debeant. MYNSING. 1. olf. 129. Colleg. iur. Arg. iur. ad Scf.
Vellei. GAIL lib. 2. olf. 90. n. 1. HILLIG. lib. 15. c. vlt. lit. E.
COLER. decif. 31. Talia ſtatuta Norimbergæ, Gothæ, Co-
loniæ, teſte HILL. & COLER. d. II. Luneburgi, Hamburgi ob-
tinent vid. decif. Lynckerian. p. 1. dec. 477. p. 3. dec. 201. add.
ius prouinc. Würtemb. p. 4. tit. 4. quippe quæ diuerſum a iu-
re ciuili fundamentum habent. Hoc tamen ad ſponſalia ap-
plicari nequit, licet eis copula carnalis acceſſerit. vid. LAV-
TERB. de aere alieno in ſoc. coniug. contr. c. 2. §. 11. n. 1 ſeqq.

Inde quoque
usufructus
marito tri-
buatur.

§. XXXIX. Marito poſt conſummatum matrimo-
nium ex antiqua, quæ olim inter coniuges iure obtinuit
Germanico, communione, competit uſufructus omnium
vxoris illatorum bonorum, quod iure Saxon. clarum eſt per
text. iur. Sax. lib. 3. art. 76. lib. 1. artic. 31. verb. wann er ein
Weib nimt, ſo nimt er ſein Gewer an all ihr Gut, non tantum quæ
in lo-

in loco inueniuntur domicilii, sed omnia alia peregrinis quoque in prouinciis, vbi ius Saxonicum in viridi non est obseruantia, existentia, dum text. Landt. lib. 1. art. 31. generaliter loquitur SCHNEID. *inst. de haered. quae ab intestato deferuntur sub. rubr. de success. inst. vir. & vxor. n. 19.* Hoc rursus ad nuda sponsalia applicari nequit, quae communionem bonorum nullam inducunt, adeoque hunc effectum habere non possunt.

§. XL. Donatio morganatica, quae hodie vt. *Es donatio plurimum a viro illustri ipsis dotalibus promittitur pactis, post thalami demum datur ac peti potest consensionem. Est enim munus matutinum, quod maritus nobilis coniugi suae nouiter nuptae in catena aurea, iocalibus, aliaue re pretiosa, adiecta pecuniae summa, mane altero solenni nuptiarum die post primum dat concubitum, MYLER. ab EHRENBACH gamolog. person. illustr. c. 15. §. 6. & c. 15. §. 2. vbi ex speculo Sueuico lib. 1. art. 272. haec refert: nun mercket und vernehmenmet, was ein ieglicher Mann, der von ritterlicher Art ist, seinen Weibe zur Morgengab geben mag, ohne seiner Erben Urlaub des Morgens an ihren Bette, oder so er zu Tisch geht, oder ob den Tisch. Quod vero vidua illustris maritum ducens adolescentem, ei etiam munus morganaticum dare teneatur, prout defendit MYLER d. l. c. 16. §. 4. rationem non habet.*

§. XLI. Singularis vero & principalis differentia iuris Germanici quaerenda est in successione, quam statutariam vocant, quae coniugibus, non desponsatis, debetur. Sic iure Saxónico maritusq; cuiuscunq; etiam conditionis, vxori defunctae succedit in omnibus bonis mobilibus ab eo relictis per text. lib. 1. art. 31. *der Mann ist fähig aller fahrende Haabe, so das Weib hinter sich lässt, wann sie stirbt & art. 76. lib. 3. vers. und stirbt das Weib, der Mann behält alle fahrende Haabe. Id propter generalitatem textus lib. 1. art. 31. & lib. 3. art. 76. etiam ad ea, quae extra Saxoniā iis in locis, vbi illud ius*

successoria statuta obtinet inter coniuges non desponsatos.

non circumscribi loco, sed affixa quasi intelligi offibus & personis in loco, vbi domicilium habent. *conf. differt. statim alleganda.* Isti Consult. DN. DIDERICI MEYERI affinis mei honoratissimi §. 22. Eodem modo & dotem lucratur, quia plerumque in pecunia & rebus consistit mobilibus, nec non immobilia, si ea aestimato in dotem data. Non tamen hoc extendendum ad mulieris perpetuos annuos redditus, qui immobilium censentur iure. *GAIL, lib. 2. obseru. cap. 10. const. elect. Sax. 24. p. 3.* Neque ad vtensilia seu res ad gerendam spectantes, quae ad proximam vxoris cognatam deferuntur, vid. *Ius Sax. lib. 1. art. 31. lib. 3. art. 76. BERLICH. p. 3. concl. 29. n. 10. seqq. RICHTER. tract. ab intest. sect. 4. n. 26. seqq.* nisi quod ex illis lectus ornatus ac stratus genialis, sicuti viuentem fuerat vxore, marito adhuc debeatur. *lib. 3. art. 35. in fin.* Denique quod maritus sit haeres mobiliaris, cum hoc accipiendum est temperamento, vt si liberi ex aliis bonis maternis suam consequi nequeant legitimam, ea per maritum ex ipsis suppleatur mobilibus. *WESENB. consil. 24. n. 5. vol. 1. COLER. de process. execut. p. 1. c. 3. n. 233.* qui ita in locis, vbi ius Saxonicum in viridi obseruantia, obseruari testantur. Si vxor nulla bona relinquat mobilia, quarta pars bonorum obuenit marito *BERLICH. p. 3. concl. 29. n. 20. seqq. STRVV. iurispr. for. lib. 2. tit. 30. apb. 27. BEYST. de matr. c. 67. seqq. RICHTER. tract. ab intest. sect. 4. n. 2.* Similiter etiam vxori defuncto marito certa deferitur portio statutaria, ita tamen, vt aliter succedant viduae nobiles in Saxonia, aliter plebeiae. *BERLICH. p. 3. concl. 27. seqq.* Vidua ignobilis, existentibus pactis dotalibus, eorum vigore ad successionem admittitur ac portione in iisdem sibi assignata contenta esse debet. *const. 10. p. 3. in pr. verb. Wenn zwischen Ehe-Leute Ehestiftung beredet und aufgerichtet, daß demselben nachgelebet, und die Wittib aus ihres verstorbenen Mannes Güthern vermöge der Ehestiftung gebührlich abgefunden werden solle. CARPZ. ad dict. const. 2. p. 3. def. 1. 2. §. 3.* Existentibus statutis peculiaribus superstiti vxori portionem deferentibus

bus, regulariter vxor vel coniux conferre sua bona debet, quod quidem negat, nisi id expressis statuti dispositum ver-
bis, CARPZ. *d. l. def. 7. & 8.* sed experientia fere vniuer-
sali Germaniae refutatur. Nata quippe est haec statutaria
successio ex antiqua communione bonorum coniugali,
adeoque bona adhuc hodie ante omnia in communē con-
ferenda, si quis portionem suam inde auferre velit. Eo
casu tamen liberum relinquitur viduae, vtrum dotem ac
bona illata vna cum gerada repetere, an vero portionem
statuto locali sibi delatam eligere malit. CARPZ. *c. l. def. 12.*
Deficientibus autem pactis dotalibus & statuto locali, in e-
lectoratu Saxonico, si defunctus vnum vel plures ex primo
vel secundo matrimonio susceptos relinquat liberos, vidua
indistincte quadrantem seu quartam bonorum accipit par-
tem; *Constit. elect. Sax. 20. p. 3.* marito vero nullis liberis
relictis decedente, vidua eius trientem seu tertiam lucra-
tur partem. *d. c. 20. p. 3.* CARPZ. *ad d. C. 20. p. 3. def. 17. 18.*
19. 20. 21. 22. & 23. Nobili autem viduae plura singularia cir-
ca successionem non tantum in Saxonia, sed etiam in Mar-
chia & Holsatia alibique concessa sunt, uti patet ex verbis
constit. elect. 34. p. 3. (und die Witt-*Grau so von Ritter Art ist*)
Non vero sufficit eam esse nobilem, sed requiritur, ut ma-
ritus defunctus sit nobilis, maxime de consuetudine Saxo-
nica, hat nicht Ritters-Recht, sein Vater und Elter: Vater seyn
dann solche Leute gewesen. *Lehn. c. 2. gloss. in art. 27. lib. 1.*
Landr. quod alibi dicit *glossa* Er soll von seinen vier Ahnen
von Ritters-Leuten geböhren seyn, licet vxor a ciue alioque ple-
beio sit progenita, dum mulier ignobilis nobili nubens

cess. ab intest. colligitur verbis. Wor twee Lüden thosamen komet, Mann und Graue an echte schup. Hoc minime de sponsalibus, ad quae solus sufficit consensus legitime declaratus, sed de matrimonio per consensionem thalami durch die ehliche Beywohnung consummato, intelligendum esse, dilucide satis apparet, vnde & moribus patriae maioris declarationis gratia, pactis dotalibus haec inferitur clausula, und wann sie mit einander ins eheliche Bette gekommen, so soll der eine den andern nach Stadt-Recht beerben. Sic itaque maritus succedit vxori, & vice versa, de qua materia ex professo agit Dn. FREDERICVS MEYER affinis meus coniunctiss. diff. *de success. coning. stat. Bremensi.* Ipsa successio fundatur in *d. stat. 7. Ordel 86. tit. 5. de success. ab intest.* verbis. Wo twee Lüde thosamen kumet Mann und Graue an ochteschup, und Kinder winnet, so welscher ehr sterbe, den beerbet de andere. Ita vti vidua maneat non solum usufructum sed & administrationem omnium habeat bonorum Sterfft de Mann aller erst, und holt sick de Graue woll und ehrlicken nah dhres Mannes Dobe, de Graue schall mit dhren Kindern freylicken sitten an Erbe und in allem Guede. Hoc tamen limitatur, nisi filius maiorennis aut filia (quae maiorennitatis iure patrio 13. in masculis, 15. in feminis completis incipit annis. *stat. 17. tit. de tutel. & curatel. verb.* Dese Vormünde de Korne mit dem bornen schullen Vormunde bliesen den Junckfrauen, wente se tho syftein Jahren kommen, und den Knechten tho achtein Jahren: suam petat legitimam seu partem ex defuncti patris haereditate sibi competentem *d. stat. 7.* Heft de Graue einen Sohn, de tho sinen Jahren kamen is, und schede den sinen deel des Guedes und des Erbes, behaget idt sinem Frun, den und Wagen, he schall nehmen sinen deel, und men schall de anderen Kindern an dhren deel dhres Erbes und dhres Gues des nicht hindern offte nicht anverdigin. Heft de Graue eine Tochter, de also ferne kamen is, dat se einen Mann nehmen mag, der schall man nah ohrer Gründe rahde geben dhren Deel, apppe dat men se desto ehrlicker berahden möge. De patre bona sua

lua dissipante ita disponitur in *stat. 8. d. tit. verb.* Sterffe
 eines Borgers Wyf, de man schall Frylicken mit seinen Kindern
 sunder jenige Herschup besittem sin Erbe und sin Guht. Men
 levede de man unredelicker, dat he sin Erbe und sin Gued und
 finer Kinder unmutterlicker thobringen wolde, de Rahtmannen
 unser Stadt, und der Kinder Grunde schölen dhn mahnen, dat he
 des vortyge. Und endeit he des nicht, so schölen de Rahtmannen
 mit sinen Grunden und mit der Kinder Grunden dhne geven si
 nen Deel des Erves und des Guedes: dat ander schölen se den
 Kindern truwelicken holden. Portio vero, quae superstiti
 coniugi debetur, semper aequalis est portioni liberorum
 existentium singulorum, ita vt omnia communibus inclu-
 dantur bonis, aequalique relinquantur diuisioni per *statu-
 rum 8. verb.* De Grauwe schall nehmen liecken Deel/ in Erbe
 und an Guede, daran sy ein ander onderscheid an machet, dar
 men de bewisen moge mit handvestingen edder tügen möge mit
 schwornen. Praecipuo tamen aliquo gaudet maritus, vt patet
 ex *statuto 23. d. iij. verb.* Wor ein Vader von dem Söhne
 Deelen will, de schall thovoren hebben, alle sine eigeome, dat
 sind grapen, Ketele, Risten, Bodeme, Kùvene und alle wat thom
 brouwertouwe höret, ahne pannen, de tho hüre gahet. Vort mehr
 alle Klebern, sinnen und Wullen/ Underwand, alle Schmen-
 golden und sulvern, aller Fleesch dat tho schneeden is, und alle Gliden,
 den de hove de upgeschneden syn, und dat meel, ein voderroggen, offte
 dat dar sy, ein Voder Moltes, dat beste dat dar sy, und ein Voder Ha-
 vernes Moltes, off idt dar sy, also vele Hoppen also hiertho höret,
 vortmehr also velte soltes, also hebe höret tho deser Kost, twölff Voder
 Holtes, off idt dar sy, ein Ammer Bottern off idt dar sy / und

Ehe und im Tode, dar schall se dhre Kinder affhandeln also
 also dhre Ehe wieset. *Cons. diss. praelaudata Dn. affinis §.*
 27. Excipiuntur quoque ab ista diuisione aequali para-
 phernalia ac alia bona, quae post vnus mortem ex aliis suc-
 cessionibus delata, adeo vt in eam solummodo veniant
 bona, quae marito & vxori communia fuerunt, eoque re-
 cte *haereditaria* appellari possunt, vt & ea, quae vidua suo
 ac liberorum periculo tempore mariti mortis acquisiuit,
 quod *statuti 7.* verba satis ostendunt, dum distinguitur in-
 ter Erbe und Gued. Will se och einen Mann nehmen, so mag
 se och mit dem Deel des Erbes und des Guedes, de dhre thobören
 mag von dhren Kindern einen Mann nehmen. Sed in hoc casu
 tam a *mariti*, quam ab *vxoris* parte vt successio vel ex sta-
 tuto vel ex pactis dotalibus locum habeat, nec sponsalia,
 nec benedictio sufficit sacerdotalis, sed *thalami* requiri-
 tur *consensio*, quam & communio bonorum coniugaliter de-
 siderat, secundum ius Saxonicum nach beschreibung des Brauts
 Bettes Landr. *lib. 1. art. 45. lib. 3. art. 45. cons. elect. Sax. p. 3.*
c. 19. ibique CARPZ. def. 1. 2. 3. & in iurispr. consist. lib. 3. tit.
5. def. 57. n. 16. & lib. 5. tit. 10. resp. 108. n. 11. & 16. L. B. De
LYNCKER in analect. D. L. 23. tit. 2. th. 26. RICHTER p. 2. dec.
94. Secundum ius Würtenbergicum: Wenn die neue E
besuche die Decke beschlagen. Württenb. Landr. p. 4. tit. 2.
§4. & PLEBST ad I. P. W. disp. 1. th. 16. Ibi si in lectum al-
terius coniugis ductus ductaue fuerit: nach dem Bett-Sprung
wird der superstes zur successione admittirt. Hoc adeo
stricte requiritur, vt licet matrimonium per sacerdotalem
copulam consummatum sit, ac in procinctu fuerint coniu-
ges ingrediendi thorum, successio tamen locum non ha-
beat. CARPZ. ad Cons. elect. Sax. 19. part. 3. def. 3. BERLICH,
p. 3. concl. 25. n. 31. seqq. quod praepudicio confirmat RICHTER,
p. 2. dec. 94. n. 6. Quod etiam exemplis illustat Dn.
MEYER cit. l. §. 8. Ius succedendi autem fundatum est,
licet vel maxime post thori consensionem matrimonium
momento saltem durauerit. BERLICH, d. l. n. 30. Neque
quoad

quoad praxin requiritur, vt *copula actualis* accesserit carnalis, corporumque commixtio, quamuis id forsan maiores ex principiis cleri Romani intenderint, IDEM *c. l. n. 33. seqq.* CARPZ. *p. 3. c. 19. def. 4.* siue mutuo consensu siue morbo & impotentia siue magicis artibus omitta aut impedita fuerit; CARPZ. *d. l. def. 4. & lib. 5. tit. 1. resp. 108. n. 18.* MEYVS *ad ius Lubec. lib. 1. art. 14. n. 14.* Sed sola sufficit *thalami consensio* & ficta corporum commixtio, quae non nunquam magis ad *solemnia nuptiarum* spectare videtur. Vnde inter nobiles & illustres personas pro cautela hodie quotidiana obseruari solet in praxi, praesertim in Saxonia, vt post benedictionem sacerdotalem perfectam plerumque ante epulas, vel praemissis his chorearum tempore sponsus & sponsa in thalamum vocati nuptialem praesentibus propinquis & conuiuiis lecto geniali breuisculo imponantur tempore, mox ad mensam vel choreas reuerfuri. BEYST. *de iur. connub. p. 2. c. 5.* RENNEM. *iurispr. R. G. G. m. 1. D. 41. §. lit. C.* Lepida quaedam de rusticis Altenburgensibus M. FRID. FRISIVS in der Historischen Nachricht von denen merckwürdigen Ceremonien der Altenburgischen Bauren. *Seit. 5.* aliarum gentium mores tangens refert his verbis; Der Bräutigam begiebet sich erst zu Bette, hernach führet der Braut-Diener nebst etlichen Verwandten die Braut in die Schlaff-Cammer; nachdem der Braut-Diener nebst etlichen Anverwandten und Gästen die Braut zu Bette geführt, ziehet ihr in der Cammer den Stiefel oder Schuh aus, pflegt auch die Zöpfe auszuflechten, endlich wirfft er die Braut annoch angekleidet in das Braut-Bette. Die Braut-Mutter, oder welche sol-

iuges, se iam in coniugii venisse possessionem alterumque ius matrimonii reale in alterius acquisivisse corpus, declarant, cum ante istum *personale* tantum ex sponsalibus habuerunt *ius*. Requiritur tamen *iusta* ac *legitima*, praecedente scilicet copula sacerdotali, thalami consensio quia matrimonium per commixtionem carnalem ante copulationem ecclesiasticam diemque nuptiis solennibus destinatum, consummatum dici nequit; ut haud obscure ex const. *elect. Sax. 19. p. 3. §. und ob wohl etliche* apparer, ibique CARPZ. *def. 61.* Quid vero iuris, si post iniustam thalami consensionem copula subsequatur sacerdotalis, nullusque dehinc factus thori iugalis ingressus; videri potest in *decis. LYNCKERI*: ubi p. 1. *dec. 405.* elegantem hac de quaestione refert casum.

Lucrum dotis non acquiritur sponsalibus.

§. XLII. Statutum de lucranda dote & similia non habet locum, si sponsa de praesenti decedat; finis enim (1) dotationis, ut notum, in eo consistit, l. 20. *C. de iur. dot. l. 21. §. 1. C. de donat. int. vir. & vxor.* ut habeat maritus, unde matrimonii onera sustineat. l. 75. in f. *de iur. dot.* Ob ea subeunda partem dotis lucratur maritus, vxorque in compensationem dotis solutae partem etiam ex bonis mariti defuncti percipit. Cessat vero hic in sponsalibus, cum ante consummationem nulla onera marito incumbant, eaque nunquam nisi matrimonio consummato, adesse dicantur. SALYCI. d. l. 6. n. 4. & 5. BALD. *an. h. dos. datan. 5.* CYNAD. MAVSER. d. l. SCHNEIDEW. n. 108. Igitur nec ante consummationem fructus dotis multo minus dotem ipsam ad eum pertinere dici potest. GAIL 20. 80. n. 111. & l. b. 2. 10. f. 5. n. 31. (2) Promissio censetur facta sub conditione, si scilicet virgo vel sponsa *ducatur in domum, & sequatur copula*, pro ut fieri solitum arg. l. 21. l. 37. l. 41. pr. *D. de iur. dot.* Unde cum non impleta fuerit conditio, sub qua dotis promissio videtur facta, ut in sponsa, lucrum & acquisitio ipsius quodque dotis cessat. quod & imp. in l. 24. *C. de nupt. confirmat.* (3) Statutum dotem marito ceu lucrum attribuens est correctorium

storum iuris communis, quod vel ad patrem vel alium
 dotem sibi reddi stipulantem, vel ad haeredes vxoris reuer-
 ti vult, ideoque merito, vt in aliis correctoriis fieri solet,
 strictissima interpretatio, quo minus laedatur ius commu-
 ne, amplectenda est, ROLANDA VALL *de lucr. dot. q. 2.*
ibique allegati, vt quam minime abeat a iure communi.
l. vn. C. de iussu, dot. Vnde cum status in statuto non spe-
 cialiter expressus, manere censetur sub dispositione iuris
 communis; GAIL. *lib. 2. obs. 33. n. 2. & obs. 140. n. 12.* RICHTER
decis. 3. n. 6. CARPZOV. *p. r. dec. 3. n. 11. & 12.* lucrum vero
 dotis iure communi nullum conceditur sponsis, ergo mul-
 to minus vi statuti, non specialiter huius casus mentionem
 facientis, petere quicquam valet sponsus; (4) maior est fauor
 defunctae sponsae sponsue conianguineorum, qui de da-
 mno vitando, quam sponsae sponsue superstitis, qui de lu-
 cro captando certant. (5) Statutum pactumue de lucro do-
 tis post mortem coniugis sub conditione vt plurimum illud
 loqui censetur, si scilicet *sine liberis praemoriatur altera pars*.
 sed *sine liberis praemori* vix de sponsa sponsue praedicari
 poterit; lege enim prohibente eiusmodi celebraretur con-
 cubitus, itaque tales intelliguntur coniuges, qui sunt in eo
 statu, eamque habent potentiam non tantum *naturalem*, sed
 & *legalem*, vt liberos quoque habere *naturaliter* possint. Si-
 ne liberis mori infert priuationem, quae praesupponit ha-
 bitum, in desponsatis *legaliter* haud sperandum. Cum er-
 go haec conditio in his locum non inueniat, nec lu-
 crum dotis inuenit, quod & iure Sax. elect. *con. fess. 19. part. 3.*
confirmatum.

re, cum qua & maritus & adulter consuetudinem habuit, natum, habendum, ac si mariti esset, add. *MENOCH. 6. praef. 3.* quod tamen *STRVV. in excerc. D. th. 43. in fin.* minime simpliciter verum esse autumat. Imò & ii, qui protinus post celebratas nuptias tempore constituti thalami nascuntur, die Frühlings-Kinden, pro legitimis iam habentur. *HAHN. ad WESENBECK. tit. de his qui sui vel. alien. iur. n. 3.* Naturales autem ex soluta honestaque alias persona per superuenientem benedictionem sacerdotalem thalamumque ita legitimantur, ut a legitimis nihil fere differant, *STRVV. excerc. D. 3. th. 2.* ac nomine der voll und wohlbürtigen veniant *MEY. l. 8. dec. 37.* iisque natalitia non possint denegari testimonia die Geburts-Briefe, quod legitimo ex thoro honestisque nati sint parentibus, daß sie aus einen reinen keuschen und unbefleckten Ehe-Bette erzielet und gebohren. *RICHTER p. 2. dec. 80. n. 15.* vel daß sie von ehrlichen frommen Ehe-Leuten, aus einen recht ehelichen ohn bespöckten, ohngetadlichen Ehe-Bette hergekommen gezeugt und gebohren. *CARPZ. p. 2. c. 6. d. 15. it.* daß sie echt und recht aus einem Ehe-Bette gebohren. *HAHN ad Wesenb. d. L.* Proinde etiam in opificum recipiendi sunt collegium, veluti ex legitimo nati thoro, *CARPZ. lib. 2. iurispr. consist. tit. 14. def. 236.* nisi speciatim ac nominatim expressis exclusi sunt verbis, die Mantel-Kinden, qualia statuta ut iniusta & irrationabilia non esse admittenda, dicit *CARPZ. d. def. 236. n. 15.* Sed rectius *LAUTERB. colleg. D. lib. 1. tit. 6. §. 25.* ut & *RENNEM. iurispr. R. G. M. l. D. 43. th. 16. lit. C.* laudant ac probant.

§. XLIII. Plura adhuc observanda supererant discrimina, quia latissimus est conclusionum campus in hac doctrina valde practica vsuque frequentissima; sed modus sit rebus; claudendi hic tandem riui: sat prata biberunt. Arbitror enim, me satis superque ostendisse, erroneum esse dogma a plurimis assumtum, sponsalia pura esse ipsum matrimonium, quem finem tota haec praesens meditatio sibi propositum habuit, & ut puto, obtinuit feliciter.